

ገይዲ ማፃኣፔ ዓይያ ካር

ገይዲ ማፃኣፔ፡- ዒሰራዔኤሌ ዓሳ ሲና ዲኮ ሃሺ ዓኣዲሰካፓ ዓርቃያ ዳንዲ ጾኦሲ ዔያቶም ዒንጋኒ ጫኣቁ ዓጩሎኮ ዓባ ኬሰካ ዛሎ ዛጶ ሄላንዳኣና ገይዲታሚ ለዔ ዔያታ ሃንቲ ዎደና ዬኖ ለዎ ጋራ ማዲንቲ ባኣዚ ኬኤዛኔ። ማፃኣፔሎኮ ሱጉፃ ማዲንቲ ሃይሶይዳ ዴኣፒ ማዒ ጴዳ ባኮ ዛሎ ኬኤዛያኬ፤ ዬይያ፡- ዒሰራዔኤሌ ዓሳ ሲና ዲኮ ሃሺ ዓኣዲንዳሢኮ ቤርታ፤ ዬያጉዲ ሃሣ ፔቲ ሸይንቲ ዎዴ ዓኣዲሰካፓ ዮርዳኖሴ ዎሮኮ ሱካ፣ ዓባ ኬሰካ ዛላ፣ ሞዓኣቤ ዓጩይዳ ሙሴ ዴሮ ገይዴ ገይዲ ዛሎኬ። ላሚ ላሚ ዴሮ ገይዶና ዎደኮ ባኣካ ዓኣ ዎደይዳ ዒሰራዔኤሌ ዓሳ ካኣናኔ ዓጮኮ ደኣሎ ዛለና ዛጲ ማዔ፣ ቃዴሴባርኔ ጌይንታ ቤዞ ሄሌኔ፤ ዬይ ያዲ ማዔቲያ ዬኖ ዛሎና ዔያቶም ሃጊ ማዓንዳ ዎዛ ማሂ ዒንገንቲ ዓጩሎ ዔያታ ጌላኒ ዳንዳዒባኣሴ፤ ያዲ ማዔሣር ዬኖ ቤዞይዳ ሚርጌ ለዔ ዔያታ ናንጌሰካፓ ዮርዳኖሴ ዎሮኮ ዓባ ኬሰካ ዛሎይዳ ዓኣ ዓጩ ዴንዴኔ። ዒማና ዛሎ ዴራ ዒኢካ ናንጋኒ ኮዒ ዓታዛ፣ ዛላ ጋዓንቲ ዮርዳኖሴ ዎሮና ፒንቁ ካኣናኔ ዴንዳኒ ጌኢጊንቲኔ።

ገይዲ ማፃኣፔ፡- ሚርጌ ሜታ ዔያቶ ሄሌ ዎደና ዒጊጫያ፤ ሃሣ ሃጊ ማዓ ዎዛ ባይዚ «ኮ ጋፔኔ» ጋዓያ፤ ጊንሣ ሃሣ ጾኦሲንታ ዔያቶ ዔኪ ዓኣዲንዳጉዲ ጾኦሲ ደኣሬ፣ ሙሴማኣ ዎይዞ ዒፃ ዴሮ ዛሎ ሃይሶ ኬኤዛያኬ። ዎዚ፡- ዴራ ዎይዚ ዒፃያ ማዔቲያ ጾኦሲ ፔኤኮ ጉሙርቁንቲያና ዔያቶ ካፔያ ማዔሣ ሃይሶይዳ ኬኤዚንቲኔ፤ ዬያጉዲ ሃሣ ሙሴ ፔቲ ፔቲና ዳንዳዒ ጊቡዎያ ማዔቲያ ደዲ ጉሙርቁሣ ዒዛኮ ዓኣያ ማዔሣና ጾኦሲንታ ዴሮንታም ዒ ጉሙርቁንቲ ማዴያ ማዔሣ ኬኤዚንቲኔ።

ማፃኣፔላ ዲማ ዲማ ዓርቁ ባኮ

- ዒሰራዔኤሌ ዓሳ ሲና ዲኮ ሃሺ ዓኣዲያር ጌኢጊንቲሣ (1፡1-9፡22)
- 1. ዴራ ቤርቲ ቤርታ ገይዲንቲሣ (1፡1-4፡49)
- 2. ዲማ ዲማ ዎኅና ዳምቦና (5፡1-8፡26)
- 3. ላምዓሳ ዑሣ ዓኣዲያ ቦንቾ (9፡1-23)
- ሲና ዲካፓ ዴንዲ ሞዓኣቤ ሄላንዳኣና (10፡1-21፡35)
- ሞዓኣቤ ዓጩይዳ ማዲንቲ ባኮ (22፡1-32፡42)

ዴራ ጊብጻፓ ሞዓኣቤ ሄላንዳኣና ዴንዴ ዎዶና ማዲንቴ ባኮኮ
ዓኣፖንሢ (33:1-49)

ዴራ ዮርዳኖሴ ዎር ፒንቃንዳሢኮ ቤርታ ዓይሢንቴ ዓይሥሢ
(33:50-36:13)

ዒሰራዔኤሌ ዴርኮ ቤርታሳ ፓይዲንቶ

1 ዒሰራዔኤሌ ዴራ ጊብጻ ዓጫፓ ከሰከንቴ ላሞዓሳ ሌዖና
ላሞዓሳ ዓጊኖኮ ቤርታሳ ኬሎ ሲና ጌይንታ ዓሲ ናንጉዎ
ዳውሎይዳ ዓኣንቴ ዓፒሎና ማዢንቴ ያኣሲ ዴርና ካኣማ ማኣርፓ
ናንጊና ናንጋ ጎዳ ሙሴም ኬኤዛዮ፡- 2-3 «ዒሰራዔኤሌ ዴር ያጶና
ያጶና፣ ሃሃ ማኣር ዓሶና ዓሶና ማሂ ፓቂ ኔናንታ ዓኣርኔንታ ዓቲንቆ
ፓይዲዎቲ፤ ሌዓ ላማታሚና ዬካፓ ዑሣ ማዔያ ሃሃ ያልዚና ዓጪ
ካፓኒ ዳንዳዓ ዓቲንቆ ቢያ ዲማ ዲማ ያላ ዓሲ ማሂ ፓቂ ፓቂ
ያኣፑዎቲ። 4 ፔቴ ፔቴ ያጶይዳፓ ዬኖ ማኣርኮ ሱኡጌ ማዒ ዒንሢ
ማኣዳንዳ ፔቴ ፔቴ ዓሲ ደኣሩዎቲ» ጌዒ ከኤዜኔ። 5 ዒንሢ
ማኣዳንዳ ዓሳ ሃካፓ ሊካ ፓይዲንታዞንሢኮ፡-

- ርኦቤኤሌ ዓሶፓ
- ሼዴዑሬ ናኣዚ ዔኤሊጱሬ
- 6 ሲሞኦኔ ዓሶፓ
- ጱሪሻዳዬ ናኣዚ ሼሎሚዔኤሌ
- 7 ዪሁዳ ዓሶፓ
- ዓሞናኣዳኣቤ ናኣዚ ናዓሶኔ
- 8 ዪሳኮኦሬ ዓሶፓ
- ጱዓሬ ናኣዚ ናቲናዔኤሌ
- 9 ዛብሎኦኔ ዓሶፓ
- ሄሎኔ ናኣዚ ዔኤሊዓቤ
- 10 ዮሴፔ ናኣቶኮ
- ዔፕሬኤሜ ዓሶፓ
- ዓሚሁዴ ናኣዚ ዔልሻማዔ
- ሚናኣሴ ዓሶፓ
- ፔዳጱሬ ናኣዚ ጌማሊዔኤሌ
- 11 ቢኢኒያሜ ዓሶፓ
- ጊዲዮኔ ናኣዚ ዓብዳኣኔ
- 12 ዳኣኔ ዓሶፓ
- ዓሞሻዳዬ ናኣዚ ዓሂዔዜሬ
- 13 ዓሴኤሬ ዓሶፓ
- ያክራኔ ናኣዚ ፓግዔኤሌ
- 14 ጋኣዴ ዓሶፓ

ዴዑዔኤሌ ናኣዚ ዔኤሊያሳፔ

15 ኒፕታኣሌኤሜ ዓሰፓ

ዔናኔ ናኣዚ ዓሂራዔ

16 ዴሮ ባኣኮይዳፓ ፔቴ ፔቴ ዒሰራዔኤሌ ማኣሮኮ ሱኡጎ ማዒ ዶኦሪንቴዘንህሂ ዬንሂኬ።

17 ሙሴና ዓኣሮኔና ዬንሂ ታጾ ላምዎ ዓሰንሂና ማኣዲንቴ ማኣዲንቴ፣ 18 ላምዓሳ ዓገሮኮ ቤርታሳ ኬሎና ዴሮ ቢያ ፔቴይዳ ቡኩሲ ፃጸና ማኣሮ ዓሰና ዓሰና ማሂ ፓቁሰካፓ ዴራ ፓይዲንታንዳፑዲ ማጳኔ፤ ዓሰይዳፓ ሌዓ ላማታሚና ዬካፓ ዑህ ዓኣዴ ዓቲንቆኮ ቢያ፡- ዎኑሲ ዓይህ ጎይዎና ሱንፃ ፃኣፒንቴ ፃኣፒንቴ ፓይዲንቴ። 19 ሙሴ ዬያይዲ ሲና ቦኣሎይዳ ዴሮ ፓይዴኔ።

20 ዎልዚና ዓጪ ካፓኒ ዳንዳዓያ፤ ሃህ ሌዓ ላማታሚና ዬካፓ ዑህ ማዓ ዓቲንቃ፡ ያይቆኑቤ ናኣቶኮ ቶይዳሂ ማዔ ሮኦቤኤሌ ማኣራፓ ቢያሂ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ፤ 21 ሮኦቤኤሌ ማኣራፓ ፓይዲንቴ ዓሳ ዎይዲታሚ ላሆ ሺያና ዶንጎ ጃኤታናኬ።

22 ሲሞኦኔ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ። 23 ሲሞኦኔ ማኣራፓ ፓይዲንቴ ዓሳ ዶንገታሚ ታዘጸ ሺያና ሃይሃ ጃኤታናኬ።

24 ጋኣዴ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ፤ 25 ጋኣዴ ማኣራፓ ፓይዲንቴ ዓሳ ዎይዲታሚ ዶንጎ ሺያና ላሆ ጃኤታና ዶንገታሚናኬ።

26 ዪሁዳ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ፤ 27 ዪሁዳ ማኣራፓ ፓይዲንቴ ዓሳ ላንካይታሚ ዎይዶ ሺያና ላሆ ጃኤታናኬ።

28 ዪሳኮኦሪ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ፤ 29 ዪሳኮኦሪ ማኣራፓ ፓይዲንቴ ዓሳ ዶንገታሚ ዎይዶ ሺያና ዎይዶ ጃኤታናኬ።

30 ዘብሎኦኔ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃህ ማኣሮና ማኣሮና ማዒ ፓቁንቴ ሱንፃ ፃኣፒንቴ፤ 31 ዘብሎኦኔ ማኣራፓ ፓይዲንቴ ዓሳ ዶንገታሚ ላንካይ ሺያና ዎይዶ ጃኤታናኬ።

32 ዮሴፔ ናኣቶኮ ዔፕሬኤሜ ማኣራፓ ሌዓ ላማታሚና ዬካፓ ዑህ ማዔያ፡ ዎልዚ ዎላኒ ዳንዳዓ ዓቲንቃ ቢያ ፔኤኮ ፃጸና ፃጸና፤

ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 33 ዔፕሬሎሜ ማክራፓ ገይዲንቴ ዓሳ ያይዲታሚ ሺያና ደንጎ ጃኤታናኩ።

34 ሚናኣሴ ማክራፓ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 35 ሚናኣሴ ማክራፓ ገይዲንቴ ዓሳ ሃይሣታሚ ላምዖ ሺያና ላምዖ ጃኤታናኩ።

36 ቢኢሲያሜ ማክራፓ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 37 ቢኢሲያሜ ማክራፓ ገይዲንቴ ዓሳ ሃይሣታሚ ደንጎ ሺያና ያይዲ ጃኤታናኩ።

38 ዳኣኔ ማክራፓ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 39 ዳኣኔ ማክራፓ ገይዲንቴ ዓሳ ላሃታሚ ላምዖ ሺያና ላንካይ ጃኤታናኩ።

40 ዓሴኤሬ ማክራፓ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ፔኤኮ ፃጸና ፃጸና፤ ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 41 ዓሴኤሬ ማክራፓ ገይዲንቴ ዓሳ ያይዲታሚ ፔቴ ሺያና ደንጎ ጃኤታናኩ።

42 ኒፕታኣሌኤሜ ማክራፓ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ፃጸና ፃጸና፤ ሃሣ ማክሮና ማክሮና ማዒ ገቁንቲ ሱንፃ ፃኣፒንቴኔ፤ 43 ኒፕታኣሌኤሜ ማክራፓ ገይዲንቴ ዓሳ ደንጊታሚ ሃይሣ ሺያና ያይዲ ጃኤታናኩ።

44 ሙሴንታ ዓኣሮኔንታ ፔቴ ፔቴ ዒሰራዔኤሌ ማኣሮ ዛሎ ኬሰኩ፡ ታጳ ላምዖ ፃጳኮ ሱኡጎንታ ገይዲ ዓሳ ዩያቶኩ።

45 ዒሰራዔኤሌ ዓሶኮ ሌዓ ላማታሚና ዩካፓ ዑሣ ማዔያ፡ ያልዚ ያላሲ ዳንዳዓ ዓቲንቃ ቢያ ማክሮና ማክሮና ገቁንቲ ገይዲንቴኔ፤

46 ዬያ ገይዲንቴ ዓሶኮ ሚርጉማ ላሆ ጃኤታና ሃይሣ ሺያና ደንጎ ጃኤታና ደንጊታሚናኩ።

47 ሌዊ ዓሳ ጋዓንቴ ሃንጎ፡ ዬኖ ፃጳ ማክሮና ገይዲንቴባኣሴ፤

48 ዓይጎር ጌዔቴ ናንገና ናንጋ ጎዳ ሙሴም፡- 49 «ያልዚና ዓጪ ካፓኒ ዳንዳዓ ዓቲንቆ ኔ ገይዲ ዎደና ሌዊ ዓሶ ጊዳ ቃሲ ገይዲ።

50 ዬያ ዛሎ ሌዊ ዓሶ፡- ታኣኒ ዴርና ካኣማ፡ ዓፒሎና ማዢንቴ ማክሮና ጋሮይዳ ዓኣ ማዲንቶ ባኮ ዑፃ ቢታንቶ ዓኣ ዓሲ ማሂ ጌሣ፤ ዔያታ ዓፒሎና ማዢንቴ ማክሮና ጋሮናይዳ ዓኣ ባኮ ቢያ ኬዲ ሃንታያ ማዓንዳኔ፤ ሃሣ ዒኢካ ዔያታ ማዲያ ማዓንዳኔ፤ ዬያ ማኣሮኮ ኮይሎይዳ ዔያታ ዲንኪ ዴዖንጎ። 51 ዒንሣ ዴዓ ቤዛፓ ሃሺ

ዳንዳ ዋድና ለዋ ዓሳ ሌሊ ታኣኒ ዳርና ካኣማ ማኣር ደቆና ቤዛፓ ቱጋያ፣ ሃሣ ዒንሣ ዳንዳ ዳንካ ቤዛይዳኣ ዔያታ ደቃያ ማዖንጎ፤ ዔያቶይዳፓ ዓታዛ ዬኖ ማኣር ባንሣ ስኣኒያ ዑኩቱ ሃይቃንዳጉዲ ዋጊንቶንጎ። 52 ሃንጎ ዒሰራዔኤሌ ዓሳ ዔያቶ ፓቆና ጎይያ ጎይያ፤ ጊንሣ ፔኤኮ ፔኤኮ ባንዲር ደቂ ዳንኪ ዳዖንጎ። 53 ጋዓንቴ ዓይጎ ዓሲያ ማዖም ዬኖ፣ ታኣኒ ዳርና ካኣማ ማኣሬሎ ባንሣ ዑኪ፣ ዳጎ ታኣኮ ዔቂሲ ዒሰራዔኤሌ ዓሳ ኩርሲሱዋጉዲ ለዋ ዓሳ ዬኖ ዓፒሎና ማዢንቴ ማኣሬሎኮ ኮይሎይዳ ዳንኪ ዳዒ ካፖንጎ» ጌዔኔ። 54 ዬያር ዒሰራዔኤሌ ዳራ ናንጊና ናንጋ ጎዳ ሙሴ ዓይሣ ጎይያ ቢያ ባኮ ማዳኔ።

2

ዒሰራዔኤሌ ዓሳኮ ፃጳ ፃጳ ናንጋንዳ ጉርዳ ፓቂንቴ ጎይያ

1 ናንጊና ናንጋ ጎዳ ሙሴና ዓኣርኔናም፡- 2 «ዒሰራዔኤሌ ዓሳ ናንጋ ጉርዳ ቢያይዳ ፔቱ ፔቱ ዓሳ ዔያታ ናንጋ ቤዛም ዒንጊንቴ ባንዲራ ዓኣ ቤዛ ቤዛ ዳንኪ ዳዖንጎ፤ ዔያታ ዳዓንዳሣ ዓፒሎና ማዢንቴ፣ ታኣኒ ዳርና ካኣማ ማኣር ኮይላ ማዖንጎ» ጌዔኔ።

3 ዓባ ኬሰካ ዛላ ዪሁዳ ዓሲ ማሂ ፓቂንቴ ፃጳ ዔያቶም ዒንጊንቴ ባንዲራ ዓኣ ቤዛ ዳንኪ ዳዖንጎ፤ ዪሁዳ ዓሳኮ ሱኡጋሣ ዓምናኣዳኣቤ ናኣዚ ናዓሶኔኬ፤ 4 ዔያቶኮ ፓይዲንቴ፣ ዖላ ዓሶ ሚርጉማ ላንካይታሚ ዖይዶ ሺያና ላሆ ጭታናኬ።

5 ዬያቶይዳፓ ሄሊሳዖ ዪሳኮኦሬ ማኣር ዓሳ ዳንኪ ዳዖንጎ፤ ዪሳኮኦሬ ማኣርኮ ሱኡጋሣ ሶጌሬ ናኣዚ ናትናዔሌኬ፤ 6 ዔያቶኮ ፓይዲንቴ፣ ዖላ ዓሶ ሚርጉማ ዶንጊታሚ ዖይዶ ሺያና ዖይዶ ጭታናኬ።

7 ዬካፓ ሃሣ ዛብሎኦኔ ማኣር ዓሳ ዳዓንዳኔ፤ ዛብሎኦኔ ማኣርኮ ሱኡጋሣ ኬሎኔ ናኣዚ ዔኤሊያቤኬ፤ 8 ዔያቶኮ ፓይዲንቴ፣ ዖላ ዓሶ ሚርጉማ ዶንጊታሚ ላንካይ ሺያና ዖይዶ ጭታናኬ። 9 ዳማ ዳማ ዖላ ዓሲ ማዒ ዪሁዳና ፓይዲንቴ ዓሳኮ ሚርጉማ ፔቱ ጭታና ሳሊታሚ ላሆ ሺያና ዖይዶ ጭታናኬ። ቤርታ ዓኣዳንዳ ዓሳ ዬኖ ዓሳኬ።

10 ደኣሎ ዛሎና ሮኦቤኤሌ ዓሲ ማሂ ፓቂንቴ ፃጳ ዔያቶም ዒንጊንቴ ባንዲራ ዓኣ ቤዛ ዳንኪ ዳዖንጎ፤ ዔያቶኮ ሱኡጎ ማዓንዳሣ ሳዲዮሬ ናኣዚ ዔልሱሬኬ፤ 11 ዔያቶኮ ፓይዲንቴ፣ ዖላ ዓሶ ሚርጉማ ዖይዲታሚ ላሆ ሺያና ዶንጎ ጭታናኬ።

12 ዔያቶይዳፓ ሄሊሲ ሲሞኦኔ ማኣር ዓሳ ዳንኪ ዳዖንጎ፤ ዔያቶኮ ሱኡጎ ማዓንዳሣ ሱሪሳይዳ ናኣዚ ሴሌሚዔኤሌኬ፤

13 ዔያቶኮ ገሌዲንቴ፣ ያላ ዓሶ ሚርጉማ ደንገታሚ ታዘጸ ሺያና ሃይሆ ጃኤታናኬ።

14 ዩካፓ ጋኣዴ ማኣሮ ዓሳ ዴዎንጎ፤ ዩያቶኮ ሱኡጎ ማዓንዳሢ ራጉዔኤሌ ናኣዚ ዔልሳፔኬ፤ 15 ዔያቶኮ ገሌዲንቴ፣ ያላ ዓሶ ሚርጉማ ያይዲታሚ ደንጎ ሺያና ላሆ ጃኤታና ደንገታሚናኬ። 16 ዲማ ዲማ ያላ ዓሶ ማዒ ሮኦቤኤሌና ገሌዲንቴ ዓቲንቃ ቢያ ፔቴ ጃኤታና ደንገታሚ ፔቴ ሺያና ያይደ ጃኤታና ደንገታሚናኬ። ዩያይዲ ሮኦቤኤሌ ዓሳ ሄሊሲ ዴንዳኒ ኬሰኮንጎ።

17 ቤርታሳ፣ ላምዎ ፓቆና ዓሶና ጋፒንያይዳ ዓኣ ላምዎ ፓቆና ዓሶናኮ ባኣካ ለዌ ዓሳ ዓፒሎና ማዢንቴ፣ ታኣኒ ዴሮና ካኣማ ማኣሮ ኬዲ ዓኣደንጎ፤ ፔቴ ፔቴ ፓቁንቴ ዓሳ ዲማሳኒ ዒንገንቴ ባንዲራ ዓኣ ቤዛ ቤዛ ማዒ ዋሊ ሄሊ ሄሊ ኬሰኮም ጎዖና ጎይዎም ዓኣደንጎ።

18 ዓባ ጌላ ዛሎና ዔፕሬኤሜ ዓሶ ማሂ ፓቁንቴ ፃጸ ዔያቶም ዒንገንቴ ማላታ ዓኣ ቤዛ ቤዛ ዲንኪ ዴዎንጎ፤ ዔያቶኮ ሱኡጎ ማዓንዳሢ ዓሚሁዴ ናኣዚ ዔኤሊሳሜኬ፤ 19 ዔያቶኮ ገሌዲንቴ፣ ያላ ዓሶ ሚርጉማ ያይዲታሚ ሺያና ደንጎ ጃኤታናኬ።

20 ዩካፓ ሄሊሲ ሚናኣሴ ማኣሮ ዓሳ ዴዎንዳኔ፤ ዔያቶኮ ሱኡጎ ማዓንዳሢ ፒዳቡሬ ናኣዚ ጌማለዔኤሌኬ፤ 21 ዔያቶኮ ገሌዲንቴ፣ ፖኦሊሶ ሚርጉማ ሃይሢታሚ ላምዎ ሺያና ላምዎ ጃኤታናኬ።

22 ዩካፓ ሃሃ ቢኢኒያሜ ማኣሮ ዓሳ ሄሊሲ ዴንዳንዳኔ፤ ዩያቶኮ ሱኡጌ ማዓንዳሢ ገዲዮኔ ናኣዚ ዓብዳኣኔኬ፤ 23 ዔያቶኮ ገሌዲንቴ፣ ፖኦሊሶ ሚርጉማ ሃይሢታሚ ላምዎ ሺያና ያይደ ጃኤታናኬ። 24 ዲማ ዲማ ያላ ዓሶ ማዒ ዔፕሬኤሜና ዋላ ገሌዲንቴ ዓቲንቃ ቢያ ጃኤታና ሳሊ ሺያና ፔቴ ጃኤታናኬ፤ ዩያይዲ ዔፕሬኤሜ ዓሳ ሃይሃሲ ዴንዳኒ ኬሰኮንጎ።

25 ኬደ ዛሎና ዳኣኔ ዓሶ ማሂ ፓቁንቴ ፃጸ ዔያቶም ዒንገንቴ ባንዲራ ዓኣ ቤዛ ቤዛ ዲንኪ ዴዎንጎ፤ ዩያቶኮ ሱኡጌ ማዓንዳሢ ዓምሳዳዬ ናኣዚ ዓክዔዜሬኬ፤ 26 ዔያቶኮ ገሌዲንቴ፣ ፖኦሊሶ ሚርጉማ ላሂታሚ ላምዎ ሺያና ላንካይ ጃኤታናኬ።

27 ዩያቶ ሄሊሲ ዓሴኤሬ ማኣሮ ዓሳ ዲንኪ ዴዎንጎ፤ ዩያቶኮ ሱኡጌ ማዓንዳሢ ዓክራኔ ናኣዚ ፓግዒዔኤሌኬ፤ 28 ዔያቶኮ ገሌዲንቴ፣ ፖኦሊሶ ሚርጉማ ያይዲታሚ ፔቴ ሺያና ደንጎ ጃኤታናኬ።

29 ዩካፓ ኒፕታኣሌኤሜ ዓሳ ዲንኪ ዴዎንዳኔ፤ ዩያቶኮ ሱኡጌ ማዓንዳሢ ዔናኔ ናኣዚ ዓኪሬኬ፤ 30 ዔያቶኮ ገሌዲንቴ፣ ፖኦሊሶ ሚርጉማ ደንገታሚ ሃይሆ ሺያና ያይደ ጃኤታናኬ።

31 ደማ ደማ ያለ ዓሲ ማዒ ዳኣኔና ዋላ ፓይዲንቴ ባቲንቃ ቢያ ፔቲ ዌኤታና ደንጊታሚ ላንካይ ሺያና ላሆ ዌኤታናኩ። ዬያይዲ ዳኣኔ ዓሳ ያይዲሲ ደንዳኒ ከሰኮንጎ።

32 ፔቲ ፔቲ ቤዛ ፓቂንቲ፥ ሱንፃ ፃኣፒንቴ ዒሰራዔኤሌ ዳሮኮ ሚርጉማ ዋሊ ዑፃ ላሆ ዌኤታና ሃይሣ ሺያና ደንጎ ዌኤታና ደንጊታሚ ማዓኔ። 33 ለዊ ዓሳ ጋዓንቴ ናንጊና ናንጋ ጎዳ ሙሴ ዓይሤ ጎይያና ሃንጎ ዒሰራዔኤሌ ዓሶና ዋላ ፃኣፒንቲባኣሱ።

34 ዬያይዲ ዒሰራዔኤሌ ዳራ ናንጊና ናንጋ ጎዳ ሙሴ ዓይሤ ጎይያ ቢያ ባኮ ኩንሣኔ፤ ፔቲ ፔቲ ፃጳ ፔኤም ዒንጊንቴ ባንዲራ ዓኣ ቤዛ ቤዛ ዳዔኔ፤ ሃሣ ፔቲ ፔቲ ዓሳኣ ፔ ዜርያና ፔ ማኣር ዓሶና ማዒ ማዒ ደንዳኔ።

3

ዓኣሮኔኮ ባቲንቆ ናኣቶ

1 ናንጊና ናንጋ ጎዳ ሙሴና ዋላ ሲና ዲኮይዳ ጌሰቴ ዋዶና ዓኣሮኔንታ ሙሴንታኮ ሾይንቴ ናኣታ ሃካፓ ለካ ፓይዲንታዞንሣኒ፤ 2 ዓኣሮኔኮ ያይደ ባቲንቆ ናይ ዓኣኔ፤ ቶይዳሣ ናኣዳቤኬ፤ ጌኤዛታ ዓቢሁና ዓላዜሬና ዒታማሬናኩ። 3 ዔያታ ቢያ ቁኤሴ ማዓንዳጉዲ ዛይቲና ቲሽኪንቴ ዶኦሚንቴኔ። 4 ጋዓንቴ ዔያቶይዳፓ ናኣዳቤና ዓቢሁና ሲና ቦኦይዳ ያኦሲም ዲማዲባኣ ታሞ ናንጊና ናንጋ ጎዳም ሺኢሺሣር ያኦሲ ዔያቶ ዋዴኔ፤ ናይያ ዔያቶኮ ባኣሱ፤ ዬያሮ ዓላዜሬና ዒታማሬና ዔያቶኮ ዓዳሣ፥ ዓኣሮኔ ሺምፔና ናንጌ ዋዶይዳ ቢያ ቁኤሴ ማዒ ማዴኔ።

ሌዊ ዓሳ ማዲ ማዲ

5 ናንጊና ናንጋ ጎዳ ሙሴም፡- 6 «ሌዊ ማኣር ዓሶ ዔኪ ሙኪጋፓ ዔያታ ዓኣሮኔ ማኣዲ ማዲንዳጉዲ ማሣ፤ 7 ዔያታ ዓፒሎና ማዢንቴ፥ ታኣኒ ዳሮና ካኣማ ማኣሮይዳ ዓኣሮኔና ዳሮናም ማዲ ማዲ ዓይሣንቴ ባኮ ቢያ ኩንሣንጎ። 8 ታኣኒ ዒንሣና ካኣማ ዓፒሎና ማዢ ማኣሮ ጋሮይዳ ማዲንቶ ሜሆ ቢያ ቆላያ ማዖንጎ፤ ዒሰራዔኤሌ ዳሮ ዛሎ ማዲንታ ማዲ ማዲ ዓይሣንቴ ባኮ ቢያ ኩንሣንጎ። 9 ዬያሮ ዒሰራዔኤሌ ዓሶይዳፓ ዔያታ ዲማዲ፥ ዓኣሮኔና ናኣቶና ማኣዲ ማዲንዳጉዲ ማሣ። 10 ቁኤሴ ማዒ ዔያታ ማዲንዳጉዲ ዓኣሮኔና ናኣቶና ዶኦሬ፤ ዔያቶይዳፓ ዓታዛ ሜሌ ዓሲ ዬያ ማዲ ማዲ ማሌቲ ዋዋዲንቶንጎ» ጌዔኔ።

3:2 3:2 ፓይ. ማፃ 26:60። 3:4 3:4 ሌዊ. ዓከ 10:1-2፤ ፓይ. ማፃ 26:61።

11 ሃሣ ናንገና ናንገ ጎዳ ሙሴም፡- 12-13 «ዓካሪ ሌዌ ዓሳ ታአም ማዳ ዓሲኬ፤ ገብጻ ዓሶኮ ቶይዶ ናኦቶ ቢያ ታ ዋዳያና ዒሰራዔኤሌ ዓሲ ማዒ ሸይንታ ቶይዶ ናይና ቆልሞኮዋ ቤርቶ ናኦቶ ታአም ታኣኒ ዲማሴኔ፤ ሃሣ ጋዓንቴ ቶይዶ ማዒ ሸይንታ ዓቲንቆ ናኦቶ ታአም ዲማሲያ ቤዞ ሌዌ ዓሶ ታ ዶኦሬኔ፤ ዔይታ ታአም ማዳያ ማግንጎ፤ ታኣኒ ናንገና ናንገ ጎዳኬ» ጌዔኔ።

ሌዌ ዓሶኮ ገይዲንቶ

14 ናንገና ናንገ ጎዳ ሙሴም ሲና ዲኮይዳ፡- 15 «ሌዌ ዓሶ ፔ ዜርጾና ፔ ማኦሮ ዓሶና ማሂ ገይዳ፤ ሸይንቴንቴ ዓገኒ ማዔያና ዩካፓ ዑሣ ማዔ ዓቲንቆ ቢያ ገይዳ» ገይ ዓይሣኔ። 16 ሙሴያ ገይንቴ ጎይያ ማዳኔ፤ 17-20 ሌዌኮ ሃይሣ ዓቲንቆ ናይ ዓኣኔ፤ ዔይታኣ፡- ጌርሾኔ፡ ቁዓቴና ሜራሪ ገይንታያኬ። ዔይቶኮዋ ናይ ዓኣኔ። ጌርሾኔኮ ሊቢኒና ሺምዒ ገይንታ ላምጎ ዓቲንቆ ናይ ዓኣኔ፤ ቁዓቴኮ ላምራሜ፡ ዩፅሃሬ፡ ኬብሮኦኔና ዑዚዔኤሌ ገይንታ ያይዶ ዓቲንቆ ናይ ዓኣኔ። ሜራሪኮ ማሂሊና ሙሺ ገይንታ ላምጎ ዓቲንቆ ናይ ዓኣኔ። ሌዌ ዓሶ ማዒ ፔ ማኦሮ ዓሶና ገይዲንቴዞንሣ ዩያቶኬ።

21 ሊቢኒና ሺምዒ ማኦሮ ዓሳ፡- ጌርሾኔ ፃፀይዳ ገይዲንቴኔ፤ 22 ዔይቶኮ ሸይንቴንቴ ዓገኒ ማዔ ናይዳፓ ዓርቃጎ ፃኣፒንቴ ዓቲንቆ ላንካይ ሺያና ዶንጎ ጃኤታ ማዔኔ። 23 ዩና ዓሳ ዓፒሎና ማዞና ማኦሮኮ ገንፃ፡ ዓባ ጌላ ዛላ ዲንኪ ዴዔኔ። 24 ዩኖ ዜርጾኮ ሱኡጋሣ ላዔኤሌ ናኣዚ፡ ዔኤሊያሳፒኬ። 25 ዔይታ፡- ዓፒሎና ማዞንቴ፡ ያኦሲ ዴሮና ካኣማ ማኦሮንታ ዩያ ማኦሮኮ ዙሎና ጋሮና ካንቆ ባኮ፡ ጌሎ ካሮ ጎኦቦ ዓፒሎ፡ 26 ቃምጎ ጋሮ ጎኦቦና ዓፒሎ፡ ዓፒሎና ማዞንቴ ማኦሮንታ ያኦሲም ሚቺ ዒንጎ ቤዞ ጌሎ ካሮ ጎኦቦ ዓፒሎንታ ዲማዲማ ሱዞንታ፤ ዩያጉዲ ዩይ ባካ ቢያ ማዲንታ ማሆ ቢያ ካፒ ቆላያኬ።

27 ላምራሜ፡ ዩፅሃሬ፡ ኬብሮኦኔንታ ዑዚዔኤሌንታኮ ማኦሮ ዓሳ ቁዓቴ ዓሶ ባኣካ ገይዲንቴኔ። 28 ዔይቶኮ ሸይንቴንቴ ዓገኒ ማዔ ናኦቶይዳፓ ዓርቃጎ ፃኣፒንቴ ዓቲንቆ ሳሊ ሺያና ላሆ ጃኤታናኬ፤ ዔይታኣ፡- ዓፒሎና ማዞንቴ፡ ያኦሲ ዴሮና ካኣማ ማኦሮ ካፓኔ። 29 ዒማና ቁዓጎ ዓሳ ዲንኪ ዴዒሣ ዓፒሎና ማዞንቴ ማኦሮኮ ደኦሎ ዛሎይዳኬ። 30 ዔይቶኮ ሱኡጋሣ ዑዚዔኤሌ ናኣዚ፡ ዔኤሊያፓኔኬ። 31 ዔይታ፡- ጫኣቁሞ ሳኣዲኖ፡ ዴጌ ሎኦኸ ያይቶ፡ ገጎ ጌሣ ሻሮኖ፡ ያኦሲም ሚቺ ዒንጎ ቤዞ፡ ቁኤሳ ጌኤኸ ቤዞይዳ

3:12-13 3:12-13 ኬሲ. ማግ 13:2።

ማደ ማደ ያኑሲም ዲማደ ባኩ፣ ያኑሲም ዑሣ ዓኣዴ ዲማደ ቤዛ ጌሎ ካሮ ጎኑሶ ዓፒሎንታ ዬያ ባኩ ቢያ ካፒ ቆላያኩ።

32 ሌዊ ዓሶኮ ቢያ ሱኡጋሣ ቄኤሳሣ ዓኣሮኔ ናኣዚ፣ ዓላዜሬኬ፤ ዒዚ ጌኤዠ ቤዛይዳ ማደ ዓሶኮ ቢያ ዑፃሣኬ።

33 ማሂሊና ሙሺናኮ ማኣሮ ዓሳ ሜራሪ ዓሶና ገይዲንቴ።

34 ሾይንቴንቴ ፔቴ ዓገሊ ማዔ ናኣቶይዳፓ ዓርቃዎ ዔያቶኮ ፃኣፒንቴ ዓቲንቃ ላሆ ሺያና ላምዎ ጄኤታ ማዔኔ፤ 35 ዬና ዓሳ ዒማና ዲንኪ ዴዔሣ ዓፒሎና ማዠንቴ ማኣሮኮ ኬዶ ዛላኬ፤ ዔያቶኮ ሱኡጋሣ ዓቢዔኤሌ ናኣዚ፣ ፀራዔኤሌኬ። 36 ዔያታ ዓፒሎና ማዠንቴ ማኣሮኮ ላሻሣ ሚያና ጋጋርዘና፣ ቱርቶሮና ቱርቱራ ዔቃ ቶኮና፤ ዬያጉዲ ሃንጎ ማዲንቶ ባኮ ካፒ ቆላያኩ። 37 ሃሣ ጌኤዠ ቤዛኮ ዲያ ዓጫ ዶቆ ሚያንታ ዬያ ዔቂሶ ቶካ፣ ዓንጎ ፃውኖንታ ሱዘንታ ካፒ ቆላያኩ።

38 ዒማና ሙሴና ዓኣሮኔና ዓኣሮኔኮ ናኣቶና ዓፒሎና ማዠንቴ፣ ያኑሲ ዴሮና ካኣማ ማኣሮኮ ዓባ ኬሰካ ዛላ ዲንኪ ዴዔኔ፤ ዬኖ ጌኤዠ ማኣሮይዳ ዒሰራዔኤሌ ዴሮ ዛሎ ማዲንታ ደምቦ ኩንሣሳ ዓሳ ዔያቶኬ፤ ሜሌ ዓይጎ ዓሲያ ዬያ ጌኤዠ ማኣሮ ባንሣ ዑኩቴ ዎዎዲንታ። 39 ናንገና ናንጋ ጎዳ ሙሴ ዓይሣ ጎይያና ፔቴ ዓገሊ ማዔ ናይዳፓ ዓርቃዎ ፃኣፒንቴ ሌዊ ዓሶኮ ዓቲንቃ ጉቤ ላማታሚ ላምዎ ሺያ ማዔኔ።

ዒሰራዔኤሌ ዓሶኮ ቶይዶ ናኣቶ ቤዛ ሌዊ ዓሶኮ ያኑሲም ዲማዲያ

40 ናንገና ናንጋ ጎዳ ሙሴም፡- «ቶይዶ ማዒ ሾይንቴ፣ ዒሰራዔኤሌ ዓሶኮ ዓቲንቆ ናኣቶ፤ ሾይንቴንቴ ዓገሊ ማዔሣንታ ዬያፓ ዑሣ ሌዓ ዓኣዴ ዓቲንቆ ቢያ ገይዲ ፃኣፔ። 41 ታኣኒ ዔያቶ ቤዛ ሌዊ ዓሶ ታኣም ዶኦሬኔ፤ ሃሣ ዒሰራዔኤሌ ዓሶ ቆልሞኮ ቤርታ ሾይንቴ ናኣቶ ቤዛ ሌዊ ዓሶ ቆልሞ ታኣም ታ ዶኦሬኔ፤ ታኣኒ ናንገና ናንጋ ጎዳኬ» ጌዔኔ። 42 ሙሴያ ናንገና ናንጋ ጎዳ ዒዛ ዓይሣ ጎይያና ዒሰራዔኤሌ ዓሶ ባኣካፓ ቶይዶ ቶይዶ ማዒ ሾይንቴ ዓቲንቆ ቢያ ገይዴ። 43 ፔቴ ዓገሊና ዬካፓ ዑሣ ሌዓ ማዔም ሱንያና ሱንያና ፃኣፒንቴ ቶይዶ ማዔ ዓቲንቆኮ ሚርጉማ ላማታሚ ላምዎ ሺያና ላምዎ ጄኤታና ላንካይታሚ ሃይሃ ማዔኔ።

44 ናንገና ናንጋ ጎዳ ሙሴም፡- 45 «ዓካሪ፣ ዒሰራዔኤሌ ዓሶኮ ቶይዶ ናኣቶ ማዒ ሾይንቴ ዓቲንቆ ቤዛ ሌዊ ዓሶ ታኣም ዲማሴ፤ ዬያጉዲ ዒሰራዔኤሌ ዓሶ ቆልሞኮ ቤርቲ ማዒ ሾይንቴ ናኣቶ ቤዛ ሌዊ ዓሶ ቆልሞ ታኣም ዲማሴ። 46 ዒሰራዔኤሌ ዓሶኮ ቶይዶ ናኣቶ ማዒ ሾይንታ ዓቲንቆ ሚርጉማ ሌዊ ዓሶይዳፓ ላምዎ ጄኤታና

ለንካይታሚ ሃይሃዎ ዓሲና ባሽህረ ዬያቶ ዑሣ ዓኣዳ ዓቲንቆ ዛሎ ሚኢሽ ዔኬ። 47 ፔቴ ፔቴህሂ ዛሎ ኔ ዔካንዳ ሚኢሽ ጌኤዠ ማኣረይዳ ሚኢሽ ዴኤሠሞ ዔሮ ባኮና ደንጊታሚ ደንጎ ጊራኣሚ ማዓ ሹቺ ቢራ ማዖንጎ። 48 ዬኖ ዓሶ ዛሎ ኔ ዔኬ ሚኢሽ ዓኣረኔና ዒዛኮ ናኣቶናሞ ዒንጌ» ጌዔ። 49-51 ሙሴ ናንጊና ናንጎ ጎዳ ዒዛ ዓይህ ጎይዖ ሌዊ ዓሶይዳፓ ዲቢ ዑሣ ዓኣዳ፣ ዒሰራዔኤሌ ዓሶኮ ዓቲንቆ ዛሎ ታጳ ደንጎና ዛላ ኪሎ ማዓ ሹቺ ቢራ ዔኪ ዓኣረኔና ዒዛኮ ናኣቶናሞ ዒንጌ።

4

ቁዓቲ ቶኦኮኮ ማዳ

1 ናንጊና ናንጎ ጎዳ ሙሴና ዓኣረኔናሞ፡- 2 «ቁዓቲ ዜርዖ ማዔ፣ ሌዊ ዓሶ ዔያቶኮ ማኣረና ማኣረና፤ ጊንሣ ቶኦኮና ቶኦኮና ማሂ ፓይ.ዲ፤ 3 ዖኦሲ ዴሮና ካኣማ፣ ዓፒሎና ማዢንቲ ማኣረይዳ ማዳኒ ዳንዳዓያ፤ ሌዓ ሃይህታሚፓ ደንጊታሚ ሄላንዳኣና ዓኣ ዓቲንቆ ቢያ ፓይ.ዲ። 4 ዔያቶኮ ማዳ ዖኦሲ ዴሮና ካኣማ፣ ዓፒሎና ማዢንቲ ማኣረይዳ ታኣሞ ዲማዳ ባኮ ካፒህሂ ማዖንጎ። 5 ዴራ ዲንኪ ዴዔ ቤዛፓ ዔቁ ዴንዳኣና ዓኣረኔና ዒዛኮ ናኣቶና ዖኦሲ ዴሮና ካኣማ፣ ዓፒሎና ማዢንቲ ማኣረ ጋሮ ጌሊ ጫኣቁሞ ሳኣፂኖኮ ቤርቶ ዛላ ዓኣ ጎኦሶና ዓፒሎ ኬይሲ ጫኣቁሞ ሳኣፂኖ ዬያና ማሮንጎ። 6 ዬካፓ ሽርኪንቲ ጉላንቦ ዜዶ ጎኦሶ ዓፒሎይዳ ቃሲ ዓጊ፤ ጊንሣ ሃሣ ጮልዔ ሽኤሚና ሌሊ ኮሺንቲ ዓፒሎ ዑፃ ካንቁ፣ ዛጳሂ ሚዖዎ ዓኣሣንጎ። 7 ዬያጉዲ ሃሣ ዖኦሲሞ ዒንጎ ሙዖ ዒንጊዖ ጌሃ ዴጌ ሎኦኮ ዖይቶዎ ጮልዔ ሽኤሚና ሌሊ ኮሻና ዓፒሎና ካንቆንጎ፤ ዬያ ዖይቶ ዑፃ ሳኣ፤ ዲዎ ሙርሳ፣ ዑኩ ዑሽኮ ዓንጎ፣ ዎይኖ ዑኩ ዲዖ ጉንጉላህያ ጌሃንጎ፤ ካሣኣ ቢያ ዎዴ ዒኣካ ጌህንቲ ዴዖንጎ። 8 ዬያ ቢያ ዘቁ ዓፒላና ካንቁ፣ ዑፃ ሽርኪንቲ ጉላንቦ ዜዶ ካንቁ፣ ዛጳሂ ሚዖዎ ዬያ ዴጌ ዖይቶይዳ ዓኣሣንጎ። 9 ዬካፓ ጮልዔ ሽኤሚና ኮሻና ዓፒላ ዔኪ ፖዖ ጌሃ ሻርኖንታ ፖዒሶ ባኮንታ ታዎ ቆንቾ ጋውጮንታ፤ ዬያጉዲ ሃሣ ዲቢንዖ ጌሃ ቦኦቆንታ ዛይቶ ጌሃ ባኮንታ ቢያ ካንቆንጎ። 10 ፖዖ ጌሃ ሻርኖና ዒኣካ ማዳንቶ ባኮ ቢያ ጉላንቦ ዜዶና ማሪ ኬዲ ዴንዶ ላሻሂ ሚዖይዳ ጌሃንጎ። 11 ዬያይዴሰካፓ ዖኦሲሞ ዒንጎ ባኮ ዒንጎ ዎርቆና ኮሺንቲ ቤዘ ጮልዔ ሽኤሞና ኮሺንቲ ዓፒሎና ካንቁ ሽርኪንቲ ጉላንቦ ዜዶ ዑፃ ቃሲ ካንቁ፣ ዛጳሂ ሚዖዎ ዓኣሣንጎ። 12 ጌኤዠ ማኣረይዳ ማዳንቶ ባኮ ቢያ ዔኪ ጮልዔ ሽኤሞና ኮሺንቲ ዓፒሎና ካንቁ፣ ሽርኪንቲ ጉላንቦ ዜዶናኣ ቃሲ ካንቁ፣ ኬዲ ዴንዶ ላሻሂ ሚዖይዳ

ጌሦንጎ። 13 ጾኦሲም ሚቹ ዲንጎ ቤዛፓ ዲቢንያ ዓኣሄሰካፓ ጋላፒ ዓፒላና ካንቆንጎ፤ 14 ዬኖ ዲንጎ ቤዛይዳ ማዲንቶ ባኮ ጌይፃ፡- ታሞ ዔኤሦ ባካ፡ ዓሽኮ ኪራ፡ ታሞ ካኣሾ ቦኣቆንታ ዔቴ ማዔ ሳኣኖንታ ዒኣኣካ ጌሦንጎ፤ ዬያይዳሰካፓ ሺርኪንቴ፡ ጉላንቦ ዜዶ ዑፃ ቃሲ ካንቁ ዛጳሢ ሚያሞ ዓኣሦንጎ። 15 ዓሳ ዲንኪ ዴዔ ቤዛፓ ዔቁ ዴንዳ ዎዶና ዓኣሮኔና ናኣቶና ታኣም ዲማዴ ቤዛ ማዶ ማዲንቶ ባኮ ቢያ ካንቁ ገኢጊሺ ጋፒሳዛ ቁዓቴ ዓሳ ሙኪ ኬዶንጎ፤ ጋዓንቴ ዔያታ ሃይቁሞጉዲ ታኣም ዲማዴ ባኮ ቢያ ሄላንዲያ ኮይሱሞሴ፤ ጾኦሲ ዴሮና ካኣማ፡ ዓፒሎና ማዢንቴ ማኣራ ዔቁ ዴንዳ ዎዶና ቁዓቴ ዓሰኮ ማዴ ዬያ ማዓንዳ። 16 ቁኤሳሢ ዓኣሮኔ ናኣዚ ዓላዜሬ፡- ፖፖ ፖሲሶ ዛይቶንታ ኮዢ ሳውማ ዓኣ ዑንጅንታ፤ ጊንሣ ሃሃ ቢያ ኬሊ ዓንጊንቴ ዴዓ ሙዎ ዒንጊያና ቲዢና ካፒ ቆላያ ማዎንጎ፤ ዬያጉዲ ጾኦሲ ዴሮ ካኣማ፡ ዓፒሎና ማዢንቴ ማኣሮንታ ጋራ ዓኣ ታኣም ዲማዴ ባኮንታ ቢያ ካፖንጎ» ጌዔ።

17 ናንጊና ናንጋ ጎዳ ሙሴና ዓኣሮኔናም፡- 18 «ቁዓቴ ዓሳ ታኣም ዲማዴ፡ ማዶ ማዲንቶ ባኮ ባንሢ ዑኬቴ ሃይቃንዳ፤ ሌዊ ዓሲ ማዓዳኣ ዓታንዳ። 19 ዬይ ያዲ ማዑሞጉዲ ዓኣሮኔና ናኣቶና ዬያ ጌኤዢ ማኣሮ ጌሊ ፔቴ ፔቴሢ ማዲንዳ ባኮ ፓቁ፡ ዔያታ ማዲንዳ ባኮ ባኮሞ ኬኤዞንጎ። 20 ቁዓቴ ዓሳ ጋዓንቴ ዬያ ታኣም ዲማዴ ባኮ ፔቴናታዎ ዛጋኒ ኮሊ ጋሮ ጌሎፓ፤ ጌሌቴ፡- ዔያታ ሃይቃንዳ።» ጌዔ።

ጌርሾኔ ቶኣካ ማዳ ማዶ

21 ናንጊና ናንጋ ጎዳ ሙሴና ዓኣሮኔናም፡- 22 «ጌርሾኔ ቶኣኮ ማዔ፡ ሌዊ ዓሶ ፔኤኮ ዜርዎና ማኣሮ ዓሶና ዓሶና ፓቁ ፓይዴ፤ 23 ጾኦሲ ዴሮና ካኣማ፡ ዓፒሎና ማዢንቴ ማኣሮይዳ ማዲኒ ዳንዳዓያ፤ ለዓ ሃይሢታሚፓ ዴንዲ ዶንጊታሚ ጋራ ዓኣ ዓቲንቆ ቢያ ፓይዴ፤ 24 ዬያታ ማዲንዳ ማዴ ሃካፓ ሊካ ኬኤዚንታ ጎይዎ ማዓንዳ።- 25 ጾኦሲ ዴሮና ካኣማ፡ ዓፒሎና ማዢንቴ ማኣሮኮ ጋሮና ዙሎና ካንቆ ባኮ፡ ዑያይዳ ቃሲ ካንቆ ጉላንቦ ዜዶ፡ ጌሎ ካሮ ጎኦቦ ዓፒሎ፡ 26 ጾኦሲ ዴሮና ካኣማ፡ ዓፒሎና ማዢንቴ ማኣሮና ጾኦሲም ሚቹ ዲንጎ ቤዛኮ ኮይላ ዓኣ ጸኣኮ ጎኦቦ ዓፒሎና ቱኮ ሱዞ፡ ጸኣኮ ጌላ ካሮ ካሮ ጎኦቦ ዓፒሎና ዬያ ማዶ ማዲንቶ ሚሆ ቢያ ኬዶንጎ፤ ዬያ ባኮም ቢያ ኮይሳ ባኣዚ ዔያታ ማዶንጎ። 27 ጌርሾኔ ዓሳ ኬዳ ባኮና ማዴ ማዶና ዓኣሮኔና ዒዛኮ ናኣቶና ዛጊ ዛጊ ማዲሻያ ማዎንጎ፤ ዔያታ ኬዳንዳ ባኮሞ ቢያ ዔያቶም ዲማሴ ኬኤዜ። 28 ጌርሾኔ ዜርዎ ማዔ፡ ሌዊ ዓሳ ጾኦሲ ዴሮና ካኣማ፡ ዓፒሎና ማዢንቴ ማኣሮይዳ ማዲንዳ ባካ ዬያኬ፤ ዔያታ ማዴ ማዶ ቁኤሳሢ ዓኣሮኔ ናኣዚ፡ ዒታማሬ ማዲሻያ ማዎንጎ» ጌዔ።

ሜራሪ ቶኦካ ማዳ ማዳ

29 ናንጊና ናንጋ ጎዳ ሙሴም:- «ሜራሪ ዜርዖ ማዕ። ሌዊ ዓሶ ዔያቶኮ ዜርዖና ማኣሮና ማኣሮና ገቂ ገይዳ፤ 30 ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳኒ ዳንዳዓያ፤ ሌዓ ሃይሢታሚፓ ደንጊታሚ ጋራ ዓኣ ዓቲንቆ ቢያ ገይዳ። 31 ዔያታ ኬዳንዳሢ ላሾ ሚፃ። ጋጋርዛ። ቱርቱራ። ያኦሲ ዳሮና ካኣማ ዓፒሎና ማዢንቴ ማኣሮ ዔቂሶ ቶካኣ፤ 32 ዬያጉዲ ሃሃ ዓፒላፓ ማዢንቴ ማኣሮ ኮይላ ዓኣ ጳኦኮ ቱርቱራ። ዔቂሶ ቶካ። ዓንጎ ኪሮንታ ሱዞንታ፤ ዬይ ባካ ቢያ ማዳንታ ሜሆንታኬ፤ ፔቴ ፔቴ ዓሳ ኬዳንዳ ባኮ ዲማሲ ኬኤዜ። 33 ቁኤሳሢ ዓኣሮኔ ናኣዚ። ዒታማሪ ዓይሢሞ ሜራሪ ዓሳ ዓፒሎና ማዢንቴ ማኣሮይዳ ማዳንዳ ባካ ዬያኬ» ጌዔ።

ሌዊ ዓሶ ገይደናሢ

34 ናንጊና ናንጋ ጎዳ ዓይሢ ጎይዖና ሙሴንታ ዓኣሮኔንታ ዳሮኮ ሱኡጎንታ። ሃይሃ ቶኦኪ ማዒ ገቂንቴ ሌዊ ዓሶ፤ ጌይፃ። ቁዓቴ ዓሶና ጌርሾኔ ዓሶና ሜራሪ ዓሶዋ ዲማሲ ገይዳ፤ 35 ሃይሢታሚፓ ዳንዲ ደንጊታሚ ሌዔ ኩሜያ፤ ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳኒ ሙኬ ዓቲንቃ ቢያ ገይዲንቴ፤ 36 ዬያታ ፔ ማኣሮና ማኣሮና ማዒ ገይዲንቴ ዓሳ ላምዖ ሺያና ላንካይ ጭታና ደንጊታሚናኬ። 37 ቁዓቴ ማኣሮይዳፓ ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳ ዓሳ ዬያቶኬ፤ ሙሴና ዓኣሮኔና ናንጊና ናንጋ ጎዳ ዔያቶ ዓይሢ ጎይዖና ዬያቶ ገይዳ።

38 ጌርሾኔ ማኣሮ ዓሳኣ ፔ ማኣሮ ዓሶና ፔ ፃጳና ፃጳና ማዒ ገይዲንቴ፤ 39 ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳኒ ሙኬያ ሌዓ ሃይሢታሚፓ ዳንዲ ደንጊታሚ ማዕ ዓቲንቃ ቢያ ገይዲንቴ፤ 40 ዬያታ ፔ ማኣሮ ዓሶና ፔ ፃጳና ፃጳና ማዒ ገይዲንቴ ዓሳ ላምዖ ሺያና ላሆ ጭታና ሃይሢታሚናኬ። 41 ጌርሾኔ ማኣሮይዳፓ ዓፒሎና ማዢንቴ። ያኦሲ ዳሮና ካኣማ። ዓፒሎና ማዢንቴ ማኣሮ ማዳ ዓሳ ዬያቶኬ፤ ሙሴና ዓኣሮኔና ናንጊና ናንጋ ጎዳ ዔያቶ ዓይሢ ጎይዖና ዬያቶ ገይዳ።

42 ሜራሪ ማኣሮ ዓሳ ፔ ማኣሮ ዓሶና ፔ ፃጳና ፃጳና ገይዲንቴ፤ 43 ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳኒ ሙኬያ ሌዓ ሃይሢታሚፓ ዳንዲ ደንጊታሚ ማዕ ዓቲንቃ ቢያ ገይዲንቴ፤ 44 ዬያታ ፔ ማኣሮ ዓሶና ፔ ፃጳና ፃጳና ገይዲንቴ ዓሳ ሃይሃ ሺያና ላምዖ ጭታናኬ። 45 ሜራሪ ማኣሮይዳፓ ያኦሲ ዳሮና ካኣማ። ዓፒሎና ማዢንቴ ማኣሮይዳ ማዳ ዓሳ ዬያቶኬ፤ ሙሴና ዓኣሮኔና ናንጊና ናንጋ ጎዳ ዔያቶ ዓይሢ ጎይዖና ዬያቶ ገይዳ። 46 ሙሴንታ ዓኣሮኔንታ ዒሰራዔኤሌ ዓሶኮ ሱኡጎንታ ዓሶ ፔ ማኣሮና ፔ ፃጳና

ፃፀና ፓቂ ፓይዴ ሌዊ ዓሳ፣ 47 ሌዓ ሃይሢታሚፓ ደንገታሚ ሄላንዳኣና ማዕያ፤ ያኦሲ ዴሮና ካኣማ፣ ዓፒሎና ማፒንቴ ማኣሮይዳ ማዳኒና ዲማ ዲማ ሚሆ ኬዳኒ ሙኬ ዓሳ፣ 48 ጉቤ ዋሊ ዑፃ ሳሊ ሺያና ደንጎ ጭታና ሳሊታሚ ማዓያኩ።

49 ዬያይዲ ናንገና ናንጋ ጎዳ ሙሴ ዓይሢ ጎይፆና ፔቴ ፔቴ ዓሶኮ ሱንፃ ፃኣፒንቴኔ፤ ዬያጉዲ ሃሣ ናንገና ናንጋ ጎዳ ዒዛ ዓይሢ ጎይፆና ፔቴ ፔቴ ዓሳ ማዶንዶ ባኮና ኬዶንዶ ባኮ ፔኤሲ ዔሪ ዔኬኔ።

5

ዒኢቲ ዓሲ ዛላ

1 ናንገና ናንጋ ጎዳ ሙሴም፡- 2 «ዑሰካ ኬሰካ ዶርዓ ዓርቄ ዓሲ፤ ሃሣ ዑሰካፓ ዓልቃ ባኣዚ ዓኣ ዓሲና ሌሲ ካኣሚ ዒኢቲ ዓሲ ቢያ ጉርዶ ባኣካፓ ዒሰራዔኤሌ ዓሳ ኬሳንዳጉዲ ዓይሢ። 3 ታኣኒ ዔያቶ ባኣካ ናንጋ፣ ጉርዶ ዔያታ ዒኢሱዋጉዲ ዬያቶ ዒኢቲ ዓቲንቆ ማዔቲያ ላኣሎ ዒንሢ ባኣካፓ ኬሲ ዳኩዋቴ» ጌዔኔ። 4 ናንገና ናንጋ ጎዳ ሙሴ ዓይሢ ጎይፆ ዒሰራዔኤሌ ዓሳ ዬኖ ዓሶ ጉርዳፓ ኬሴኔ።

ዳቢንቲ ዛላ ጨጎ ጨጋ

5 ናንገና ናንጋ ጎዳ ሙሴም፡- 6 «ዒሰራዔኤሌ ዓሶም ሂዚ ጌዔ፡- ዓቲንቃፓ ማዔቲያ ላኣሎፓ፤ ዓይጎ ዓሲያ ማፆም ያኦሲም ጉሙርቂንቲዋያ ማዒ ዓይጎ ዓሲም ማዔቲያ ፑርታ ማዴቴ ዬይ ዓሢ ዳቤኔ። 7 ዬያ ጎሞ ቡኡያንጎ፤ ሃሣ ዳቢንቶ ዛሎ ጨጋኒ ኮይሳ ባኮይዳ ደንጎ ኩቺ ቃሲ ዒ ፑርቲሴ ዓሢም ጨጎንጎ። 8 ዬይ ዓሢ ሃይቄም ጨገንታ ባኮ ዔካ፣ ዑኬ ዒገኒ ባይቄቴ ዒ ዒንጋ ባካ ቄኤሳሢ ዛሎና ያኦሲም ዒንገንቶንጎ፤ ዬያ ዒ ዒንጎንዳሢ ጎሚ ማዴ ዓሲ ጎሞ ጌኤሺፆር ዒንጋ ዓዶ ማራያና ዋላኩ። 9 ዬያይዲ ዒሰራዔኤሌ ዓሳ ያኦሲም ዒንጋ ዲማ ዒንገፃ ቢያ ዬያ ዒንገፃ ዔካ ቄኤሳሢም ማዓንዳኔ። 10 ፔቴ ፔቴ ዓሳ ያኦሲም ዒንጋ፣ ዲማ ዒንገፃ ዬያ ዒንጋ ዓሢርኬ፤ ቄኤሳሢም ዒንጌሰካፓ ጋዓንቴ ቄኤሳሢር ማዓኔ» ጌዔኔ።

ዓሲና ዒኢቲያ ናንዳኔ ጌይንታ ላኣሊ ዛላ

11 ዬካፓ ናንገና ናንጋ ጎዳ ሙሴም፡- 12 «ዒሰራዔኤሌ ዓሶም ሂዚ ጌዔ፤ ፔቴ ዓሲኮ ማቻ ዓኒም ጉሙርቂንቲዋያ ማዒ፣ ሚሌ ዓሲና ላሂ ዒኢቲቴ፣ 13 ዬያ ዒዛ ላሂሢ ዓሲ ዴንቁባኣያ ማዔም ዓኒ ዔራኒ ዳንዳዒባኣቴ፤ ሃሣ ማርካዳ ዓሲያ ባይቄም ዒኢቲፃ

5:8 5:8 ሌዊ. ዓኬ 6:1-7::

ዔርቲባኣያ ማዕንገቲ፡- 14 ዒዞ ዒ ዒናፓ ናሽካያ ማዒፃና ቆጃያ ማዕፃም ጎኔ ዒዞ ዒኢቲያ ማዒ ጴዴቲ፤ ሃሣ ዒኢቲባኣያ ማዕፃቲ፡ 15 ቁኤሳሣ ከይላ ዔኪ ዓኣደንጎ፤ ዒንጎ ባኣዚ ማሂ ፔቲ ከሎ ማዓ ዔልዓ ዲኢሊያ ዋላ ዔኪ ዓኣደንጎ፡ ዬያ ገዳ ዛይቲያ ማምም ዑንጂያ ዋሆፓ፤ ዓይጎር ጌዔቲ ዬይ ዒንገፃ ቆጂንሣ ባኣዚ ፔጋደንዳጉዲ ላኣሊ ቆጃ ዓሲ ዒንጋ ዒንገሣ ማዕሣሮኩ።»

16 «ቁኤሳሣ ላኣሌሎ ናንገና ናንጋ ጎዳ ቤርታ ዔቁሶንጎ። 17 ዬካፓ ጾኦሲም ዲማዴ ዋኣሣ ፔቲ ጾቲዳ ዲይ ዔኬሰካፓ ጾኦሲ ዴርና ካኣማ፡ ዓፒሎና ማኲንገቲ ማኣሮኮ ጋራፓ ዳካ ዓጪ ዑጪ ዔኪ ዋኣፃ ጫንቁሳኒ ገዳ ዋሆንጎ። 18 ዬያይዴሰካፓ ላኣሌሎኮ ቶኣካፓ ሻኣሻሣ ቡሊ፡ ዒንገፃር ዔኪ ሙኮና ዲኢሎ ዒዞ ኩጫ ዋሃፃ ጋዳም ሄሊሶም ጫንቁሶና ዋኣፃ ጾቶ ፔ ኩጫ ዒ ዔኮንጎ። 19 ዬካፓ ዒዚ ሂዚ ጌዒ ዒዞ ጫንቁሶንጎ፤ ኔኤኮ ዓኒ ዓኣንገቲ ማሌ ዓሲና ኔ ላሂ፡ ዒኢቲባኣያ ማዕፃቲ፡- ሃይ ጋዳም ሄሊሳ ጫንጮ ዋኣፃ ኔና ዔኤቢ ዋኣቶፓ፤ 20 ጋዓንገቲ ኔኤኒ ዓኒ ዓኣንገቲ ማሌ ዓሲና ላሂ፡ ዒኢቲያ ማዕፃቲ፡- 21 «ጾኦሲ ዘኣኮ ኔና ማሂ፡ ጎጾዋ ኔኤኮ ጋኣቢሺ፡ ኔ ዴር ባኣካ ጋዳንቁንገቲያ ኔና ማሆም፤ 22 ሃያ ዋኣፃ ኔ ዑሽካዛ ጎጾ ኔኤኮ ከዒሲ፡ ሾይፃዋ ኔኤኮ ባይዘንጎ» ጋዓዛ፡ ላኣሌላኣ ሂዮ፤ ጾኦሲ ታና ዬያይደንጎ» ጎጾንጎ።

23 «ቁኤሳሣ ዬካፓ ዬያ ጋዳም ዔኤቢዳ ፃኣፒ፤ ገንሣ ዬያ ዋኣሣና ማሰኪ ጫንጮ ዋኣፃ ዓኣ ጾቶይዳ ዋሆንጎ። 24 ላኣሌሎ ዬያ ፑርቶ ሃርጎ ዋኣፃ ዑሻንዳሂኮ ቤርታ፡- 25 ዒንገፃ ማሂ ዔኪ ሙኮና ዲኢሎ ላኣሌሎ ኩጫፓ ዔኪ ጾኦሲም ሊካ ለካ ዠፍገ ዒንጎ ዲማ ዒንገሣ ማሂ ሚቺ ዒንጎ ቤዛ ጌሆንጎ። 26 ዬያይዴሰካፓ ዬያ ሃኣኮ ዒንገፃይዳፓ ዳካ ዑጪ ዔኪ ዒንጎ ዒንገሣ ማሂ ታኣም ሚቺ ዒንጎ ቤዛ ሚቸንጎ፤ ዬካፓ ዓካሪ ላኣሌሎ ዑሾንጎ። 27 ዬና ላኣሌላ ፔና ዒኢሲ፡ ዓኒም ጉሙርቁንገቲያ ማዒ ጴዴቲ ዬይ ዋኣፃ ዒዞ ሚርጌና ሚታሳንዳኔ፤ ጌይፃ፡- ጎጾ ዒዞኮ ጋኣቢሻንዳኔ፡ ሾይፃኣ ዒዞኮ ዲጳንዳኔ፤ ሱንፃኣ ዒዞኮ ዒዞ ዴር ባኣካ ጋዳንቁንገቲያ ማዓንዳኔ። 28 ፔቲታፃ ዒዞ ዳቢንቲባኣያ ጌኤሺ ማዕፃቲ ዬይ ጌይንገቲ ባካ ዒዞ ሄላዓኬ፤ ናይ ሾዓኒያ ዒዞ ዳንዳዓኔ። ፔቲ ዓሲ ፔ ማቸ ናሽኪፃፓ ዔቁያና ማዳንዳ ዳምባ ያዲኩ።

29 «ዓሣኮ ማቸ ማሌ ዓሲና ላሂ ዒኢቲቲ፡- 30 ሃሣ ፔቲ ዓሲ ናሹማፓ ዔቁያና ሌሊ ፔ ማቸ ላሲና ላሂያ ናንዳኔ፤ ጌይ ቆጃቲ ጾኦሲ ቤርታ ዒዞ ዔቁሶንጎ፤ ቁኤሳሣ ዬያ ዋጎ ቢያ ዒዞይዳ ኩንሆንጎ።

31 ዓሢ ዲሎ ማዓንዳኔ፤ ላኣሌላ ጎኔ ዒኢቲያ ማዔቴ ዒዞ ዳቢንቶም ዒንገንታ ባኮ ዒዞ ዒካንዳኔ» ጌዔኔ።

6

ናዝራ ዓሲ ማዓሢ ዋጌ

1 ናንጊና ናንጋ ጎዳ ሙሴም፡- 2 «ዒሰራዔኤሌ ዓሰም ሂዚ ጌዔ፤ ዓቲንቄታቲያ ላኣሊ ፔና ታኣም ዲማሲ ናዝራ ዓሲ * ማዓኒ ጫኣቄቲ፡- 3 ዋይይጋ ኮሾና ዑሺታቲያ ዓይጎዋ ማሣ ዑሺ ዑሽኮጋ፤ ሃሣ ዋይይይዳጋ ማዎም ማሌ ባኣዚጋ ኮሺንቲ ሶልኬያንታ ማሣ ዑሺ ዑሽኮጋ፤ ዩያጉዲ ዋይኖ ዓኣፖንታ ዜቤቤ ጌይንታ ሚዎ ዓኣፖዋ ሙዎጋ፤ 4 ዒ ያዲ ማዒ ናንጋ ዋዶና ዋይኖ ዓኣፖኮ ጎቦ ማዔቲያ ጋራ ዓኣ ዓኣፖ ሙዎጋ» ጌዔኔ።

5 ናንጊና ናንጋ ጎዳ ሃሣ «ዒ ናዝራ ዓሲ ማዒ ናንጋ ዋዶና ቶኣኮ ፔኤኮ ማኤዳጋ፤ ሃሣ ታይዘጋ፤ ዬይ ዋዳ ጋጋንዳያ ሄላንዳኣና ያኦሲም ዒ ዲማዴያ ማዔሢ ማዒ ቶኣኮ ጋጋኖ ፔኤኮ ዲቐንጎ፤ 6 ዒ ፔና ያኦሲም ዲማሲ ዓኣ ዋዶና ቢያ ሃይቄ ዓሲኮ ሌሲ ባንሢ ዑኮጋ። 7 ያኦሲም ዒ ፔና ጫኣቄ ዲማሴ፤ ጋጋኖ ቶኣካ ዒዛኮ ዓኣሢሮ ዓዴ፤ ዒንዳ፤ ጌርሲ፤ ሃሣ ጌራ ሃይቄቲታዎ ሌዞ ዔያቶኮ ካኣሚ ፔና ዒኢሶጋ። 8 ናዝራ ዓሲ ዒ ማዔሢሮ ያኦሲም ዒ ዲማዴያኬ። 9 ፔቲ ናዝራ ዓሲኮ ዔርቲባኣንቲ ኮይላ ዓሲ ሃይቄ፤ ያኦሲም ዲማዴ ጋጋኖ ዒኢሴያ ማዔቴ ላንካሳ ኬሎና ቶኣኮ ጋጋኖ ፔኤኮ ማኤዳንጎ። 10 ሳላሳ ኬሎና ላምዎ ኪሬ ሃንጎ ላምዎ ዶኦሌ፤ ያኦሲ ዴርና ካኣማ ማኣሮ ካራ ዓኣ፤ ቄኤሳሢ ኮይላ ዔኪ ዬዎንጎ። 11 ዬካጋ ቄኤሳሢ ፔቲማ ጎሜ ጌኤሺሢ፤ ዓቲማ ሚቐ ዒንጎ ዒንገሢ ማሂ ዒንገ፤ ዬይ ናዝራ ዓሢ ሌዞ ካኣሚ ዒኢቲሢሮ ዒዛ ጌኤሾንጎ፤ ዬኖ ኬሎና ናዝራ ዓሢ ፔኤኮ ቶኣኮ ጋጋኖ ላሚ ያኦሲም ዲማሴያ ማዓኔ። 12 ናዝራ ዓሲ ማዒ ማዳኒ ፔና ላሚ ያኦሲም ዲማዴያ ማሆንጎ፤ ቤርታ ዒ ያኦሲም ዲማሴ ጋጋኖ ዒኢቲያ ማዔሢሮ ፔና ዲማሲ ናንጌ ያዳ ዓቲያ ማዓኔ፤ ዬያሮ ዳቢንቲ ዛላ ጩጎ፤ ፔቲ ሌዔ ማዔ፤ ዓዴ ማራፊ ዔኪ ሙኮንጎ» ጌዔኔ።

13 ናንጊና ናንጋ ጎዳ ኬኤዛዎ «ፔቲ ናዝራ ዓሲ ዒ ፔና ዲማሲ ናንጋ ዋዶ ጋጋኖኣና ኩንሣንዳ ዋጋ ያዲኬ፡- ያኦሲ ዴርና ካኣማ፤ ዓፒሎና ማዝኹንቲ ማኣሮ ካሮ ዴንዶንጎ፤ 14 ዬካጋ ያኦሲም ዒንጎ ዒንገሢ ዒንጎንጎ፤ ዬይያ፡- ሚቐ ዒንጎ ዒንገሢ ማዔ፤ ፔቲ ሌዔ

* 6:2 6:2 ናዝራ ዓሲ ጌይዎ፡- ሾይንቲ ዜርሢናቲዋንቲ ያኦሲ ማዶም ፔና ዲማሴያ ጌሢሢ፤ ዬና ዓሳ ቶኣኪያ ማኤዳንቲዋሴ፤ ሌሲያኣ ካኣሙዋሴ። 6:3 6:3 ሉቃ 1:15።

ኩሜ ዓዴ ማራናይ፤ ጎሜ ጌኤሻኒ ዲንጎ፡- ፔቴ ሌዔ ኩሜ ዑዞ ማራናይ፤ ዩያጉዲ ሃሣ ፔቴሞና ዲንጊንታ ዲንጊሢ ማዓ፡- ፔቴ ዓዴ ማራናይ ሺኢሾንጎ። 15 ሃሣ ሙኑቃ ፃኣዛ ሞሂንቲባኣንቴ ለኣዲንቴ ፔቴ ሌኤማቴ ለኣዳ፤ ሪሚቲ ዛይቴና ዲርኪ ለኣደና ዓንዲሪ ለኣዳ፤ ሻኣዠ ለኣዳ፤ ሪሚቶ ዛይቶና ቲሽኮና ለኣዳና ቃሲ ዲንጊንታ ሃኣኮ ዲንጊያና ዑዞ ዲንጊያና ዋላ ማሂ ዲንጎንጎ። 16 ዩካፓ ቄኤሳሢ ዩያ ቢያ ጎሜ ጌኤሻ ዲንጊሢ፤ ሃሣ ሚቹ ዲንጎ ዲንጊሢ ማሂ ሺኢሾንጎ። 17 ዓዴ ማራዓሢ ፔቴሞና ያኦሲም ዲንጎ ዲንጊሢ ማሂ ዲንጎንጎ፤ ዩያ ዒ ዲንጎ ዋደና ሌኤማቶይዳ ዓኣ ለኣደና ዋላ ሺኢሾንጎ። ሄሊሲ ሃኣኮ ዲንጊያና ዑዞና ዲንጎንጎ። 18 ዓፒሎና ማዠንጎቴ፤ ያኦሲ ዴርና ካኣማ ማኣርኮ ጌሎ ካራ፡- ናዝራ ዓሢ ፔኤኮ ቶኦኮ ጋፓና ማኤዲ ፔቴሞና ዲንጊንታ ዲንጊያ ሚቹንታ ታሞይዳ ዓጎንጎ» ጌዔ።

19 ናንጊና ናንጎ ጎዳ ሃሣ «ዒ ያኦሲም ዲማዴ፤ ቶኦኮ ማኤዴሰካፓ ቄኤሳሢ ዓዴ ማራዓሢኮ ካሢንቴ ለባዎ፤ ሃሣ ሌኤማቶ ጋራ ዓኣ ካሃፓ ፔቴ ሻኣዠሲ ለኣደና ካሃፓኣ ፔቴ ዔኪ ናዝራ ዓሲ ማዔሢኮ ኩጫ ዲንጎንጎ። 20 ዩካፓ ቄኤሳሢ ዩያ ቢያ ዓከ ያኦሲም ዠጊ ዲንጎ፤ ዲማ ዲንጊሢ ማሂ ሺኢሾንጎ፤ ዩይ ቢያ ማራዓሢኮ ዚኢርና ለባዎና ዋላ ቄኤሳሢም ዲማዴያ ማዎንጎ፤ ናዝራ ዓሢ ዋይናፓ ኮሾና ዑዞ ዑሽካኒ ዳንዳዓሢ ዩካፓኬ። 21 ዓካሪ ዩይ፡- ናዝራ ዓሲ ማዓሢ ዛላ ኩንሢንታ ዳሞቤኬ፤ ጋዓንቴ ፔቴ ናዝራ ዓሲ ዲንጎኒ ናኣባንዳያ ኮይሳሢኮ ዑሣ ዓኣሢ ናኣቤቴ ዒ ናኣቤ ጎይያማ ኩንሣንዳያ ኮይሳኔ» ጌዔ።

ቄኤሳ ዓንጃ ዓንጃ

22 ናንጊና ናንጎ ጎዳ ሙሴም፡- 23 «ዓኣርኔና ናኣቶና ዒሰራዔኤሌ ዴር ዓንጃ ዋደና
 24 ናንጊና ናንጎ ጎዳ ኔና ዓንጃንጎ፤ ካፖንጎ፤
 25 ናንጊና ናንጎ ጎዳ ኔና ፔኤኮ ላጌ ማሂ ዛጎንጎ፤ ኔና ሚጨንቶንጎ።
 26 ናንጊና ናንጎ ጎዳ ኮሹሞ ዓኣፒና ኔና ዛጎንጎ፤
 ኮሹሞዋ ኔኤም ዲንጎንጎ።
 ሂዚ ጎዎንጎ ጌይ ዔያቶም ኬኤዜ፤ 27 ዩያይዲ ታ ሱንዖ ዔኤሊ፡-
 ዒሰራዔኤሌ ዜርዖ ዔያታ ዓንጃቴ ታኣኒ ዔያቶ ዓንጃንዳኔ» ጌዔ።

7

ዒሰራዔኤሌ ዴርኮ ሱኡጋ ዲንጌ ዲንጊዖ

6:21 6:21 ዳኪ ማዶ 21:23-24።

1 ባገሎና ማዢንጉቴ፣ ያኦሲ ዳሮና ካኣማ ማኣሮ ሙሴ ደቂ ጋፔ ከሎና ዬያ ማኣሮና ጋሮናይዳ ማዲንቶ ባኮ ዛይቴና ቲሽኪ ያኦሲም ዲማሴኔ፤ ሃሣ ያኦሲም ሚቹ ዲንጎ ቤዘና ዲኢካ ዓኣ ማዲንቶ ማሆፍ ቲሽኪ ዲማሴኔ። 2 ዬካፓ ዲሰራዔኤሌ ዓሶኮ ሱኡጎ ማሆና ፃጶ ፃጶ ማኣሮኮ ቢታ ቢታ ዲንጎ ባኣዚ ያኦሲም ሸኢሸኔ። 3 ዔያታ ዔኪ ሸኢሸሣ ማኣሪ ጎይሣ ማሂ ኮሾና ላሆ ሳርጌላ ያይታና ታጶ ላምዎ ጌማይናኬ፤ ዬይያ፡- ፔቴ ፔቴ ሱኡጋ ፔቴ ፔቴ ጌማይ፣ ላምዎ ሱኡጋ ዎላ ማዒ ፔቴ ሳርጌላ ያይታ ሸኢሸኔ ጌይሣኬ። ዔያታ ዬያ ሸኢሸዛ፡- 4 ናንጊና ናንጋ ጎዳ ሙሴም፣ 5 «ባገሎና ማዢንጉቴ፣ ያኦሲ ዳሮና ካኣማ ማኣሮይዳ ዬይ ባካ ማዲንዳጉዲ ዔያቶይዳፓ ዔኬ፤ ዬይ ባካ ማዲኒ ኮይሳ ባኮ ማዲንዳጉዲ ሌዎ ዓሶም ዲንጌ» ጌዔኔ። 6 ዬያሮ ሙሴ ሳርጌሎ ያይቶና ጌማቶና ዔኪ ሌዎ ዓሶም ዲንጌኔ፤ 7 ጌርሾኔ ዓሶም ዔያታ ማዲ ማዲኮ ኮይሳያ ማዒ ላምዎ ሳርጌላ ያይታና ያይዶ ጌማይና፤ 8 ማራሪ ዓሶም ኮይሳ ማዲኮዎ ያይዶ ሳርጌላ ያይታና ሳሊ ጌማይና ዲንጌኔ። ዬያ ማዲ ማዲሻሣ ዓኣሮኔ ናኣዚ ዲታማሪኬ። 9 ቁዓቴ ዓሶም ጋዓንቴ ያኦሲ ማዲም ዲማዴ ባኮ ዔያታ ፔ ጌኤታ ኬዳሣሮ ሳርጌሎ ያይቶና ጌማቶና ዲንጊንቲባኣሴ።

10 ዲሰራዔኤሌ ዓሶኮ ሱኡጋ ያኦሲም ሚቹ ዲንጎ ቤዘ ቲዡና ቲሽኪንጉቴ ያኦሲም ዲማዲ ኬሎ ቦንቻኒ ዲንጎ ባኣዚ ዔኪ ዬዒ፣ ሚቹ ዲንጎ ቤዘ ሸኢሸ ዲንጌኔ። 11 ናንጊና ናንጋ ጎዳ ሙሴም፡- «ፔቴ ፔቴ ሱኡጋ ፔ ከሎና ከሎና ዲንጎ ባኮ ዲንጋንዳጉዲ ከኤዜ» ጌዔኔ።

12 ቤርታሳ ከሎና ዲንጎ ባኮ ሸኢሸሣ ዪሁዳ ማኣራፓ ዓምናኣዳኣቤ ናኣዚ ኔዓሶኔ፤

13 ዒ ዲንጌ ባካ ሃኣኮ ዲንጊሣ ማዓንዳ ዛይቴና ዲርከንጉቴ ሸኢቹ ዲኢሊ ጌኤዡ ማኣራ ዴኤሠሞ ዔር ባኮና ፔቴና ዛላና ኪሎ ማዓ ቢራ ዓንጊና ኮሾና ሳኣኔንታ፤ ሃሣ ቢራ ዓንጊና ኮሾና ዔቴ ሳኣኔ ዴኤሠማ ፔቴ ኪሎ ማዓኒ ዳካፓጫያንታኬ። 14 ዴኤሠማ ፃኤታና ታጶ ጊራኣማ ማዓ ፔቴ ዎርቁና ኮሽንጉቴ ሙርሳ ዐንጃ ኩንሦናያ፤ 15 ሚቹ ዲንጎ ዲንጊጾም ማዓ ፔቴ ዎፓናና ፔቴ ዓዴ ማራይና ፔቴ ሌዔ ማዒ ዓዴ ማራናይና፤ 16 ጎማ ጌኤሻኒ ዲንጊንታ ፔቴ ኮላይ፤ 17 ፔቱሞና ዲንጎ ዲንጊጾም ላምዎ ጌማይ፣ ዶንጎ ዓዴ ማራይ፣ ዶንጎ ኮላይና ፔቴ ሌዔ ማዒ ዶንጎ ዓዴ ማራናይና፤ ዬይ ቢያ ዓምናኣዳኣቤ ናኣዚ ኔዓሶኔ ዲንጌ ባኮኬ።

ሃካፓ ሊካ ዓኣ ዓሳ ዓምናኣዳኣቤ ናኣዚ ኔዓሶኔ ዲንጌ ባኮንሣ ጉቤ ዲንጌኔ።

18-23 ለምዕሳ ከሎና ዲንጊያ ዲንጊህ ዪሳኮኑሬ ማኣራፓ ፀ-ዓሬ ናኣዚ ናቲናዔኤሌኮኮ።

24-29 ሃይሃሳ ከሎና ዲንጊያ ዲንጊህ ዛብሎኦኔ ማኣራፓ ሂሎኔ ናኣዚ ዔኤሊያቤኮኮ።

30-35 ያይዳሳ ከሎና ዲንጊያ ዲንጊህ ሮኦቤኤሌ ማኣራፓ ሴዲዮሬ ናኣዚ ዔልፀ-ሬኮኮ።

36-40 ደንጋሳ ከሎና ዲንጊያ ዲንጊህ ሲሞኦኔ ማኣራፓ ፀ-ገሻዳዬ ናኣዚ ሼሎሚዔኤሌኮኮ።

41-47 ላሃሳ ከሎና ዲንጊያ ዲንጊህ ጋኦዴ ማኣራፓ ራጉዔኤሌ ናኣዚ ዔኤሊያሳፔኮኮ።

48-53 ለንካሳ ከሎና ዲንጊያ ዲንጊህ ዔፕሬኤሜ ማኣራፓ ዓሞሁዴ ናኣዚ ዔኤሊሻማዒኮኮ።

54-59 ሳላሳ ከሎና ዲንጊያ ዲንጊህ ሚናኣሴ ማኣራፓ ፒዳፀ-ሬ ናኣዚ ጌማለዔኤሌኮኮ።

60-65 ታዘጳሳ ከሎና ዲንጊያ ዲንጊህ ቢኢኒያሜ ማኣራፓ ጊዳዖኔ ናኣዚ ዓቢዳኔኮኮ።

66-71 ታጳሳ ከሎና ዲንጊያ ዲንጊህ ዳኦኔ ማኣራፓ ዓሞሻዳዬ ናኣዚ ዓክዔኤሬኮኮ።

72-77 ታጳ ፔታሳ ከሎና ዲንጊያ ዲንጊህ ዓሴኤሬ ማኣራፓ ዔክራኔ ናኣዚ ፓግላዔኤሌኮኮ።

78-83 ታጳ ለምዕሳ ከሎና ዲንጊያ ዲንጊህ ኒፕታኦሌኤሜ ማኣራፓ ዔናኔ ናኣዚ ዓሂራዒኮኮ።

84 ሚቺ ዲንጎ ቤዞ ያኦሲም ዲማሶና ከሎና ዲንጊንቴ ባካ ቢራ ዓንጊና ኮሾና ታጳ ለምዕ ሳኦኔና ቢራ ዓንጊና ኮሺንቴ ታጳ ለምዕ ዔቴ ሳኦኔ፤ ሃሃ ቢራ ዓንጊና ኮሺንቴ፣ ፀ-ንጅ ጌሃ ታጳ ለምዕ ዋርቄና ኮሾና ሙርሳ፤ 85 ጌኤዠ ማኣራ ዴኤሁሞ ዔር ባኮና ፔቴ ፔቴ ቢር ዓንጎና ኮሾና ሳኦና ሃይሂታሚ ሳቂሌ፤ ጊንሃ ሃሃ ፔቴ ፔቴ ቢር ዓንጎና ኮሺንቴ ዔቶ ሳኦና ለንካይታሚ ሳቂሌ ማዓዛ፣ ዬይ ቢር ዓንጎና ማዠና ባካ ጌኤዠ ማኣራዳ ዴኤሁሞ ዔር ባኮና ለማታሚ ሳሊ ኪሎ ማዓያኮ። 86 ዋርቆ ዓንጎና ኮሾና፣ ፀ-ንጅ ጌሃ ታጳ ለምዕ ሙርሳ ፔቴ ፔቴሂ ታጳ ሳቂሌ ማዓያታሂር ዋሊ ፀ-ፃ ፔቴና ኔፃቤ ያይዶ ኪሎ ማዓያኮ። 87 ሚቺ ዲንጎ ዲንጊያም ሺኢሾና ቆልማ ታጳ ለምዕ ጌማይ፣ ታጳ ለምዕ ዓዴ ማራይ፣ ታጳ ለምዕ ፔቴ ለዔ ማዔ ዓዴ ማራናይናኮ፤ ዬይ ዲንጊንታሂ ሃኦኮ ዲንጊያና ዋላኮ። ጎሞ ጌኤሺያም ታጳ ለምዕ ኮላይ፤ 88 ፔቴሞና ዲንጎ ዲንጊያም ሺኢኮ ባኦታ፡- ለማታሚ ያይዶ ጌማይ፣ ላሂታሚ ዓዴ ማራይ፣ ላሂታሚ ኮላይና ፔቴ ለዔ ማዔ ላሂታሚ ዓዴ ማራናይናኮ፤ ያኦሲም

ሚቸዩ ዲንጎ ቤዛ ቲሽኪንቲ ያኦሲም ዲማዳሰካፓ ጌኤዮ ማኣርም ዲንጊንቲ ባካ ይያኩ።

89 ናንጊና ናንጋ ጎዳና ጌሰታኒ ዓፒሎና ማዢንቲ፣ ያኦሲ ዳርና ካኣማ ማኣር ሙሴ ጌላፖ ጎሞ ጌኤሽኪያ ዔርዛ፣ ጉኡፖ ዑፃ ዓኣ ላምፖ ኪሩቤኤሎንሢ ባኣካ ማዒ ናንጊና ናንጋ ጎዳ ከኤዛንቲ ዒ ዋይዜኔ።

8

ፖፖ ጌሦና ጎይፖ

1 ናንጊና ናንጋ ጎዳ ሙሴም፡- 2 «ዓኣርኔ ላንካዎ ፖፖ ሻርናይዳ ጌሢ ፖሩሳ ዎደና ፖሩ ቤርቲም ፖሩንዳጉዲ ማሂ ጌሦም ከኤዜ» ጌዔኔ። 3 ናንጊና ናንጋ ጎዳ ሙሴ ዓይሢ ጎይፖ ዓኣርኔ ማዳኔ፤ ፖፖ ጌሦ ሻርናይዳ ፖሩ ቤርቲም ፖሩንዳጉዲ ማሂ ዒዚ ጌሢኔ። 4 ፖፖ ጌሦ ሻርና ናንጊና ናንጋ ጎዳ ሙሴም ዳዌ ጎይፖ፣ ዲይንቲ ዎርቄና ሚያንታ ካኣፖይዳ ዓኣ ቡሮንታ ኮሺንቲኔ።

ሌዌ ዓሶኮ ጌኤሽኪያና ያኦሲም ዲማዳሰ ዳምባ

5 ናንጊና ናንጋ ጎዳ ሙሴም፡- 6 «ሃንጎ ዒሰራዔኤሌ ዓሶ ባኣካፓ ሌዌ ዓሶ ዲማሲ ሃካፓ ሊካ ከኤዚንታ ጎይፖና ዑፃ ዔያቶኮ ጌኤሺ፤ 7 ጌኤሽያ ዳምባም ጊኢጊሾዎና ዎኣፖ ዔያቶ ዑፃ ፑጩ፣ ዔያቶኮ ዑፃይዳ ዓኣ ጋፓና ቢያ ሜኤዲሲ ማኣዓሢያ ፔኤኮ ዔያቶ ማሰኪሲ ዔያቶ ጌኤሺ። 8 ሄሊሳፖ ሃሃ ፔቲ ዎፓናና ሃኣኮ ዲንጊያ ማሂ ጌሦና ዛይቶና ዲርኪንቲ ዲኢሎ ዔያታ ዔኮንጎ፤ ኔኤኒያ ጎሞ ጌኤሺያም ዲንጊንቲ ፔቲ ዎፓና ዔኬ፤ 9 ዩካፓ ዒሰራዔኤሌ ናኣቶ ቡኩሳፖ ዓፒሎና ማዢንቲ፣ ያኦሲ ዳርና ካኣማ ማኣርኮ ቤርቶ ዛላ ሌዌ ዓሶ ዔቂሴ። 10 ዒማና ዒሰራዔኤሌ ዳራ ኩጮ ፔኤኮ ሌዌ ዓሶ ቶኦካ ጌሦንጎ፤ 11 ሌዌ ዓሶ ዒሰራዔኤሌ ዳር ባኣካፓ ታኣም ዲማ ዲንጊሢ ማዒ ዲንጊንቲ ታኣም ማዳንዳጉዲ ዓኣርኔ ዔያቶ ታኣም ዲማሶንጎ። 12 ዩካፓ ሌዌ ዓሶ ኩጮ ፔኤኮ ላምፖ ዎፓኖንሢ ቶኦካ ጌሦንጎ፤ ዩካፓ ፔቲሢ ጎሞ ጌኤሽያም ዲንጊንታ ዲንጊሢ፤ ባጋሢ ታኣም ሚቸዩ ዲንጎ ዲንጊሢ ማዓንዳኔ፤ ሌዌ ዓሶ ጌኤሾ ዳምባ ያዲዲ ኩማያ ማፖንጎ» ጌዔኔ።

13 ናንጊና ናንጋ ጎዳ ሙሴም፡- «ሌዌ ዓሶ ታኣም ዲማ ዲንጊሢ ማሂ ዲማሲ፣ ዓኣርኔና ናኣቶና ዔያቶኮ ሱኡጌ ማሂ ደኦሬ፤ 14 ዩያይዲ ሌዌ ዓሶ ታኣር ማዓንዳጉዲ ሃንጎ ዒሰራዔኤሌ ዳር ባኣካፓ ዲማሴ፤ 15 ኔኤኒ ዔያቶ ጌኤሺ፤ ሃሃ ታኣም ዲማሴሰካፓ

8:4 8:4 ኬሲ. ማፖ 25:31-40፤ 37:17-24።

ሌዊ ዓሳ ዓፒሎና ማዠኘንቴ፣ ያኦሲ ዳሮና ካኣማ ማኣሮይዳ ማዳኒ ዳንዳዓኔ። 16 ታኣኒ ዔያቶ ዒሰራዔኤሌ ዓሰኮ ዓተንቆ ናኣቶ ቶይዶ ቤዛ ማሂ ዶኦሬሣሮ ታኣሮ ሌሊ ዔያታ ማዓንዳኔ። 17 ጊብፄ ዓሰኮ ቶይዶ ማዒ ሾይንቴ ዓተንቆ ናኣቶ ታ ዎዴያና ፔቴ ፔቴ ዒሰራዔኤሌ ዓሰኮ ቶይዶ ናኣቶንታ ዔያቶ ቆልሞኮ ቤርታ ሾይንታ ናኣቶዎ ታኣም ታ ደማሴያኬ። 18 ሃሣ ጋዓንቴ ታኣኒ ዒሰራዔኤሌ ዓሰኮ ቶይዶ ናኣቶ ቤዛ ሌዊ ዓሰ ታኣም ታ ደማሴኔ። 19 ዓፒሎና ማዠኘንቴ፣ ያኦሲ ዳሮና ካኣማ ማኣሮይዳ ዒሰራዔኤሌ ዓሳ ታኣም ማዳንዳ ቤዛ ዔያታ ማዳንዳጉዲ፤ ሃሃ ዒሰራዔኤሌ ዓሳ ጌኤዠ ቤዛ ባንሣ ዑኪ ሃርጌ ዔኪ ሜቶ ዛጉዎጉዲ ካፓ ዓሲ ማሂ ዔያቶ ታ ዒሰራዔኤሌ ዓሰይዳፓ ዒንጎ ባኣዚጉዲ ዔኪ ዓኣሮኔና ናኣቶናም ዒንጌኔ» ጌዔኔ። 20 ዬያሮ ናንጊና ናንጋ ጎዳ ሙሴ ዓይሤ ጎይፆ ሙሴንታ ዓኣሮኔንታ፤ ዒሰራዔኤሌ ዳራኣ ቢያ ሌዊ ዓሰ ያኦሲም ደማሴኔ። 21 ሌዊ ዓሳ ፔና ጌኤሸኔ፤ ማኣዓሣያ ፔኤኮ ማሰኬኔ፤ ዓኣሮኔ ናንጊና ናንጋ ጎዳም ደማዴ ዒንጊሣ ማሂ ያኦሲም ዔያቶ ደማሴ፣ ጌኤሸፆ ዳምቦዎ ዔያቶም ኩንሣኔ። 22 ናንጊና ናንጋ ጎዳ ሙሴም ሌዊ ዓሰ ዛሎ ኬኤዜ ጎይፆና ዳራ ቢያ ባኮ ማዴኔ፤ ዬያይዳም ሌዊ ዓሳ ዓኣሮኔና ናኣቶና ዔያቶኮ ሱኡጌ ማዔም ዓፒሎና ማዠኘንቴ፣ ያኦሲ ዳሮና ካኣማ ማኣሮይዳ ማዳኒ ጊኣጌኔ።

23 ናንጊና ናንጋ ጎዳ ሙሴም፡- 24 «ላማታሚ ደንጎ ሌዔ ማዔያና ዬዛፓ ዑሣ ማዔ ሌዊ ዓሰፓ ዓተንቁ ቢያ ዓፒሎና ማዠኘንቴ፣ ያኦሲ ዳሮና ካኣማ ማኣሮይዳ ማዳኒ ዳንዳዓኔ፤ 25 ደንጊታሚ ሌዔ ማዔሰካፓ ጋዓንቴ ማዴ ሃሾንጎ፤ ላሚ ዬያ ማዴ ማዴፓ። 26 ዔያታ ዓፒሎና ማዠኘንቴ፣ ያኦሲ ዳሮና ካኣማ ማኣሮይዳ ዔያቶኮ ገርሲንሣ ማዔ ሌዊ ዓሳ ማዴ ዎዶና ዬያቶ ማኣዳያ ማዒ ማዴንጎ፤ ጋዓንቴ ዔያታ ፔኤሮ ፔቴታፆ ማዴ ማዴፓ። ሌዊ ዓሳ ማዳንዳ ዳምቦ ዬያይዲ ዓይሤ» ጌዔኔ።

9

ላምዓሳ ዑሣ ዓኣዲፆ ቦንቾ

1 ዒሰራዔኤሌ ዳራ ጊብፄ ዓጫፓ ኬሰኬንቴ ላምዓሳ ሌዎኮ ቤርታሳ ዓጊኖና ናንጊና ናንጋ ጎዳ ሙሴም ሲና ቦኦሎይዳ፡- 2 «ዒሰራዔኤሌ ዓሳ ዑሣ ዓኣዲፆ ቦንቾ ቦንቾንታንዳጉዲ ጌይንቴ ዎዶማና ቦንቾንጎ፤ 3 ዬኖ ዓጊኖኮ ታጾ ያይዳሳ ኬሎኮ ዓባ ጌሌማፓ ዓርቁ ዎጎና ዳምቦ ጎይፆና ማዴ ኩንሣንጎ» ጌዔኔ። 4 ዬያሮ ሙሴ

8:17 8:17 ኬሲ. ማፃ 13:2።

ዴራ ዑሣ ዓኣዲያ ቦንቾ ቦንቻንዳጉዲ ዔያቶም ኬኤዘኔ፤ 5 ዔያታ ቤርታሳ ዓገና ጃኤሬም ታጾ ያይዳሳ ኬላ ዓመጫገገ ዓርቃያ ሲና ቦኦሎይዳ ዬኖ ቦንቾ ቦንቻኔ፤ ናንገና ናንገ ጎዳ ሙሴም ዓይሤ ጎይያ ቢያ ባኮ ዔያታ ማዴኔ።

6 ጋዓንቴ ሌሲ ካኣሚ ዳምቦ ጎይያና ዒኢቲ ዳካ ዓሲ ዓኣጾ ዬኖ ኬሎና ዑሣ ዓኣዲያ ቦንቾ ቦንቻኒ ዳንዳዒባኣሢሮ ሙሴና ዓኣሮኔና ከይላ ሙኪ፡- 7 «ኵኡኒ ሌሲ ካኣሚ ዒኢቲያ ማዔቴያ ማዲንታታ ዎደማና ያኦሲም ዒንጎ ባኮ ኑ ዒንጉዋጉዲ ዒሰራዔኤሌ ዓሶይዳገ ዲማሲ ኑና ዓይጎሮ ላኣጎናይ?» ጌዔኔ።

8 ሙሴ ዔያቶም «ዒንሢ ዎዳንዳቴያ ናንገና ናንገ ጎዳ ታኣም ኬኤዘንዳያ ሄላንዳኣና ካቸዋቴ» ጌዔኔ።

9 ዒማና ናንገና ናንገ ጎዳ ሙሴም፡- 10 «ዒሰራዔኤሌ ዓሶም ሂዚ ጌዔ፤ «ዒንሢዳገኣ ማዎም ዒንሢኮ ዜርፃገገ ዓሲ ሌሲ ካኣሚ ዒኢቲቲ፡ ሃሣ ሃኬ ቤሲ ዓኣዲ ጎይሢዳ ዓኣቲ ዑሣ ዓኣዲያ ቦንቾ ሂዲ ቦንቻኒ ዳንዳዔ፤ 11 ላምዓሳ ዓገና ጃኤራዛ ታጾ ያይዳሳ ኬላ ዓመጫገገ ዓርቃያ ቦንቻዋቴ፤ ዒንሢ ቦንቻ ዎደና ሙኑቃ ፃኣዛ ዎሂንቲባኣ ላኣዳ ጫንቺ ዒላሺና ዎላ ሙዑዋቴ፤ 12 ዬያ ሙዎ ዴንዲ ዚሮ ጉቲ ሄላንዳኣና ዓይሲ ዎይሢገጉቴ፤ ሹኪንቴ ቆልሞማኮ ፔቴ ማጌሢታያ ማንሢገጉቴ፤ ዒንሢ ቦንቻንዳጉዲ ዓይሢንቴ ዳምቦ ጎይያማ ቦንቾ ቦንቻዋቴ። 13 ዳምቦ ጎይያና ዒኢቲባኣያ፤ ሃሣ ሃኬ ጎይሢያ ዓኣዲባኣ ዓሲ ቢያ ዑሣ ዓኣዲያ ቦንቾ ዎደማና ቦንቻባኣቲ ታ ዴሮ ባኣካ ማዓኒ ከይሱዋሴ፤ ዒንጎ ባኮ ዒንገንቶም ጌይንቴ ዎደማና ዒንገባኣሢሮ ዒዛኮ ጎሞ ዛሎ ዒንገንታ ባኮ ዒ ዔካንዳኔ። 14 ዒንሢ ባኣኮይዳ ዓኣ ሙኬ ዓሲ ዑሣ ዓኣዲያ ቦንቾ ቦንቻኒ ኮዔቴ ዓይሢንቴ ዳምቦና ዎጎ ጎይያማ ቦንቻኒ ኮይሳኔ፤ ዓጪ ዓሲ ማዔቴያ ማሌገ ሙኬ ዓሲ ዬያ ዳምቦ ዒማ ጎይያማ ኩንሦንጎ » ጌዔኔ።

ታሞ ማሊ ጴዴ ሻኣሮ (ኬሲ. ማፃ 40:34-38)

15 ዓጥሎና ማዢንቴ፡ ያኦሲ ዴሮና ካኣማ ማኣራ ደቂንቴ ኬሎና ሻኣሬ ሙኪ ዬኖ ማኣሮ ካንቄኔ፤ ዬይ ሻኣራ ሳዓ ዓመጫገገ ዴንዲ ካራንዳኣና ዓጥሎና ማዢንቴ ማኣሮይዳ ታሚጉዲ ፖዓኔ። 16 ሮኦሮ ሻኣራ ዬኖ ማኣሮ ካንቃኔ፤ ዎንቶ ዬይ ሻኣራ ታሚጉዲ ሹኤሪ ፖዓኔ። 17 ሻኣራ ዓጥሎና ማዢንቴ ማኣሮይዳገ ዔቂ ዓኣዳኣና ቢያ ዎዴ

9:5 9:5 ኬሲ. ማፃ 12:1-13። 9:12 9:12 ኬሲ. ማፃ 12:46፤ ዮሃ. 19:36።

ዲሰራዊኤሌ ዓሳ ዔያታ ዲንኪ ዴዔ ቤዘ ሃሺ ዓኣዳኔ፤ ሻኣራ ዴንዲ ላሂ ቤዘማይዳ ዲሰራዊኤሌ ዓሳ ዲንኪ ዴዔ። 18 ዲሰራዊኤሌ ዓሳ ዴዔ ቤዘ ሃሺ ዓኣዳሂንታ ሜሌ ቤስካ ዲንኪ ዴዓሂ ናንገና ናንጋ ጎዳ ዓይህ ዓይሥሂናኬ፤ ዓፒሎና ማዢንቲ፣ ጾኦሲ ዴርና ካኣማ ማኣሮይዳ ሻኣራ ላሂ ዚቲ ጌዔቲ ዔያታኣ ዒማ ቤዘ ዴዒ ዚቲዮ ጋዓኔ፤ 19 ዴይ ሻኣራ ዓፒሎና ማዢንቲ ማኣሮ ዑፃ ሚርጌ ዎዴ ዴዔያ ማዔቲያ ዔያታ ናንገና ናንጋ ጎዳም ዓይሂንቲ ዒማካ ዴዳዓኔ፤ ሜሌ ቤሲ ዓኣዲዎሴ። 20 ፔቲ ፔቲና ሻኣራ ዴፍ ማኣሮ ዑፃ ዴዓሂ ዳካ ኬሊ ሌሊኬ፤ ያዲ ማዔቲያ ዔያታ ዴዓሂንታ ቤርቲም ዓኣዳሂያ ጾኦሲ ዔያቶ ዓይህ ጎይጾናኬ። 21 ፔቲ ፔቲና ሻኣራ ዴዓሂ ሳዓ ዓሚማፓ ዴንዲ ካራንዲያ ሄላንዳኣና ሌሊኬ፤ ዴያሮ ሻኣራ ዔዔቃማና ዔያታኣ ሃንቲፃ ዓርቃኔ፤ ሻኣራ ዎንቶና ሮኦርና ጉቤ ዔቆ ዒዲ ዴዔቲያ ሻኣራ ዔቃማና ዔያታ ዓኣዳኔ። 22 ላምፃ ኬሊ ማዔቲያ ፔቲ ዓገኒ፤ ሃህ ፔቲ ለዔ ማዔቲያ ዴካፓ ዑህ ሻኣራ ዔቆ ዒዲ ዓፒሎና ማዢንቲ፣ ጾኦሲ ዴርና ካኣማ ማኣሮይዳ ዴዒ ናጌቲ ዔያታ ዓኣዲዎሴ፤ ሻኣራ ዔቃማና ጋዓንቲ ሃንቲፃ ዔያታ ዓርቃኔ። 23 ዔያታ ፔኤኮ ዎርቆ ማኣሮ ደቃሂንታ ዴኖ ቤዘ ሃሺ ዴንዳሂ ናንገና ናንጋ ጎዳ ሙሴም ዓይህ ጎይጾናኬ።

10

ቢራ ዓንገና ዲይ ኮሻና ዛዬ

1 ናንገና ናንጋ ጎዳ ሙሴም፡- 2 «ዴር ፔቲይዳ ቡኩሳኒ፤ ሃህ ዲንኪ ዴዔ ቤዘፓ ዴንደም ዔቁሳኒ ዎርቁንታንዳ ላምፃ ዛዬ ቢራ ዓንገና ዲይ ኮሻ። 3 ላምፃ ዛዮንሂ ዎርቁንታኣና ዴራ ዓኣ ቤዘፓ ቢያ ዓፒሎና ማዢንቲ፣ ጾኦሲ ዴርና ካኣማ ማኣሮ ካራ ኔ ኮይላ ቡኩንጎ። 4 ፔቲ ዛዮማ ሌሊ ዎርቁንቲቲ ዲሰራዊኤሌኮ ፃጶ ፃጶ ሱኡጋ ሌሊ ኔ ኮይላ ቡኩንጎ። 5 ሃህ ፔቲ ዛዬ ዴገዲ ፃደቁ ዴይ ዎርቁንቲቲ ዓባ ኬስካ ዛሎና ዲንኪ ዴዔ ፃጶ ማኣሮ ዓሳ ዴንዲያ ዓርቆንጎ። 6 ላሚ ዴኖ ጎይጾ ዎርቁንታዛ ደኦሎ ዛሎና ዲንኪ ዴዔ ፃጶ ማኣሮ ዓሳ ዴንደንጎ፤ ዴራ ዴዔ ቤዘ ሃሺ ዓኣዳ ዎደና ዴኖ ጎይጾ ዛያሂ ዎርቁንቶንጎ። 7 ዴር ፔቲይዳ ቡኩሳኒ ዛያሂ ዎርቁንቶንጎ፤ ጋዓንቲ ዴገዲ ዎርቁንቶፓ። 8 ቁኤሳሂ፣ ዓኣሮኔ ናኣታ ዛያሂ ዎርቆንጎ፤ ዴይ ዲንሂኮ ናኣቶኮ ናኣቶ ሄላንዳኣና ማዲንቲ ዴዓ ዳምቤ ማፃንጎ። 9 ዲንሂ ፃላኒ ሙካ ዎርኮ ዲንሂ ፃሊ ማሃኒ ዴንዳ ዎደና ዲላቲ ማሃ ዛያሂ ዎርቁዎቲ፤ ታኣኒ፣ ናንገና ናንጋ ጎዳ ማዔ ዲንሂኮ ጾኣዛሂ ዲንሂ ማኣዳንዳኔ፤ ዎርኮይዲፓኣ ታ ዲንሂ

ዓውሳንዳ። 10 ይያጉዲ ዋዛዲ ዲንሢ ጦንቾ ጦንቾ ኬሊና፤ ጌይፃ፡-
ዓገሊ ጃኤራኣና፤ ገንሣ ካኣዡ ዛሎና ዲንሢ ጦንቾ ጦንቾኣና ሚቶ
ዲንጎ ዲንገያንታ ፔቱሞና ዲንሢ ዲንጎ ዲንገያ ታኣም ዲንጎ ኬሎና
ዛያሢ ዋርቁዋቲ፤ ዬይ፡- ዲንሢ ዲንሢ ዛሎ ታኣም ጳቁሢ ኬኤዛያ
ማዓንዳ። ታኣኒ ናንገና ናንጎ ጎዳ ማዔ ዲንሢኮ ፆኣዛሢ»
ጌዔ።

ዲሰራዔኤሌ ዓሶኮ ሲናይዲፓ ዓኣዲፆ

11 ዲሰራዔኤሌ ዴራ ገብፄ ዓጫፓ ኬሰከንቴ ለምዓሳ ሌዎኮ
ለምዓሳ ዓገና ጃኤሪ ለማታሚ ኬሊ ማዓዛ ማርኮ ማዓ ባካ
ዓኣ፡ ዓፒሎና ማዡንቴ ማኣሮ ካንቁ ዓኣ ሻኣራ ዔቄ፤ 12 ዲማና
ዲሰራዔኤሌ ዓሳ ሶኣፓ ኬሰከ ዓኣዴ፤ ሻኣራኣ ዴንዲ
ፓኣራኔ ሶኣሎይዳ ላሃ።

13 ናንገና ናንጎ ጎዳ ሙሴም ዓይሢ ጎይፆ ዴራ ዓኣዲፆ ዓርቄ፤
ዬና ዔያቶኮ ቤርታሳ ሃንቲፆኮ። 14 ዲማና ዪሁዳ ዓሶም ዲንጎና
ባንዲሮ ዴማ ዓኣ፡ ዓሚናኣዳኣቤ ናኣዚ ኔዓሶኔ ዔኪ ዓኣዲ ዓሳ ዋሊ
ሄሊ ዓኣዲም ጎኦና ጎይፆና ቤርታዲ ዓሶ ዔኪ ዓኣዴ። 15 ዪሳኮኦሪ
ዓሶ ዔኪ ዓኣዲሢ ፀዓሪ ናኣዚ ናቲናዔኤሌኬ፤ 16 ዛብሎኦኔ ዓሶዋ
ዔኪ ዓኣዲሢ ሄሎኔ ናኣዚ ዔኤሊዓቤኬ፤

17 ዬካፓ ዓፒሎና ማዡንቴ ማኣራ ቱገንታዛ ዬያ ኬዴ ጌርሾኔና
ሜራሪ ዓሳ ሄሊሲ ዓኣዴ።

18 ሃሃ ሄሊሲ ሮኦኤሌ ዓሶም ዲንጎና ባንዲሮ ዴማ ዓኣ፡
ሼዴፀሪ ናኣዚ ዔኤሊፀሪ ዔኪ ዓኣዲ ዓሳ ዋሊ ሄሊ ዓኣዲም ጎኦና
ጎይፆና ዓሶ ዔኪ ዓኣዴ፤ 19 ሲሞኦኔ ዓሶ ዔኪ ዓኣዲሢ ፀሪሻዳዬ
ናኣዚ ሼሎሚዔኤሌኬ፤ 20 ጋኣዴ ዓሶ ዔኪ ዓኣዲሢ ዴዑዔኤሌ
ናኣዚ ዔኤሊያሳፔኬ።

21 ዬካፓ ለቂ ዓሲ ማዔ፡ ቁዓቲ ዓሳ ፆኣሲም ዴማዴ ባኮ
ኬዲ ዓኣዴ፤ ዔያታ ዓሳ ዲንኪ ዴዔ ቤዛ ሄላንዲሢኮ ቤርታ
ዓፒሎና ማዡንቴ፡ ፆኣሲ ዴርና ካኣማ ማኣራ ደቁንቴ። 22 ሃሃ
ሄሊሲ ዔፕሬኤሚ ዓሶም ዲንጎና ባንዲሮ ዴማ ዓኣ፡ ዓሚሁዴ ናኣዚ
ዔኤሊሻማዔ ዔኪ ዓኣዲ ዓሳ ዋሊ ሄሊ ዓኣዲም ጎኦና ጎይፆ ዓሶ
ዔኪ ዓኣዴ። 23 ዲማና ሚናኣቤ ዓሶ ዔኪ ዓኣዲሢ ፔዳፀሪ ናኣዚ
ጌማላዔኤሌኬ፤ 24 ቢኢኒያማ ዓሶ ዔኪ ዓኣዲሢ ገዲፆኔ ናኣዚ
ዓቢዳኔ።

25 ጋፒንፃ ዳኣኔ ዓሶም ዲንጎና ባንዲሮ ዴማ ዓኣያ፤ ሃሃ ሃንጎ ዓሶ
ቢዎኮ ገቲማ ማዔ ካፓ፡ ዓሚሻዳዬ ናኣዚ ዓሃዔኤሪ ዔኪ ዓኣዲ
ዓሳ ዋሊ ሄሊ ዓኣዲም ጎኦና ጎይፆ ዓሶ ዔኪ ዓኣዴ፤ 26 ዓሴኤሪ
ዓሶ ዔኪ ዓኣዲሢ ፆክራኔ ናኣዚ ፓግዒዔኤሌኬ፤ 27 ኒፕታኣሌኤሚ

ዓሶ ዔኪ ዓኣዲህ ዔናኔ ናኣዚ ዓሂራዔኬ። 28 ዒሰራዔኤሌ ዓሳ ዲንኪ ዴዔ ቤዛፓ ዔቁ ዓኣዳ ዎዶና ዴንዳ ጎይፃ ስዲኬ።

29 ሙሴ ሚዲያሚ ዓጮ ዓሂ ራጉዔኤሌ ናኣዚ፣ ዒዛኮ ቦሊ ሆባቤ ኮራ፡- «ናንገና ናንጋ ጎዳ ኦም ዒንጋኒ ጩኣቁ ዓጮ ዓኣዲፆሮ ኦ ዔቁኔ፤ ሃሃ ናንገና ናንጋ ጎዳ ዒሰራዔኤሌ ዓሶ ፆርጎቻንዳሂያ ኦም ጩኣቁኔ፤ ዬያሮ ኔኤኒያ ኦኡና ዎላ ዓኣዴ፤ ሜታ ባኣያ ኔና ኦ ናንገሳንዳኔ» ጌዔኔ።

30 ሆባቤ ጋዓንቴ፡- «ዔይዔ፤ ታኣኒ ታ ዓጮ፣ ታ ዒጊኖ ባንሂ ማዒ ዴንዳንዳኔ» ጌዔኔ።

31 ሙሴ ዒዛ ኮራ፡- «ሃዳራ፣ ኦና ሃሺ ዓኣዲፖ፤ ቦኦይዳ ኦ ሃንቲ ዓኣዳ ዎዶና ዎካ ኦ ዲንኪ ዴዓንዳቴያ ዔራንዳሂ ኔናታሂሮ ኔ ኦና ዳዎንዳኔ፤ 32 ኔ ኦኡና ዎላ ዓኣዴቴ ፆኦሲ ኦም ዒንጋ ኮዦ ባኮይዳፓ ኔኤም ኦ ዒንጋንዳኔ» ጌዔኔ።

ዴሮኮ ዲንኬ ቤዛፓ ዓኣዲፆ

33 ዒሰራዔኤሌ ዴራ ፆኦሲ ዴካ ዓኣ፣ ሲና ቦኦይ ሃሺ ሃይሃ ኬሊ ጎይሂ ዓኣዴኔ፤ ዒማና ፆኦሲ ማዶም ዴማዴ ባኮ ኬዴ ለዊ ዓሳ ቤርታ ቤርታ ዓኣዳዛ ናንገና ናንጋ ጎዳ ዔያታ ዲንኪ ዴዓንዳ ቤዛ ዳዊኔ። 34 ዔያታ ዲንኪ ዴዔ ቤዛፓ ቤዛፓ ዔቁ ዓኣዳኣና ናንገና ናንጋ ጎዳኮ ሻኣራ ሮኦሮና ዔያቶኮ ዑፃ ዑፃ ዓኣዳኔ።

35 ቄኤሳ ጩኣቁም ሳኣፂኖ ጌይንታ ታኣቦቶ ኬዲ ዔቃ ዎዶና ቢያ ሙሴ፡-

«ናንገና ናንጋ ጎዳ! ዔቁ፤
ኔኤኮ ሞርካ ዣኣሊ ዣኣሊ ባይቆንጎ፤
ኔና ዒፃሂ ቢያ ኔ ቤርታፓ ጳሽኮንጎ» ጋዓኔ።

36 ሃሃ ጩኣቁም ሳኣፂና ዴንዲፆ ሃሺ ዔቃኣና፡-
«ናንገና ናንጋ ጎዳሂኖ! ዑሃ ዓኣዴ ሚርጌ ማዔ፣
ዒሰራዔኤሌ ዓሶ ባንሂ ማዔ» ጋዓኔ።

11

ፆኦሲ ኮይላፓ ኬዴ ታሞ

1 ዒሰራዔኤሌ ዓሳ ዔያቶ ሄላ ሜታሂሮ ቢያ ናንገና ናንጋ ጎዳ ዑፃ ጉንዲሚሂ ዓርቁሂሮ ዒዚ ዬያ ጉንዲማሂ ዔያቶኮ ዎይዚ፣ ሚርጌና ዳጋዳፆ ሙዓ ታሚ ዔያቶይዳ ኬይሴኔ፤ ዬይ ታማ ዔያታ ዲንኪ ዴዔ ቤዛኮ ኮይላ ዓኣ፣ ዳካ ዛላ ጉርዳ ሙዔኔ። 2 ዴራ፤ ሙሴ ዔያቶ ዛሎ ሺኢቃንዳጉዲ ዒላታዛ ሙሴ ናንገና ናንጋ

10:35 10:35 ዓይኔ. 68:1።

ጎዳ ሺኢቁም ታማ ሃሼኔ። 3 ናንጊና ናንጋ ጎዳኮ ዩይ ታማ ዩና ቤዛ ዔኤቲሢር ዩና ቤዜላ «ታብዔራ» ጌይንቴኔ፤ (ታብዔራ ጌይፃ «ዔኤቲሢ» ጌይሢከ።)

ሙሴ ዳርኮ ሱኡጎ ማሂ ዶኦሬ ላንካይታሞ ዓሶ

4 ዒሰራዔኤሌ ዓሶና ሞላ ዓኣጳ ሜሌ ዓጪ ዓሲያ ዓኣኔ፤ ዔያታ ዒማና ዓሸኪ ሙዓሲ ሚርጌና ዓፃጳ፤ ዒሰራዔኤሌ ዓሳኣ ሂዚ ጌይሢ ዓርቄ፡- «ኦኡሲ ሙዓንዳ ዓሸኪ ዓንካፓ ኦ ዳንቃንዳይ! 5 ጊብፃ ዓጮ ኦ ዓኣ ሞዶና ጪጎ ባኣዚ ባኣያ፡ ሞላሢ ጉሪ ኦ ሙዓኔ፤ ዒኢካ ኦ ዓኣ ሞዶና ሙዓ ባካ፡- ቦታ፡ ቤፂሃ፡ * ኩራቴ፡ † ዘቄ ሽንኩርቶንታ ቦኦራሢንታኔ፤ 6 ሃሢ ጋዓንቴ ዑፃ ኦኡኮፃኣጳ ሜሊ፡ ሞልቃኣ ኦኡኮ ላቤኔ፤ ኦ ሙዓ ባኣዚ ፔቴታፃ ባኣሴ፤ ቢያ ከሌ ሃና ማኔሎይዳፓ ዓታዛ ሜሌ ጶጳ ባኣዚያ ባኣሴ» ጌዔኔ።

7 ማና ጌይንታዛ፡- ዴኤቤ ቡኒጉዴያ ጳካታፃ ማኣሢጉዲ ጋላፒ ቦኦራያከ። 8-9 ዩይ፡- ሞንቶ ጉርዶ ባኣካ ፃልካ ከዴዛ ሞላ ከዴያከ፤ ዩያር ጉቴ ዴራ ሃንቲ ሃንቲ ማንፃ ዔካፃ ዑይይ ዑዲ ሃንጎ ሞንሢዳ ሞዶ ጳኢሊ ማሂ ሺኢቹሰካፓ ፃቲዳ ካሢ፡ ሃንጎ ላኣዲ ላኣዳኔ፤ ዩይ ዛይቴና ዲርኪ ካሞናያጉዲ ዓኣፃያከ።

10 ዴራ ቢያ ፔኤኮ ማኣሮ ማኣሮ ካራ ቡኪ ዔቁ ዔቁ ጉንዲ ማንቴ ሙሴ ሞይዜኔ፤ ናንጊና ናንጋ ጎዳ ዔያቶይዳ ጳጋጳሢር ሙሴ ሚርጌና ማሊ ሜታጳ፡ 11 ናንጊና ናንጋ ጎዳ ኮይላ «ሃያጉዴ ዴኤሢ ባኣዚ ታና፡ ኔ ዓይላሢ ዑፃ ዓይጋ ኔ ዔኪ ዩዔይ? ዓይጋ ኔ ታና ዓሲከ ጌይባኣይ? ሃያ ዓሶ ቢያሢ ዛሎ ታ ሜታጳንዳጉዲ ታ ዑፃ ኔ ዓይጋ ዴኤፂሴይ? 12 ሃያ ዓሶ ጎጲዳ ዔኪ ሃንቲ ታኣኒ ሸዔያቱሞሴ፤ ሂዳፃ፡- ዔያቶኮ ዓድንሢም ኔ ዒንጋንዳኔ» ጌይ ጫኣቄ ዓጮ ዔያታ ጌላንዳያ ሄላንዳኣና ጳንቃ ናይ ዲቻ ዓሲ ማዒ ዔያቶ ከዲ ታ ዓኣጳንዳጉዲ ዓይጎ ማጳ ኔ ማጳይ? 13 ሃሢ ዔያታ ዓሸኪ ሙዓሲ ሚርጌና ዓፃጳ፤ ዓካራ፡- ሃያ ዓሶም ቢያ ጊዳ ዓሸኪ ዓንካፓ ታ ዳንቃንዳይ? 14 ታ ሃያ ዓሶ ታኣሮ ሌሊ ዔኪ ዓኣጳኒ ዳንዳዑሞሴ፤ ሃይ ታኣም ሚርጌ ዴኤፃ ማጳከ። 15 ሃያይዲ ኔ ታና ሜታሳሰካፓ፡ ታ ሃያ ሜቶ ዛጉሞጉዲ ታኣም ኔ ሚጪንቲ ሃሢ ኔ ታና ሞጳቴ ኮሺከ» ጌዔኔ።

16 ናንጊና ናንጋ ጎዳ ሙሴም «ዴራ ማጳንዳ ጎይሢ ጳቂሢና ዔርቲ ላንካይታሚ ዓሲ ዶኦሪጋፓ ዓፒሎና ማከንቴ፡ ፃኦሲ ዴርና

* 11:5 11:5 ቤፂሃ ቦቶዴያ ጋራ ሞኣሢ ዓኣያከ፤ ዛሎ ዓሳ ዒዛ ማኣሌ ሙኡቹና «ሶፐሴ» ጋዓኔ። † 11:5 11:5 ኩራቴ ቦኦራ ቴኤሜ ማላያታፃ ቦኖጉዲ ሙዶያከ። 11:7 11:7 ከሲ ማፃ 16:31። 11:8-9 11:8-9 ከሲ ማፃ 16:13-15።

ካአማ ማአሮ ካራ ቡኩሲ ዔቁሴ፤ 17 ታኣኒያ ዒኢካ ኬዲ ኔኤና ዋላ ገሰታንዳኔ፤ ዒማና ኔኤም ታ ዒንጌ ዒያኖይዳፓ ዒያቶማአ ታ ዒንጋንዳኔ፤ ዩካፓ ሃያ ዴሮ ኔ ዎይሢ ዴኤደንታ ባሶ ኔና ዒያታ ማአዳንዳኔ፤ ዩያሮ ዩያ ማደ ኔኤሮ ዴኤደንቲ ኔ ማደዳኬ። 18 ዓካሪ፡- ዴሮም <ዚራኣ ኬሎም ዒንሢ ዑቻ ጌኤሹዋቲ፤ ዓሽኪ ዒንሢ ሙዒንዳኔ፤ ዓሽኪ ኑም ዓይጌ ዒንጋንዳይ? ገብፃይዳ ናንጊፃ ኑም ኮሺታቻ ዓቲኔ ጌይ ዒንሢ ጉንዲሚ ጌሰቲ ጌኤዞ ናንጊና ናንጋ ጎዳ ዎይዜኔ፤ ዩያሮ ሃሢ ናንጊና ናንጋ ጎዳ ዒንሢም ዓሽኪ ዒንጌም ዒንሢ ሙዒንዳኔ። 19 ዒንሢ ሙዒንዳሢ ፔቲ ኬሊ፣ ላምቻ ኬሊ፣ ዶንጎ ኬሊ፣ ታጳ ኬሊንታ ላማታሚንታ ኬሊ ሌሊ ጉዴታቱዋንቲ፣ 20 ዒንሢ ዛአዓዳንዳያ ሄላንዳኣና፤ ሃሃ ቆርጮ ዓይሣንዳያ ሄላንዳኣና ዓገኒ ጉቤ ሙዒንዳኔ። ዩይ ያዲ ማዒንዳሢ ሃካ ዒንሢ ባኣካ ዓኣ ፆኦሲ ዒንሢ ሶሃ፣ ገብፃ ዓጫፓ ኑ ኬሰኪባኣቲ ኮሺታቻ ዓቲኔ ጌይ ዒንሢ ጉንዲሚሮኬ» » ጌዔኔ።

21 ሙሴ ናንጊና ናንጋ ጎዳ ኮይላ፡- «ሃኣዛጌ፤ ሃሢ ታኣኒ ላሆ ፃኤታ ሺያ ዓሲ ዔኪ ዓኣዳኔ፤ ኔኤኒ ዒያቶም <ፔቲ ዓገኒሮ ማዓ ዓሽኪ ዒንጋንዳኔ» ጌይ ጫኣቄኔ፤ 22 ሂንዳ፣ ዋኣዴ ባይና ማራይና ሹኪንቲቲ ዒያቶ ሚሻንዳይ? ባዘይዳ ዓኣ ሞላሢ ቢያ ቡኩሶናቲያ ዒያቶም ገዳንዳ?» ጌዔኔ።

23 ናንጊና ናንጋ ጎዳ ሙሴም፡- «ታና፣ ናንጊና ናንጋ ጎዳሢኮ ዎልቃ ዩማዲ ዳካያዳ? ታኣኒ ጌዔ ባካ ማዓቲያ ማዑዋቲያ ሃሢ ኔ ዛጋንዳኔ!» ጌዔኔ። 24 ዩያሮ ሙሴ ናንጊና ናንጋ ጎዳ ጌዔ ባኮ ቢያ ኬሰኪ ዴሮም ኬኤዜኔ፤ ሃሃ ዴሮይዳፓ ዶኦሪንቲ ላንካይታዎ ዓሶዎ ቡኩሲ ፆኦሲ ዴሮና ካአማ ማአሮኮ ኮይሎ ጎንጂሲ ዔቁሴኔ።

25 ዒማና ናንጊና ናንጋ ጎዳ ሻኣሬና ኬዲ ሙሴና ጌሰቲኔ፤ ሃሃ ሙሴም ዒዚ ዒንጌ ዒያኖይዳፓ ላንካይታዎ ዶኦሪንቲ ዓሶም ዒንጌም ዓያኖ ጌኤዛ ዒያቶ ዑፃ ኬዳዛ ፆኦሲ ማላሢ ኬኤዛ ዓሲጉዲ ዑኡዞ ፔኤሲ ዴገዲ ፆኦሲ ባኣዚ ኬኤዚሢሢ ዓርቄኔ፤ ዩያ ዒያታ ኬኤዜሢሢ ዳካ ዎዴም ሌሊኬ። 26 ዩማና ፆኣፒንቲ ላንካይታዎ ዓሶይዳፓ ላምቻ፣ ዔልዳዴና ሜዳዴ ጌይንታሰከንሢ ፆኦሲ ዴሮና ካአማ ማአሮ ካሮ ዴንዲዎቻ ጉርዳ ዓቲኔ፤ ዒያታ ዒኢካ ዓኣ ቤዛ ዓኣንቲ ዓያና ዒያቶይዳ ኬዴም ዒያታኣ ዑኡዞ ዴገዲ ፆኦሲ ማላሢ ኬኤዛ ዓሲጉዲ ፆኦሲ ባኣዚ ኬኤዜኔ።

27 ዒማና ፔቲ ዴጌሰኬይ ሙሴ ኮይላ ጳሽኪ ዴንዳቦ፡- «ዔልዳዴና ሜዳዴና ጉርዳ ባኣካ ዓኣፃ ፆኦሲ ማላሢ ኬኤዛኔ» ጌዔኔ።

28 ጴጌ ዓኣዖ ሙሴ ማኣዳያ ማዒ ማዳ፣ ኔዊ ናኣዚ ዒያሱ፡- «ታ ጎዳሦ፣ ሙሴ! ዒያቶ ላኣጌ!» ጋዓዛ፣ 29 ሙሴ፡- «ኔ ታ ጋይቲ ሚጠገንቲ ዬያ ጋዓ? ናንገና ናንጋ ጎዳ ዳሮ ቢያሢ ዑፃ ፔኤኮ ዒያኖ ኬይሴም ቢያሢ ዑኡዞ ጴጌዲ ያኣሲ ማለሢ ኬኤዛቲ ታና ዎዎዛጎንዳኔ!» ጌዔኔ። 30 ዬካፓ ሙሴና ላንካይታሞ ዒሰራዔኤሌ ዓሶ ሱኡጎንሢና ጉርዶ ማዒ ዓኣዳኔ።

ናንገና ናንጋ ጎዳ ዳኬ ፑራሢ ማላ ካፖ

31 ዔርቲባኣንቲ ናንገና ናንጋ ጎዳ ባዘይዳፓ ፑሮ ማላ ካፒ ዒሺ ዔኪ ዬዓንዳ ደብሬ ዔኪ ዳካዛ፣ ፑራሢ ማላ ካፓ ሳዓፓ ላምዎ ዎዳ ማዓያ ሌሊ ጴግ ጌይ ባራኒ ሙኪ ጉርዶና ጉርዶኮ ኮይሎ ጉቤ ዛሎና ፔቲ ኬሊ ሃንቲንታንዳ ጎይሢጉዳያ ዳልጊሺ ዳዔኔ። 32 ዬያሮ ዬኖ ኬሎ ሮኦርና ዎንቶና፤ ሃሣ ጉቶዎ ቢያ ዬያ ካፖ ዳውሲ ዓርቂያና ዓሳ ላቤኔ፤ ዒማና ታጾ ኪሎ ጊራኦ ማይዳፓ ሃቶ ዓርቁ ዓሲ ባኣሴ፤ ዔያታ ዓርቂ ቡኩሴ ካፖ ሹኪ ሹኪ ሚጠጩ። 33 ዔያታ ዓሸኮ ሙዓ ጎይሣ ዓኣንቲ ናንገና ናንጋ ጎዳ ዳሮይዳ ሚርጌና ዳጋዲ ጴኤፒ ፑርታ ሃርጌ ዔኪ ዬዔኔ። 34 ዬያሮ ዬኖ ቤዜሎኮ ሱንፃ፡- «ቁብሮትሃታዓባ» ጌይንቲኔ፤ ዬኖ ጌይፃ፡- «ዓፃዲሢ ዱኡፒ» ጌይሢኬ።

35 ዬኖ ቤዛፓ ዴራ ሃዲሮቲ ጌይንታ ቤሲ ዴንዲ ዴንኪ ዳዔኔ።

12

ማይራሞና ዓኣሮኔና ሙሴ ማኪ ጌሰቲ ጌኤዞ

1 ሙሴ ዒቶጲያ ዓጫፓ ኩሼ ፃጲ ማዔሰኬኖ ዔኬሢሮ ማይራሞና ዓኣሮኔና ዒዛ፡- 2 «ናንገና ናንጋ ጎዳ ኬኤዘሢ ሙሴ ዛሎና ሌሊዳ? ኑ ዛሎና ኬኤዚባኣዓዳ?» ጌይ ደንኪ ጌሰቲኔ፤ ናንገና ናንጋ ጎዳኣ ዬያ ዔያታ ጌዔሢ ዎይዜኔ። 3 ዓጮይዳ ዓኣ ዓሶይዳፓ ቢያ ባሼ ሙሴ ሼሌዔ ዓሲኬ።

4 ዒማና ኔጉዎፖ ናንገና ናንጋ ጎዳ ሙሴንታ ዓኣሮኔንታ ማይራሞንታም፡- «ዒንሢ ሃይሣሢ ዓፒሎና ማዢንቲ፣ ያኣሲ ዳሮና ካኣማ ማኣሮ ዬዑዎቲ» ጋዓዛ፣ ዔያታ ዓኣዳኔ። 5 ዬካፓ ናንገና ናንጋ ጎዳ ሻኣሬና ኬዲ ዓፒሎና ማዢንቲ ማኣሮ ካራ ዔቃዖ፡- «ዓኣሮኔ! ማይራሚ!» ጌይ ዔያቶ ዔኤላዛ፣ ላምዎንሢ ዒዛ ቤርቶ ሺኢኬኔ። 6 ናንገና ናንጋ ጎዳ ዔያቶ ኮራ፡- «ታ ዒንሢም ኬኤዛሢ ዎይዘዎቲ! ዒንሢ ባኣኮይዳ ታ ማለሢ ኬኤዛ ዓሲ ዓኣያ ማዔቲ ታ ዔያቶም ታና ፔጋሲ ዳዎሢ ዴማ ጎይሢና ታኑሞ ዳዎ ዔርዚ፤ ጌንሣ ሃሣ ዓውቲናኣ ኬኤዚኬ። 7 ታ ዓይላሢ፣ ሙሴና ታ ጌሰታሢ ጋዓንቲ ያዲዲቲዎሴ፤

ዲዚ ታ ማእሮይዳ ጉሙርቁንታ ዓሲኬ። * 8 ይያር ታ ዲዛና ፔገና ጌሴስታኃፓዓቲም ዓኣሺንቴ ጎይሢና ታ ዲዛም ኬኤዙዋሴ፤ ዲ ታና፤ ናንጊና ናንጋ ጎዳሢኮ ዓውካሮ ዛዛጋኔ፤ ሂዳዖ ዲንሢ ታ ዓይላሢ፤ ሙሴ ዋይቲ ጫርቁ ደንካኒ ዳንዳዔይ?» ጌዔ።

9 ናንጊና ናንጋ ጎዳ ዳጋዲ ዔያቶ ጎሬሰካፓ ዓኣዳዛ፤ 10 ዓፒሎና ማዢንቴ ማኣራፓ ሻኣራ ዔቁ ዳንዳኔ፤ ዒማና ዑፃ ኬሰካ ዶርዓሢ ማይራም ዓርቁ፤ ዑፃ ዒዞኮ ቢያ ቲልቢ ሻቺጉዲ ቦኣሬ፤ ዒዛ ያዲ ማዔሢ ዓኣሮኔ ዛጋዖ፤ 11 ሙሴ ኮይላ፡- «ታ ጎዳ፤ ኑ ዔኤዪ ማዳ ጎም ሃያ ዔኤቢኬ ጌይ ዓርቁ፤ 12 ማይራማ ዒንዶ ጎጾይዳ ዓኣዖ ሃይቁ፤ ዛሎ ዑፃ ሙልጌያ ማዒ ሾይንቴ፤ ቡሊሢ ማሊ ሃኣዲዲ ዓታንዳጉዲ ዛጊ ዚቲ ጌይ፤» ጌዔ።

13 ይያር ሙሴ፡- «ናንጊና ናንጋ ጎዳሢዮ! ሃደራ ዒዛ ፓሢ» ጌይ ዖኣሲ ባንሢ ዒላቲ።

14 ናንጊና ናንጋ ጎዳ ዒዛም፡- «ዒዞኮ ዓዴ ዳጋዲ ዓኣፓ ካራ ጩቲያ ማዔቲ ዒዛ ቦርሲንቴያ ማዒ ላንካይ ኬሊ ዴዓንዳያቱዋዳ? ይያር ዒዛ ጉርዳፓ ኬሰኪ ላንካይ ኬሊ ሄላንዳኣና ዓሲባኣ ቤሰካ ዴዖንጎ፤ ዬካፓ ጉርዶ ዒዛ ጌላኒ ዳንዳዔ፤» ጌዔ። 15 ይያር ማይራማ ጉርዳፓ ኬሰኪ፤ ዓሲባኣ ቤሰካ ፔኤሮ ደማዲ ዴዔ፤ ዒዛ ዓሶ ባኣኮ ማዒ ሙካንዳያ ሄላንዳኣና ዓሳ ዬሮ ጉርዶ ሃሺ ዓኣዲባኣሴ። 16 ዬካፓ ሄደቲይዳፓ ዔቁፓኣራኔ ቦኣሎይዳ ዓሳ ዳንኪ ዴዔ።

13

ካኣናኔ ዓጮ ሙሮም ዳኮና ዓሶ (ለሚ. ዋማ 1:19-33)

1 ናንጊና ናንጋ ጎዳ ሙሴም፡- 2 «ዒሰራዔኤሌ ዓሶኮ ታጾ ላምዖ ፃጸፓ ሱኡጌ ማዓንዳ ፔቲ ፔቲ ዓሲ ዶኦሪ ዔኪ ታኣኒ ዔያቶም ዒንጋንዳ ካኣናኔ ዓጮ ዓኣዲ ዓጩላ ዓኣ ጎይዖ ሙሪ ማዓንዳጉዲ ዳኬ» ጌዔ። 3 ሱኡጌ ማዓ ታጾ ላምዖ ዓሲ ናንጊና ናንጋ ጎዳ ሙሴ ዓይሢ ጎይዖና ፓኣራኣኔ ቦኣላፓ ዳኬ፤ 4 ይያቶ ዴንዴ ዓሶኮ ሱንፃ ሃካፓ ሊካ ኬኤዚንታ ጎይዖኩ፡- ሮኦቤኤሌ ማኣራፓ ዛኩሬ ናኣዚ ሳሙዔኤሌ፤ 5 ሲሞኦኔ ማኣራፓ ሱሬ ናኣዚ ሴፔፃ፤ 6 ዪሁዳ ማኣራፓ ዪፑኔ ናኣዚ ካኣሌቤ፤ 7 ዪሳኮኦሬ ማኣራፓ ዮሴፔ ናኣዚ ዪግዓሌ፤

* 12:7 12:7 ዲዚ ታ ማእሮይዳ ጉሙርቁንታ ዓሲኬ ጋዓዛ፡- «ታኣኒ ታ ዴር፤ ዒሰራዔኤሌ ዓሶ ዑፃ ዒዛ ዶኦሪ ጌሢ» ጋዓ ቡሊሢያ ዓኣያኩ። 12:7 12:7 ዔቢ. 3:2። 12:14 12:14 ገረ. ማፃ 5:2-3።

8 ዔፕሪልን ማሰራጥ ነዋ ስላዚ ሆሽዓ፤ 9 ቢኢኒያን ማሰራጥ ራፑ ስላዚ ፔሊዔ፤ 10 ዛብሎኦን ማሰራጥ ሶዲ ስላዚ ጉዲዔኤሌ፤ 11 ዮሴፕ ስላዚ ማሰራጥ ስላዚ ስላዚ ጋዲ፤ 12 ዳኣን ማሰራጥ ገጭሌ ስላዚ ማሰራጥ ስላዚ ስላዚ፤ 13 ዓሴኤሪ ማሰራጥ ማሰራጥ ስላዚ ስላዚ ስላዚ፤ 14 ኒፕታኣሌኤን ማሰራጥ ስላዚ ስላዚ ስላዚ፤ 15 ጋኣዴ ማሰራጥ ማሰራጥ ስላዚ ጉዲዔኤሌ ገይንታን።

16 ዓጮሎ ሙሪ ሙካንዳጉዲ ሙሴ ዳኤ ዓሳ ዩንሢኤ፤ ነዋ ስላዚ ሆሽዓኩ ሱን። «ዲያሱ» ገይ ዲዚ ገሣኤ። 17 ሙሴ ዔያቶ ዳካ ዋድና፡- «ኔቤ ዓጮይዳና ገዲ ገጭራዳ ዓጮ ከሰኩዋቴ፤ 18 ዓጮ ዋዚጉዲታቴያ፡ ዋኣዳ ዓሳ ዲኢካ ናንጋቴያ፤ ሃሣ ደዲማ ዔያቶኩ ዋዚታቴያ ዛጉዋቴ። 19 ሳዔላ ኮሺታቴያ፡ ሃሣ ፑርታቴያ፤ ዳራ ናንጋሢ ፔገ ማዔ ጉርዳይዳሞ? ዙሎ ዲርቆና ካታማይዳሞ? ዩያ ዛጉዋቴ። 20 ሳፆ ዓጮ ማሊታቴያ፡ ሃሣ ዳኤፕ ካይዚ ማርጌ ዓኣቴያ ዛጉዋቴ፤ ዩና ዓጮይዳ ዓኣ ሙዖ ማዖ ዓኣጉጊዳጉ ዋሉዋዖ ዔከ ዩዐዋቴ» ገዔኤ። ዩና ዋዳ ዋይኔ ካፃ ዋዳኤ።

21 ዩያር ዔያታ ዓጮኮ ከደ ዛሎ ዳንዲ፡ ዩና ዓጮሎይዳ ዓኣ ዲኢኔ ቦኣላገ ሳርቁ ሃማቴ ካታሞ ዳንደ ቶኦሎ ካርና ገይ ሬሆቤ ዓጮ ሄሊ ዛገኔ፤ 22 ቤርታዲ ዔያታ ኔቤ ዓኣዲ፡ ገዳና ከብርኦኔ ካታሞ ሄሊኔ፤ ዩና «ዓናቁሜ» ገይንታ ዳኤጉ ዓሳ ዜርዖ ማዔ፡ ዓሃማኔና ሸሻዩና ታልማዩ ገይንታ ቶኦካ ናንጋ ቤሲኤ፤ ከብርኦኔ ካታማ ማዚንቴሢ ገብፃ ዓጮይዳ ዖዓኔ ገይንታ ካታማ ማዚንታንዳሢኮ ላንካይታሚ ለዔና ቤርታዲኤ። 23 ዔያታ ዲዛ ገዳና ገዲ ዓሸኮሌ ደኣጮ ሄሊኔ፤ ዲኢካ ዋይኔ ዓሚ ካዲ ዓኣንቴ ዔያታ ቲቁ ዓኤኔ፤ ዩይ ፔቴ ዓሳ ከዳኒ ዳንዳዐዋያ፡ ዳኤሢ ማዔሢር ላምዖ ዓሳ ዛጸና ከዳኔ፤ ዩና ዋይኖ ዓኣጉና ዋላ ሮኣማኣኔ ገይንታ ማዖ ዓኣጉንታ ቤሌሴ ማዖ ዓኣጉዋ ዔያታ ዔከ ዩዔኤ። 24 ዩና ቤዛ፡- «ዔሸኮሌ ደኣጮ» ገይንታ፤ (ዔሸኮሌ ገይፃ ዔብሬ ዓሳ ሙኡጮና ዋይኖ ዓኣጉ ሱፆ ገይሢኤ።) ዩና ገይንታሢ ዲሰራዔኤሌ ዓሳ ዋይኖ ማዖ ዓኣጉ ዲኢካገ ቲቁ ዔከ ሙኤሢርኤ።

25 ዩና ዓሳ ዖይዲታሚ ከሊ ዓጮሎ ሙሪ ዛገሰካገ ማዲ ሙኤኤ። 26 ገኣራኔ ቦኣሎይዳ ቃዳሴ ገይንታ ቤዛ ዓኣ ሙሴና ዓኣርኔና፡ ሃሣ ዲሰራዔኤሌ ዳር ጉቤሢ ኮይላ ሙኤኤ፤ ዔያታ ዛገ ሳኮ ቢያ ከኤኤኤ፤ ዔከ ሙኤ ማዖ ዓኣጉዋ ዔያቶም ዳዌኔ፤ 27 ሙሴም ዔያታ፡- «ጎኔ፡ ዓጮላ ዔኤሲና ዲኢቁና ኩሜ ማሊ ዓጪ ማዔሢ ኑ ዛገኔ፤ ዲዛ ዓጮገ ኑ ዔከ ዩዔ ማዖ ዓኣጉ ሃኣዛገ፤ 28 ጋዓንቴ ዩና ዓጮይዳ ናንጋ ዳራ ማርጌና ደዲ ዓሳኤ፤ ዔያታ ናንጋ ካታማ ዳኤፕ ዳኤፕ፡ ሃሣ ዓጮዋ ደዲሺ ዲርቆናኤ፤

ሃሣ ዒኢካ ዋልቁና ጴጌፕ ማዔ፥ ዔናአቄ ዓሶ ዜርዖዋ ኑ ዴንቄኔ።
29 ዓማለቄ ዓሳ ኔጌቤ ዓጮይዳ ናንጋያ ማዓዛ ሂኢታ ዓሶንታ
ዒያቡሳ ዓሶንታ ዓዋራ ዓሶንታ ጌሚራዳ ዓጮይዳ ናንጋኔ፤ ካኣናኔ
ዓሳኣ ሃሣ ዮርዳኖሴ ዋሮ ኮይሎና ማዲቴራኒያ ባዞ ኮይሎናይዳ
ናንጋኔ» ጌዒ ኬኤዜኔ።

30 ካኣሌቤ ጋዓንቲ ሙሴ ኮይላ ቡኪንቲ ዓኣ ዴሮ ዚቲ
ጌይሴሰካፓ፡- «ዔያቶ ኑ ባሻንዳ ዋልቄ ኑኡኮ ዓኣሢሮ ዓጮሎ ሃሣ
ኑ ዴንዲ ዓርቆም» ጌዔኔ።

31 ካኣሌቤና ዋላ ዓኣዴ ዓሳ ጋዓንቲ፡- «ኑ ዔያቶ ባሻንዳ ዋልቄ
ፔቴታዖ ኑኡኮ ባኣሴ፤ ዒኢካ ናንጋ ዓሳ ኑጊዳፓ ደዲ ዋልቄና
ዓኣያኮ» ጌዔኔ። 32 ዔያታ ዛጊ ሙኬ ዓጮሎ ዛሎ ዒሰራዔኤሌ
ዓሶም ኬኤዜሢ ዓሶ ጊቻንዳ ጎይሢኬ፤ ዔያታ ኬኤዛዖ፡- «ኑኡጊ
ዛጋኒ ዴንዴ ዓጮላ ዒዘይዳ ናንጋኒ ሙካ ዓሴ ሙሙዓንዳያኮ፤
ዒኢካ ኑ ዛጌ ዓሳ ዖደሲኮ። 33 ዒኢካ ኑ ጴጌፕ ጴጌፕ ማዔ ዓናቂሚ
ዜርዖ ዛጌኔ፤ ኑኡኒ ዔያቶ ቤርቶይዳ ዓቆ ማዒ ጴዴኔ፤ ዔያታኣ ኑና
ዒማዒ ማሂ ዛጉዋዖ ዓቴያናንጋዓኮ» ጌዔኔ።

14

ዴሮኮ ጉንዲሚዖ

1 ዴራ ዬኖ ዋንቶ ቢያ ሜታዲ ዒላቲ ጎይሣ ዋርቄኔ፤ 2 ሙሴና
ዓኣሮኔና ዑዓ ዔያታ፡- «ጊብፃ ዓጮይዳ፤ ሃሣ ሃያ ዓሴ ናንጉዋ
ዳውሎይዳ ኑ ሃሃይቄቴ ዓይጌ ዓኣይ! 3 ናንጊና ናንጋ ጎዳ ኑና
ዬኖ ዓጮሎ ዔኪ ዓኣዳሢ ዓይጎርዳይ? ኑኡኒ ቢያሢ ዖልዚና
ኩዳንዳኔ፤ ናኣቶና ላኣሎና ኑኡኮ ዲዒንቲ ዔውታንዳኔ፤ ጊብፃ ዓጮ
ማዒ ኑ ዴንዴቴ ቃራ ማዓዓዳ?» ጌዒ ጌዒ ጉንዲሚ ጌሰቴኔ።

4 ዬያሮ ዋሊ ኮይላ ዔያታ፡- «ሃኒ ሙኩዋቴ! ኑና ዔኪ ዓኣዳንዳ
ዓሴ ኑ ደኣሪ፥ ጊብፃ ዓጮ ማዒ ኑ ዴንደም» ጌዔኔ።

5 ዒማና ሙሴና ዓኣሮኔና ዴሮኮ ቤርታ ጎጲና ላሃኔ፤ 6 ዓጮ ሙሪዖ
ዓኣዴዘንሢፓ ላምዖንሢ፡- ኔዊናኣዚ ዒያሱና ዪፑኔ ናኣዚ ካኣሌቤና
ዖዪ ፔኤኮ ዓፒሎ ዳርዛዖ፥ 7 ዴሮም፡- «ኑኡኒ ዛጊ ሙኬ ዓጮላ
ሚርጌና ሚዛጳ ዓጪኬ፤ 8 ናንጊና ናንጋ ጎዳ ኑ ዛሎና ዋዛዴያ
ማዔቴ ዬኖ ዓጮ ኑና ዔኪ ዓኣዲ ዔኤዘና ዲኢቆና ኩሜ፥ ማሎ
ዓጮሎ ኑም ዒንጎንዳኔ፤ 9 ዬያሮ ናንጊና ናንጋ ጎዳም ዓይሢንቲዖ
ዒፎፖቴ፤ ዒኢካ ናንጋ ዴሮዋ ዒጊጨፖቴ፤ ኑ ዔያቶ ሜታዲዋዖ ዖሊ
ባሻንዳኔ፤ ናንጊና ናንጋ ጎዳ ኑኡና ዋላኬ፤ ዔያቶ ካፓኔ ጌይ ዔያታ
ጉሙርቃ ዖኣዛ ዔያቶኮ ላቤኔ፤ ዬያሮ ዔያቶ ፔቴታዖ ዒጊጨፖቴ»

13:33 13:33 ማኸ. ማፃ 6:4።

ጌዔ። 10 ዲማና ዴራ ዔያቶ ሹቻ ዲይ ዎዲኒ ዘርቴኔ፤ ጋዓንቴ ዓፒሎና ማዢንቴ፣ ያኦሲ ዴሮና ካኣማ ማኣር ዑያይዳ ናንጊና ናንጋ ጎዳኮ ቦንቾ ፖዓ ፖዒ ዒሰራዔኤሌ ዓሶም ጴዴ።

ሙሴ ዴር ዛሎ ሸኢቄ ሸኢጲያ

11 ናንጊና ናንጋ ጎዳ ሙሴም፡- «ሃይ ዴራ ታና ቦሃሢ ዓይዲ ሄላንዳኣናዳይ? ታ ዎልቄና ማዲንታ ሚርጌ ባኣዚ ማዲ ታ ዔያቶ ዳዌ፤ ሄዳያ ታና ዔያታ ጉሙርቁዎኣሢ ዎም ሄላንዳኣናዳይ? 12 ታ ዔያቶይዳ ሃርጌ ዔኪ ዬዒ ዔያቶ ባይዛንዳኔ፤ ኔና ጋዓንቴ ታ ዔያቶይዳፓ ባሽ ዲቢ፣ ሃህ ዶዲ ማዔ ዴሪኮ ዓዶ ማሃንዳኔ» ጌዔ።

13 ሙሴ ናንጊና ናንጋ ጎዳ ኮይላ፡- «ሃያ ዴር ኔ ዎልቆና ጊብፄ ዓጫፓ ኔ ኬሴኔ፤ ኔ ዴር ዑፃ ኔ ማዴ ባኮ ጊብፄ ዓሳ ዎይዘቴ፡-

14 ዬያ ባኮ ቢያ ሃያ ዓጮይዳ ናንጋ ዓሶም ኬኤዛንዳኔ፤ ሃይ ዴራ ኔኤኒ፣ ናንጊና ናንጋ ጎዳ ኦኡና ዎላ ዓኣሢና ኔኤኮ ሻኣራ ኦ ዑፃ ላሃ ዎዶና ፔጋዲ ኔ ጴዳሢና፤ ዬያጉዲ ሃህ ርኦሪ ዠኡሎጉዲ ዔቄ ሻኣሮና፣ ዒባኒ ሃህ ዠኡሎጉዲ ዔቄ ታሞና ዔኪ ኦና ኔ ዓኣዳሢ ዔያታ ዎዳ ዎይዘኔ። 15 ዓካሪ ሃሢ ኔኤኒ ዴር ኔኤኮ ፔቴና ዎዲ ኩርሴቴ፣ ኔ ማዴ ባኮ ቤርታ ዎይዘ ማሌ ዓሳ፡- 16 ናንጊና ናንጋ ጎዳ ሃያ ዴርም ዒንጋንዳኔ ጌይ ጫኣቄ ዓጮ ጌልዛኒ ባሽንቴሢር ዓሲ ናንጉዎ ዳውሎይዳ ዔያቶ ዎዲ ባይዘኔ» ኔና ጋዓንዳኔ። 17 ዬያር ናንጊና ናንጋ ጎዳሢዮ! ኔ ኬኤዘ ጎይያ ዎልቆ ኔኤሲ ዳዌ፤ 18 ኔኤኒ ኬኤዘሢ፡- ታኣኒ፣ ናንጊና ናንጋ ጎዳሢ ዑኩ ዳጋዳያቱዋሴ፤ ታኣኮ ማኣሪያና ናሹሞና ሚርጌኬ፤ ጎሜ ማዴያና ዓይሢንቴሢ ዒፄ ዓሲ ዳቢንቶ ዔሪ ማዔቴ ዓቶም ታ ጋዓንዳኔ፤ ዳቢንቴሢም ኮይሳ ሜቶ ዒንጉዎፓ ታ ሃሹዎያኬ፤ ዓዶንሢ ማዴ ጎሞር ናኣቶኮ ናኣቶ ሄላንዳኣና ሜቶ ታ ሄሊሱዎፓ ሃሹዎሴ» ጌዒኬ። 19 ዬያር ሃሢያ፣ ናንጊና ናንጋ ጎዳሢዮ! ዔያታ ጊብፄ ዓጫፓ ኬሰኬማፓ ዓርቃያ ኔኤኮ ዳኤጉ ናሹሞና ኔ ዔያቶም ዓቶም ጌዒ ጌዒ ዓኣሢጉዲ ሃያ ዓሶኮ ጎሞ ዓቶም ኔ ጋዓንዳጉዲ ታ ኔና ሸኢቃኔ» ጌዔ።

20 ናንጊና ናንጋ ጎዳ ዒዛም ማሃያ፡- «ኔኤኒ ታና ያኦጮ ጎይያና ታኣኒ ዔያቶም ዓቶንጎ ጌዔ፤ 21 ጋዓንቴ ታኣኒ ናንጊና ናንጋያ ማዔሢር፤ ሃህ ቦንቻ ታኣኮ ዓጮ ቢያ ኩሜያ ማዔሢር፣ 22 ታኣኮ ቦንቾ፤ ሃህ ጊብፄ ዓጮና ዓሲ ናንጉዎ ዳውሎናይዳ ታ ማዴ ታ

14:9 14:9 ዔብ. 3:16። 14:13 14:13 ኬሲ. ማፃ 32:11-14። 14:18 14:18 ኬሲ. ማፃ 20:5-6፤ 34:6-7፤ ላሚ. ዎማ 5:9-10፤ 7:9-10።

ዎልቆና ማዳንቴ ዴኤፖ ማዶ ዛጌዎ ታኣም ዒፃዘንሢና ታጾ ማይንቴ ታ ዎይታቴያ ዛጋጌ ማዶ ሺሬ ዓሶይዳፓ ፔቴ ዓሲታዎ፣ 23 ዔያቶኮ ዓድንሢም ታ ዒንጋንዳኔ፣ ጌዒ ጫኣቄ ዓጮ ጌላዓከ። ታና ቶኦቹ ዓሶይዳፓ ፔቴ ዓሲታዎ ዬኖ ዓጮሎ ዔያታ ጌላዓከ። 24 ታ ዓይላሢ፣ ካኣሌቤ ጋዓንቴ ዲማ ማላሢ ዒዛይዳ ዓኣሢሮ፤ ሃሃ ታና ዒ ዒናፓ ጉሙርቃያ ማዔሢሮ ዴንዲ ዒ ዛጊ ሙከ ዓጮሎ ታ ዒዛ ጌልዘንዳኔ። ዜርፃኣ ዒዛኮ ዬኖ ዓጮ ዳካላንዳኔ። 25 ዬና ዓጮላ ሃሢ ዓማሌቄ ዓሶና ካኣናኔ ዓሶና ናንጋ ዓጮከ፤ ዬያሮ ዚሮ ጊንሢም ማዒጋፓ ዘቄ ባዘ ባንሢ ዓኣዳ ጎይፆና ጌዒ ዓሲ ናንጉዎ ዳውሎ ዴንዲዎቴ» ጌዔ።

ናንጊና ናንጋ ጎዳ ጉንዲሜ ዳሮይዳ ዓጌ ሜቶ

26 ናንጊና ናንጋ ጎዳ ሙሴና ዓኣሮነናም፡- 27 «ሃይ ፑርቶ ዴራ ታጊዳ ጉንዲሜሢ ዓይዲ ሄላንዳኣናደይ? ዬያ ዔያቶኮ ዒሢ ጉንዲሜሢ ታ ዎይዜ። 28 ዬያሮ ሃሢ ዔያቶም፡- «ናንጊና ናንጋ ጎዳ ሂዚ ጋዓኔ፤ ታኣኒ ናንጊና ናንጋያከ። ዒንሢ ጋኣንቴ ታ ዎይዜ ባኮ ጎኔ ዒንሢዳ ታ ማዳንዳኔ፤ 29 ዒንሢ ቢያሢ ሃይቃንዳኔ፤ ሌዛ ዒንሢኮ ሃያ ዓሲ ናንጉዎ ዳውሎይዳ ከኤሪንቴ ዓታንዳኔ፤ ዒንሢ ታጊዳ ጉንዲሜሢ ስርታ ዒንሢ ፓይደናኣና ሌዓ ለማታሚ ማዔሢና ዬካፓ ዑሣ ማዔ ዓሳ ቢያ ሃይካ ኩኩዳንዳኔ፤ 30 ዒንሢ ናንጋንዳጉዲ ዒናፓ ታ ዒንሢም ጫኣቄ ዒንጌ ዓጮሎ ዪፑኔ ናኣዚ ካኣሌቤና ኔዎ ናኣዚ ዒያሱናይዳፓ ዓታዛ ዒንሢዳፓ ፔቴ ዓሲታዎ ጌላዓከ። 31 ዒንሢ ኦኡኮ ዲዒንቴ ዔውታንዳኔ ጌዔ ናኣቶ ዒንሢ ቦሃ ዓጮሎ ጌልዚ ዔያቶ ዓጪ ታ ማሃንዳኔ። 32 ዒንሢ ጋዓንቴ ሃያ ቦኦሎይዳ ሃይቄ ከኤሪንቴ ዓታንዳኔ። 33 ዒንሢ ታና ጉሙርቆ ዒፃሢሮ ዒንሢዳፓ ጋፕንፃ ሃይቃንዳሢ ሃይቄ ሃያ ዓሲ ናንጉዎ ዳውሎይዳ ከኤሪንታንዳያ ሄላንዳኣና ዒንሢኮ ናኣታ ሃያ ቦኦሎይዳ ያይዲታሚ ሌዔ ሚርጌ ሜታዲ ሴካ ሃንጋ ሃንታንዳኔ። 34 ዒንሢ ማዶ ጎሞ ዛሎሮ ያይዲታሚ ሌዔ ጉቤ ዒንሢ ዬያይዲ ሜታዳንዳኔ፤ ዬይያ ዓጮሎ ዒንሢ ሙሪፆሮ ዴንዳዎ ኔጌ ያይዲታዎ ከላ ፔቴ ፔቴ ሌዔ ዒንሢም ማዓንዳኔ ጌይሢከ፤ ዬካፓ ዓካሪ ዒንሢ ታኣም ዎይዚ ዒፃሢ ዎዚጉዴ ሜቶ ሄሊሳቴያ ዔራንዳኔ። 35 ታጊዳ ፑርቱሞና ዘርቲ ዔቄ፣ ሃያ ዳሮይዳ ዬያ ባኮ ቢያ ታ ማዳንዳኔ፤ ሃያ ዓሲ ናንጉዎ ዳውሎይዳ ዒንሢ ቢያሢ ሃይቄ ኩዳንዳኔ፤ ዬያ ጌዔሢ ታና፣ ናንጊና ናንጋ ጎዳከ» » ጌዔ።

14:23 14:23 ዔ.ብ. 3:18። 14:24 14:24 ዔ.ያ. 14:9-12። 14:29 14:29 ዔ.ብ. 3:17። 14:33 14:33 ዳኪ. ማዶ 7:36።

36-37 ዓጩሎ ሙራንዳጉዲ ሙሴ ዳኬ ዓሰይዳፓ ዳራ ናንገና ናንጋ ጎዳ ዑፃ ጉንዲማንዳጉዲ ሉኡዙሞ ሃይሶ ደርሞ ኬኤዜ ዓሰይዳ ናንገና ናንጋ ጎዳ ፑርታ ደርዖ ዓገም ዔያታ ሃይቄኔ።
38 ዓጩሎ ሙሪ ማዒ ሙኬ ዓሰይዳፓ ሃይቁሞዖ ዓቴዘንሢ ኔዊ ናኣዚ ዒያሱና ጴፑኔ ናኣዚ ካኣሌቤና ሌሊኬ።

ዓጩሎ ዓርቃኒ ዓሳ ፔ ማሊሢና ማዳ ማዳ
(ላሚ. ዋማ 1:41-46)

39 ናንገና ናንጋ ጎዳ ጌዔ ባኮ ቢያ ዒሰራዔኤሌ ዳርሞ ሙሴ ኬኤዛዛ፣ ዓሳ ዒናፓ ዩኤኬኔ። 40 ዩካፓ ዚር ጉቴሎ ጉቴ ዓማ ጌሜራዳ ዓጩ ዖሊ ዓርቃኒ ዔያታ ዔቄኔ፤ ዒማና ዔያታ፡- «ሃይሾ ዓካሪ ናንገና ናንጋ ጎዳ ኑሞ ዒንጋንዳኔ ጌይ ጫኣቄ ቤዞ ኑ ዓኣዳንዳኔ፤ ቤርታ ኑ ጎሜ ማዳሢ ኑ ዔሬኔ» ጌዔኔ።

41 ሙሴ ጋዓንቴ፡- «ናንገና ናንጋ ጎዳ ዓይሢ ባኮ ዓይጎር ዒንሢ ኩንሦ ዒፃይ? ዒንሢ ሃሢ ማላ ማሊፃ ዒንሢሞ ገኢጋዓኬ!
42 ናንገና ናንጋ ጎዳ ዒንሢና ዋላቱዋኣሢር ዩካ ዓኣዲፖቴ፤ ዒንሢኮ ሞርካ ዒንሢ ባሻንዳኔ። 43 ዓማሌቄ ዓሶና ካኣናኔ ዓሶና ዒንሢ ዳዴንቃዖ ዖሎ ዓርቃንዳኔ፤ ናንገና ናንጋ ጎዳ ሃሺ ዒንሢ ዓኣዳሢር፣ ሃሃ ዒዚ ዒንሢና ዋላ ማዒንዲዋኣሢር ዖሎና ዒንሢ ባሽንታንዳኔ» ጌዔኔ።

44 ሙሴንታ ያኣሲኮ ጫኣቁሞ ታኣቦቶንታ ጉርዳፓ ዓገዲ ዓኣዲዋንቴ ፔ ማሊሢና ሌሊ ዔያታ ዖይዲሺ ዲኮ ዓጩ ዖላኒ ኬሰኬኔ። 45 ዩካፓ ዒኢካ ናንጋ ዓማሌቄ ዓሶና ካኣናኔ ዓሶና ሎኦፓ ኬዲ ዖሎ ዔያቶና ዓርቃዖ ሆርማ ጎዖ ቤዞ ሄላንዳኣና ባሺ ዔያቶ ዳውሴኔ።

15

ዖኣሲሞ ዒንጎ ዒንገሢ ማላ ቃሲ ዓይሢንቴ ዓይሥሢ

1 ናንገና ናንጋ ጎዳ ሙሴሞ፡- 2 «ዒሰራዔኤሌ ዓሶሞ ሃዚ ጌዔ፤ ዒንሢ ናንጋንዳጉዲ ታ ዒንሢሞ ዒንጋኒ ማሌ ዓጩሎ ዒንሢ ጌላ ዋድና፡- 3 ማቺ ዒንጎ ዒንገሢሞ፣ ናኣሲ ኩንሢኒ ዒንገንታ ዒንገሢሞ፤ ሃሃ ፔ ማሊሢና ናሽኪ ዒንጎ ዒንገሢሞ ማዖሞ ካኣኦ ዛሎንታ ዔርቴ ቦንቾ ኬሎንታይዳ ዒንገንታ ዒንገሪሞ ማዓንዳጉዲ ጌሚይ፣ ዳዴ ማራይ ሸኢሸ ዒንጉዋቴ፤ ዩያጉዳ ሙዖ ዒንገሪ ማዔ ዒንገፃ ናንገና ናንጋ ጎዳ ዋዛሳያኬ፤ 4 ዩያጉዳ ዒንገፃ ዒንጋ ዓሢ ደሎዙኮ ገዲሚሺፓ ኬዳያ ማዔ ዛይቴና ዲርኪንቴ፣ ፔቴ ኪሎ ማዓንዳ ሸኢቺ ዲኢሊ፤ ሃኣኮ ዒንገሢ ማሃ ዒንጋንዳያ

ኮይሳኔ፤ 5 ይያጉዲ ሃሣ ፔቴ ፔቴ ዓዶ ማራቶና ዋላ ዑሺ ዒንገሢ ማዓንዳጉዲ ደሎዘኮ ገዲሚሺፓ ኬዳያ ማዕ ዋይኔ ዑሺ ሚቺ ዒንጎ ዒንገያና ዋላ ዔኪ ሸኢሸንጎ። 6 ዓዶ ማራይ ያኦሲም ዒንገንታ ዒንገሢ ማዕ ዒንገንታ ዋዶናኣ ደሎዘ ኩሙሢና ሃሣ ገዲሚሺ ማዓ ሪሚቲ ዛይቴና ዲርከንቴ ፔቴ ከሎ ማዓ ዲኢሊ ዔኪ ሸኢሸቶቴ፤ 7 ዑሺ ዒንገሢ ማዓንዳጉዲ ደሎዘኮ ገዲሚሺፓ ኮሺ ኬዳያ ማዕ ዋይኔ ዑሺ ዔኪ ሸኢሸቶቴ፤ ይያ ቢያ ዒንጎ ባኮኮ ሳዋ ናንገና ናንጋ ጎዳ ዋዛሳያ ማዓኔ፤ 8 ናኣቢ ኩንሥሢሮ ማዕም ፔቱሞና ሚቺ ዒንጎ ዒንገሢ ማሃ፤ ይያጉዲ ገንሣ ያኦሲም ሹኪ ዒንጎያ ማሃ ፔቴ ዋፓና ዒንገንታ ዋዶና፡- 9 ይያ ዋፓናሢና ዋላ ደሎዘኮ ገዲሚሺ ማዓ ዛይቴና ዲርከንቴ፡ ሃይሣ ከሎ ማዓንዳ ሸኢቺ ዲኢሊ ሃኣኮ ዒንገሢ ማሃ ሸኢሸቶቴ። 10 ይያጉዲ ሃሣ ደሎዘኮ ገዲሚሺ ማዓ ዋይኔ ዑሺ ያኦሲም ዒንገንታ ዑሺ ዒንገሢ ማሃ ሸኢሸቶቴ፤ ይይ፡- ናንገና ናንጋ ጎዳ ዋዛሳያ ማዓ፡ ሚቺ ዒንጎ ዒንገሢ ማዓንዳኔ» ጌዔኔ።

11 ናንገና ናንጋ ጎዳ ኬኤዛዎ፡- «ፔቴ ፔቴ ዋፓናና ዓዶ ማራዎና፤ ሃሣ ማራናኣቶና ዋናናኣቶና ዋላ ዒንገንታንዳ ዒንገያ ያዲ ማዓንዳኔ፤ 12 ፔቴ ቆልሞፓ ዑሣ ዓኣዴ ማዕ ዒንገሢ ዒንገንታ ዋዶና ዋላ ዒንገንታ ሃኣኮ ዒንገያ ይኖ ጎይዎ ቃሲንቴ ቃሲንቴ ዴንዳንዳኔ፤ 13 ዓጩ ሸይንቴ ፔቴ ፔቴ ዒሰራዔኤሌ ዓሳ፡- ሳዋ ናንገና ናንጋ ጎዳ ዋዛሳ ዒንገሢ ማሃ ሃኣኮ ዒንገሢ ዒንጎ ዋዶና ይያ ቢያ ማዳንዳያ ኮይሳኔ፤ 14 ሚርጌ ዋዴያ ማዕም ደካ ዋዴ ዒንሢ ባኣካ ሙኩ ዓሲ ማዕ ናንጋ ሜሌ ዓጩ ዓሲ ሳዋ ናንገና ናንጋ ጎዳ ዋዛሳ፡ ሙኡዚ ዒንገሢ ዒንጋኒ ኮዔቴ ይያ ዳምቦ ጎይዎ ማዳንዳያ ኮይሳኔ። 15 ዒንሢ ማዕቴያ ዒንሢ ባኣካ ናንጋ ሜሌ ዓጩ ዓሳ ሙካ ዋዶይዳ ቢያ ዩንሢ ዳምቦንሢ ሄኮ ካፒ ኩንሣንዳያ ኮይሳኔ፤ ዒንሢንታ ዔያቶንታ ናንገና ናንጋ ጎዳ ቤርታ ፔቴኬ። 16 ዓይጌንዴ ዋጌያ ማዕም ዳምቤ ዒንሢ ቢያሢም ሄኮ ማዳያኬ» ጌዔኔ።

17 ናንገና ናንጋ ጎዳ ሙሴም፡- 18 «ዒሰራዔኤሌ ዓሰም ሂዚ ጌዔ፤ ታ ዒንሢ ዔኪ ዓኣዳ ዓጩ ዒንሢ ጌሌ ዋዶና፡- 19 ሳዔሎይዳፓ ጎሽኪ ዒንሢ ዴንቃ ባኮ ቢያ ዔኪ ዒንሢ ሙዓ ዋዶና ይያይዳፓ ዔኪ ታኣም ዲማ ዒንገሢ ማሃ ዒንጎቶቴ፤ 20 ይይያ፡- ሳኮ ሃኣኮይዳፓ ላኣዲንታ ቤርታጎ ላኣዳ ታኣም ዒንገንታያ ማዕ ሸኢኩንጎ፤ ዒንሢ ሸርካ ሃኣኮይዳፓ ዔኪ ሸኢሸ ዒንገያጉዴያ ዲማ ዒንገሢ ማሃ ይያ ሸኢሸቶቴ፤ 21 ሃጊ ሙካ

15:16 15:16 ለዋ. ዓክ 24:22።

ዎደ ቢያይዳ ዓኩ ሃአኮይዳፓ ዒንሢ ለአዳ ዎደና ቢያ ለአደይዳፓ ዔኪንቲ ዔኪንቲ ታአም ደማ ዒንጊሢ ማዒ ዒንጊንታንዳያ ኮይሳኔ።

22 «ጎንገቲ ፔቲ ዓሲ ዔሩዎፖ ናንጊና ናንጋ ጎዳ ሙሴ ዓይሢ ዓይሢያይዳፓ ፔቲ ፓጪሳያ ማዔቲ፥ 23 ሃሣ ሴካ ቤርታ ዒንሢኮ ዜርፃ ናንጊና ናንጋ ጎዳ ሙሴ ዓይሢ ዓይሢያ ቢያ ኩንሡዎያ ማዒ ፓጪሴቲ፥ 24 ዩያጉዴ ደቢንቶ ዓሳ ዔሩዎፖ ማደቲ ፔቲ ዎፓና ዔኪ ሙኪ ሳዎ ታና ዎዛሳ ሚቺ ዒንጎ ዒንጊሢ ማሂ ሺኢሾንጎ፤ ዩያና ዎላ ኮይሳያ ማዔ ሃአኮ ዒንጊያና ዎይና ዑተር ዒንጊያዎ ሺኢሾንጎ፤ ቃሲ ሃሣ ፔቲ ኮላይ ጎሞ ጌኤሻ ዒንጊሢ ማሂ ሺኢሾንጎ። 25 ዩያይዲ ቁኤሳሢ ዒሰራዔኤሌ ዓሶኮ ጉቤ ጎሞ ጌኤሾንጎ፤ ዔያታ ዩያ ደቤሢ ዔሩዎፖታሢ፥ ሃሣ ጎሞ ጌኤሾያም ማዓንዳ ዒንጊያና ሃአኮ ዒንጊያናም ማዓ ዒንጊያ ናንጊና ናንጋ ጎዳም ዔያታ ዒንጊሢ ጎማ ዔያቶኮ ዓቶም ጌይንታንዳኔ። 26 ቢያሢ ፔቱሞና ዔሩዎፖ ደቤያታሢ ጉቤ ዒሰራዔኤሌ ዓሶና ዔያቶ ባአካ ናንጋያ ማዔ ሙኩ ዓሶኮዎ ጎማ ዓቶም ጌይንታንዳኔ» ጌዔኔ።

27 ናንጊና ናንጋ ጎዳ ኬኤዛያ፡- «ፔቲ ዓሲ ዔሩዎ ጎሜ ማደቲ ፔቲ ለዔ ማዔ ማርማሪ ጎሞ ጌኤሻ ዒንጊሢ ማሂ ሺኢሾንጎ። 28 ዩካፓ ቁኤሳሢ ደቢንቲ ማደ ጎሞ ዓሢኮ ናንጊና ናንጋ ጎዳ ቤርቶ ሺኢሾንጎ፤ ጎማ ዒዛኮ ዓቶም ጌይንታንዳኔ። 29 ዓጫ ሾይንቲ ዒሰራዔኤሌ ዓሲ ማዔቲያ ዔያቶ ባአካ ናንጋ ሙኩ ዓሲ ዔሩዎፖ ጎሜ ማደ ዓሲ ቢያ ኩንሢ ኮይሳ ዎጋ ዩያኩ። 30 ጋዓንቲ ዓጫ ሾይንቲ ዒሰራዔኤሌ ዓሲያ ማያም ሙኩ ዓሲያ ቢያ ዔሬያ ጎሜ ማደቲ፥ ዩይ ማደ ናንጊና ናንጋ ጎዳ ሶሂ ማደንቲ ማደታሢ ጳር ባአካፓ ባይቆም፤ 31 ዩይ ባካ ዒዛ ሄላሢ፥ ናንጊና ናንጋ ጎዳ ኬኤዜ ባኮ ዒ ሶሂሢና ዓይሢንቲ ዓይሢያፓ ዔሬያ ፓጪሴሢሢ፤ ዩያር ዩይ ዓሢ ማሊ ባባይቆንጎ፤ ዩያ ዒ ፔጊዳ ዔኪ ዩዔያኩ» ጌዔኔ።

ሃውሾ ኬሎ ቦንቺባኢያ ማዒያና ማቶይዳ ጌሌ ዓሲ

32 ዒሰራዔኤሌ ዓሳ ዓሲ ናንጉዎ ዳውሎይዳ ዓአንቲ፥ ፔቲ ኬሊ ፔቲ ዓሲስኬይ ሃውሾ ኬሎና ሃንዲሌ ሃአኪ ዓርቁንቲ፤ 33 ዒዛ ዓርቁ ዓሳ ዒዛ ዔኪ ዒሰራዔኤሌ ዓሶንታ ሙሴንታ ዓአርኔያ ዓአ ቤዞ ሙኬኔ። 34 ዒዛ ዎደንዶቲያ ጎይፃ ዓርቲባአሢ ጳካ ዎደ ዓሲ ዒዛ ካፓንዳጉዲ ዓይሢንቲ። 35 ዩካፓ ናንጊና ናንጋ ጎዳ ሙሴም፡- «ዓሢ ዎደንታንዳያ ኮይሳኔ፤ ዒሰራዔኤሌ ዳራ ቢያ ጉርዳፓ ዙሎ ኬሲ ሹቻ ደይ ዒዛ ዎደንጎ» ጌዔኔ። 36 ዩያር ዓሳ

15:28 15:28 ለዋ. ዓከ 4:27-31።

ቢያ ዓሢ ጉርዳገ ዙሎ ኬሲ፥ ናንገና ናንገ ጎዳ ሙሴ ዓይሢ ጎይያ ሹቻ ዲይ ዎዴ።

ዓፒላኮ ዓቺዳ ዓገንታ ሼኤሜ ዛላ

37 ናንገና ናንገ ጎዳ ሙሴም፡- 38 «ዲሰራዔኤሌ ዓሶም ሂዚ ጌዔ፤ <ዲንሢኮን ዓፒሎ ዓጮይዳ ዓጮይዳ ቢያ ሼኤሜ ዓጉዎቲ፤ ፔቲ ፔቲ ዓጮይዳ ዓገንታሢ ጮልዔ ሼኤሜና ኮሾናያ ማዎንጎ፤ ዬያ ሙካ ዎዶ ቢያይዳ ካፒ ማዲዎቲ፤ 39 ዬይ ዓፒሎኮን ዓጮ ዲይንቴ ሼኤሜ ጳቂሣ ባኣዚ ማዓንዳሢሮ ዬያ ዛጋ ዎዶና ቢያ ዲንሢ ታኣኮ ዓይሢያ ማዲ ኩንሣያ ማዓንዳኔ፤ ታገዲገ ሃኪ፥ ዲንሢ ሼኔና ዲንሢ ሱኡኮ ዲንሢ ኩንሣያ ማዓንዳኔ፤ 40 ዲንሢኮን ዓፒሎ ዓጮይዳ ዲንሢ ዴንቃንዳ ሼኤሜ ታኣኮ ዓይሢያ ዲንሢ ኩንሣንዳጉዲ ዲንሢም ጳቂሣንዳኔ፤ ዲንሢያ ጉቤና ታኣም ዓይሢንቴ ዎርቃያ ማዓንዳኔ። 41 ታኣኔ፥ ናንገና ናንገ ጎዳ ማዔ ዲንሢኮን ያኦሲኬ፤ ታ ዲንሢኮን ያኦሲ ማዓኒ ገብፄ ዓጮገ ኬሴ፥ ናንገና ናንገ ጎዳ ማዔ ዲንሢኮን ያኦሣሢኬ» ጌዔ።

16

ቆራሄና ዳኣታኔና ዓቤርኔና ማዴ ፑርቶ ባኮ

1 ሌዊ ማኣራገ፡ ቁዓቲ ቶኦኪ ማዔ፥ ዪፀሃሪ ናኣዚ ቆራሄና ርኦቤኤሌ ማኣራገ ዔኤሊያቤ ናኣዚ ዳኣታኔና ዓብርኔና፤ ሃሣ ፓሊቲ ናኣዚ ያኔንታ፡ 2 ዲሰራዔኤሌ ዓሶ ባኣካ ዔርቲያ ዴር ዔኪ ዓኣዳንዳጉዲ ዶኦሪንቴ ላምዎ ፄኤታና ዶንገንታሚ ዓሲንታ ዎላ ሙሴም ዎይዞ ዓፄ ማካያ ማዔ ኬሰኬ። 3 ዔያታ ሙሴና ዓኣርኔና ቤርቶ ሸኢኪ፡- «ዲንሢ ፔቶ ዑሣ ዓኣሢኔ! ሃይ ቡኬ ዓሳ ፔቲ ፔቲሢ ናንገና ናንገ ጎዳ ሙሴም ዲማዴያኬ፤ ናንገና ናንገ ጎዳ ኦኡና ዎላኣ ዓኣኔ፤ ሂዳዎ፥ ናንገና ናንገ ጎዳ ማዔ ዓሶ ዑፃ ዲንሢ ሌሊ ዲንሢ ዓይጎር ፑኡፒሳይ?» ጌዔ።

4 ሙሴ ዬያ ዎይዞዎ ባሊቶና ሳዓ ሎኦሚ ሸኢቁ፤ 5 ቆራሄና ዲዛና ዎላ ፔቲ ማዔ ዓኣ ዓሶም፡- «ዚሮ ጉቲ ናንገና ናንገ ጎዳ ዲዛም ዲማዴሢ ያናታቲያ ዲማሲ ኦና ዳዎንዳኔ፤ ዲ ዎዎዳንዳይ ጌዔቲ ዲዛር ማዔሢና ዲዚ ዶኦሪ ዓሢ ዲዛም ሚቺ ዲንጎ ቤዞይዳ ዲዛ ኮይላ ሙኪ ማዳንዳጉዲ ማሃንዳኔ። 6 ዚሮ ጉቲ ኔናንታ ኔኤና ዎላ ፔቲ ማዔ ዓሳ ቢያ ታሞ ጨቤሶ ዓንጎ ዔኪ ዬዑዎቲ! 7 ዬያ ዓንጎይዳ ታሚ ቁንሢ ካኣሺ፥ ዑንጅገዳ ዓገ ሚቺ ዲንጎ ቤዞ ዔኪ

15:38 15:38 ላሚ. ዎማ 22:12። 16:1 16:1 ዪሁ. 11።

ሺኢሹዋቱ፤ ዩካፓ ናንገና ናንጋ ጎዳ ያና ፔኤም ዲማሲ ዶኔሬቲያ ኑ ዛጋንዳኔ፤ ፔቶ ዑሣ ዓኣሄያ ማዔ ዓሳ ዒንሢ ሌዊ ዓሶኬ» ጌዔኔ።

8 ሙሴ ሃሣ ቆራሃ ኮይላ፡- «ዒንሢ ሌዊ ዓሳ ዋይዙዋቱ! 9 ዒንሢ ዒዛ ቤርቶ ሺኢኪ ዒዚ ዳርና ካኣማ ማኣሮይዳ ማጶ ማጶንዳጉዲ፤ ሃሣ ዒሰራዔኤሌ ዳርኮ ቤርታ ዔቂ ዒንሢ ማጶንዳጉዲ ሃንጎ ዒሰራዔኤሌ ዓሶ ባኣካፓ ዒሰራዔኤሌ ያኦዛሢ ዒንሢ ዶኔሬ ዲማ ማሄሢ ዳካ ባኣዚ ማሂ ዒንሢ ዛጋ? 10 ዒዚ ዒንሢንታ ማሌ ሌዊ ዓሶንታኮ ዩይ ቦንቻ ዓኣያ ማዓንዳጉዲ ማሄኔ፤ ሃሢ ዒንሢ ጋዓንቲ ቄኤሶ ቤዘዋ ዓርቃኒ ኮዓኔ፤ 11 ዒንሢንታ ዒንሢና ዋላ ፔቲ ማዔ ዓሶንታ ዓኣሮኔ ዑፃ ጉንዲማ ባካ ናንገና ናንጋ ጎዳ ዓይሣ ባኮ ዒጺ ዒዛ ዑፃ ጉንዲሚሢኬ» ጌዔኔ።

12 ዩካፓ ሙሴ ዔኤሊያቤ ናኣቶ ዳኣታኔና ዓቤሮኔና ኮይላ ዓሲ ዳኪ ዔያቶ ዔኤሊሳዛ፡ ዔያታ ጋዓንቲ፡- «ኦኡኒ ሙካዓ! 13 ሃይካ ዓሲ ናንጉዋ ዳውሎይዳ ኑ ሃይቃንዳጉዲ ኮኸ ዓጮ ጊብጻይዳፓ ኔ ኦና ኬሴሢ ዳካዛ፡ ሃሣ ጊንሣ ኑ ዑፃ ኔ ዋኣናዳኒ ኮዓ? 14 ማሊ ማዔ ዓጩሎ ኔ ኦና ዔኪ ዩይባኣሴ፤ ሃሣ ኑ ጎሺ ጎሽካንዳ ቤሲና ዔኤቤ ኑ ቱካንዳ ቤሲያ ኔ ኑም ዒንገባኣሢ ዔርቲያኬ፤ ሃሣ ኔ ኦና ጌሻኒ ኮዓ? ኑ ኔ ኮይላ ሙኪያ ሙካዓኬ!» ጌዔኔ።

15 ዩያሮ ሙሴ ሚርጌና ዳጋዳዖ ናንገና ናንጋ ጎዳ ኮይላ፡- «ሃይ ዓሳ ኔኤም ዒንጋ ዒንጊያ ዔኪፖ፤ ታኣኒ ዔያቶይዳፓ ፔቲ ዓሲምታዖ ፑርታ ማዲባኣሴ፤ ማሌ ዓቲም ዔያቶኮ ሃሮይዳፓታዖ ታ ዔኪባኣሴ» ጌዔኔ።

16 ዓማና ሙሴ ቆራሄም፡- «ያኦሲ ዳርና ካኣማ ማኣሮ ካሮ ዚሮ ኔናንታ ላምዖ ጻኤታና ደንጊታሚና ማዔ ኔ ዓሳ ዩዑዋቱ፤ ዓኣሮኔያ ዒኢካ ዓኣኔ። 17 ዒንሢ ፔቲ ፔቲሢ ዒንሢኮ ታም ጩቤሶ ዓንጎ ዔኪ ዩይጋፓ ጊዳ ዑንጅ ዓጉዋቱ፤ ዩያይዳሰካፓ ላምዖ ጻኤታና ደንጊታሚና ማዓ ታም ጩቤሶ ዓንጎ ያኦሲ ቤርቶ ዔኪ ሺኢሹዋቱ፤ ኔናንታ ዓኣሮኔንታ ጩቤሶ ዑንጅ ያኦሲ ቤርቶ ሺኢሹዋቱ» ጌዔኔ። 18 ዩያሮ ፔቲ ፔቲሢ፡- ታም ጩቤሶ ዓንጎይዳ ታሚ ቄንሢና ዑንጅና ዔኪ ያኦሲ ዳርና ካኣማ ማኣሮ ካሮ ዔቂ፤ ሙሴና ዓኣሮኔናኣ ዔያቶና ዋላ ዔቂ። 19 ዓማና ቆራሄ ዒዛና ዋላ ዓኣ ዓሶ ፔቲይዳ ቡኩሱ፤ ያኦሲ ዳርና ካኣማ ማኣሮ ካሮ ሙካዖ ሙሴና ዓኣሮኔናኮ ቤርቶ ዛላ ዔቂ፤ ናንገና ናንጋ ጎዳኮ ቦንቾ ፖዓኣ ዳሮ ቢያሢም ፔጋዲ ጴጴ። 20 ናንገና ናንጋ ጎዳ ሙሴና ዓኣሮኔናም፡- 21 «ሃያ ዳሮ ኮይላፓ ዶጪ፤ ሃኪ ዔቂዋቱ፤ ታኣኒ ዔያቶ ፔቲና ባይዛንዳኔ» ጌዔኔ።

ጉዲገ ማዕንዳጉዲ ዲይ ሻኣዠሴ፤ ዬይ ዒሰራዔኤሌ ዳር ሜታ ሄሉዋጉዲ <ዒንሢና ዔረዋቱ> ገይሢሞ ማዕንዳኔ» ገዔኔ።

39 ዬያር ዓላዜሬ ታሞ ጨቢሶ ዓንጎ ዔኪ ሚቹ ዒንጎ ቤዘኮ ጉዲገ ማዕንዳጉዲ ሻኣዠሴ ዲዔኔ። 40 ዬያ ዒ ማዲ ጋፒሴሢ ጾሱ ሙሴ ዛሎና ዒዛ ዓይሢ ጎይጾኬ፤ ዬይ ማዲንቴ ባካ ዓኣሮኔ ፃጲ ማዒባኣ፣ ዓይጎ ዓሲያ ናንገና ናንጋ ጎዳሞ ዑንጅ ጨቢሳኒ ሚቹ ዒንጎ ቤዘ ባንሢ ዑካኒ ኮይሱዋያታሢ ዒሰራዔኤሌ ዓሶም ቢያ ዒንሢና ዔረዋቱ ገይሢሞ ማዕንዳኔ፤ ዬያ ዓሳ ዔሪባኣያታቱ ዬያጉዴ ማዶ ማዶ ዓሲ ቢያ ቆራሃና ዒዛና ፔቱ ማዔ ዓሶጉዲ ባይቃንዳኔ።

ዓኣሮኔ ዳር ዳቂሼሢ

41 ዘር ጉቱሎ ዒሰራዔኤሌ ዳራ ጉቤ፡- «ናንገና ናንጋ ጎዳ ዳሬ ማዔ ዓሶ ዒንሢ ዋዴኔ» ገዒ ሙሴና ዓኣሮኔና ዑፃ ጉንዲሜኔ። 42 ሙሴና ዓኣሮኔና ማዴ ባኮ ማኪ ገሰታኒ ቢያሢ ፔቱሞና ቡኪንቴሰካፓ ጾሱ ዳሮና ካኣማ ማኣሮ ባንሢ ሺሬ ዛጋንቴ ናንገና ናንጋ ጎዳኮ ሻኣራ ዒዚ ዳሮና ካኣማ ማኣሮ ካንቁም ናንገና ናንጋ ጎዳኮ ቦንቻ ዔያቶም ፔጋዲ ጴዴኔ። 43 ዬካፓ ሙሴንታ ዓኣሮኔንታ ጾሱ ዳሮና ካኣማ ማኣሮኮ ቤርቶ ዛላ ሙኪ ዔቃዛ፣ 44 ናንገና ናንጋ ጎዳ ሙሴም፡- 45 «ሃያ ዳር ኮይላፓ ሺኢኪ ዔቁዋቱ፤ ታኣኒ ዔያቶ ፔቱና ባይዛንዳኔ!» ገዔኔ፤ ዒማና ዬያታ ላምዓሢ ባሊቶና ሳዓ ላሄኔ፤ 46 ሙሴ ዓኣሮኔ ኮይላ፡- «ኔኤኮ ታሞ ጨቢሶ ዓንጎ ዔኪ ሚቹ ዒንጎ ቤዘፓ ታሚ ቁንሢ ካኣሺ፣ ገዳ ዑንጅ ዓገ፤ ዬያይደሰካፓ ዳር ባንሢ ዑኬና ዓኣዲ ዓሶኮ ጎሞ ጾሱ ዓቶም ጋዓንዳጉዲ ጨቢሹ፤ ሩኡሬ! ሃይሾ ናንገና ናንጋ ጎዳኮ ዳጋ ዓሶይዳ ሙኬም ዳር ኩርሳንዳ ፑርታ ሃርጌ ገሌኔ» ገዔኔ። 47 ዓኣሮኔ ዬያ ዋይዚ ታሞ ጨቢሾ ዓንጎ ዔካፃ ቡኪ ዓኣ ዳሮኮ ባኣኮ ሩኡሬ ዓኣዲ፣ ፑርቶ ሃርጋ ገሌሢ ዛጌ ዋዶና ታሞ ቁንጾይዳ ዑንጅ ዓገ ዳሮኮ ጎሞ ጾሱ ዓቶም ጋዓንዳጉዲ ጨቢሹ። 48 ዬያይዲ ፑርቶ ሃርጋ ዳር ኩርሱዋንቴ ሃሺሴኔ፤ ዓኣሮኔ ዒማና ሃይቁ ዓሶና ሺምፖና ዓኣ ዓሶናኮ ባኣካ ዔቁኔ። 49 ዒማና ሃይቁ ዓሶኮ ፓይዳ ቆራሃና ዋላ ዓይሢንቶ ዓዲ ኩዴ ዓሶ ቃሱዋንቴ ታጶ ገይዶ ሺያና ላንካይ ዌኤታ ዓሲ ማዔኔ። 50 ዬይ ፑርቶ ሃርጋ ዔቁሰካፓ ዓኣሮኔ ሙሴ ኮይላ ማዒ ዓኣዴኔ፤ ዒማና ሙሴ ዓፒሎና ማኪንቴ፣ ጾሱ ዳሮና ካኣማ ማኣሮ ካራ ዓኣኔ።

17

ዓኣሮን ኮኦሎኮ ዒሊያ

1 ናንጊና ናንጋ ጎዳ ሙሴም፡- 2 «ዒሰራዔኤሌ ዓሳ ፔቴ ፔቴ ቶይዶ ማኣራፓ ኮኦሎ ኮኦሎ ዔኪ ታጾ ላምዖ ኮኦሎ ኔኤም ዒንጋንዳጉዲ ያኦጩ፤ ዬያ ኮኦሎ ዑፃ ፔቴ ፔቴሢኮ ሱንዖ ፃኣፔ። 3 ሌዊ ማኣሮ ዛሎና ዒንጊንቴ ኮኦሎ ዑፃ ዓኣሮን ሱንዖ ፃኣፔ፤ ፔቴ ፔቴ ቶይዶ ማኣሮኮ ሱኡጎ ዛሎና ፔቴ ፔቴ ኮኦሎ ሺኢኮንጎ። 4 ዬያ ኮኦሎ ዓፒሎና ማዢንቴ፣ ያኦሲ ዴሮና ካኣማ ማኣሪ ዔኪ ዓኣዲ ታ ኔኤና ጌሰታ ጫኣቁሞ ሳኣዲኖኮ ቤርቶ ዛላ ጌሣ፤ 5 ዬካፓ ታኣኒ ቁኤሴ ማዓንዳጉዲ ዶኦሪ ዓሢኮ ኮኦላ ቶሺ ዋርቃንዳኔ፤ ዬያይዲ ሃይ ዒሰራዔኤሌ ዴራ ቢያ ዎዴ ኔጊዳ ጉንዲማ ጉንዲማሢ ዔያቶ ታ ሃሺሳንዳኔ» ጌዔኔ።

6 ዬያሮ ሙሴ ዬያ ዒሰራዔኤሌ ዓሶም ኬኤዜም ፔቴ ፔቴ ሱኡጋ ፔኤኮ ኮኦሎ ዔኪ ሙኪ ዒዛም ዒንጌኔ፤ ፔቴ ፔቴ ቶይዶ ማኣራፓ ሱኡጎ ዛሎና ዒንጊንቴ ኮኦላ ዎሊ ዑፃ ታጾ ላምዖ ማዔኔ፤ ዬያ ኮኦሎ ባኣካ ዓኣሮን ኮኦላ ዓኣኔ፤ 7 ሙሴ ዬያ ኮኦሎ ዔኪ ዓፒሎና ማዢንቴ፣ ያኦሲ ዴሮና ካኣማ ማኣሮይዳ ጫኣቁሞ ሳኣዲኖኮ ቤርቶ ዛላ ጌሣኔ።

8 ዘሮ ጉቴሎ ያኦሲ ዴሮና ካኣማ ማኣሮ ሙሴ ጌላዖ ሌዊ ማኣሮ ዛሎና ዒንጊንቴ ኮኦሎላ ቶሺ ዓኣንቴ ዴንቁኔ፤ ዬያ ሌሊቱዎንቴ ዒሊ ኬሲ ቡናዖ ሌውዜ ዓኣፒ ዓኣፔኔ። 9 ዒማና ሙሴ ኮኦሎ ቢያ ዔኪ ሙኪ ዒሰራዔኤሌ ዓሶም ዳዋዛ፣ ዬያ ማዔ ባኮ ቢያ ዛጌሰካፓ ፔቴ ፔቴ ሱኡጋ ፔ ኮኦሎ ዔኬኔ። 10 ናንጊና ናንጋ ጎዳ ሙሴም፡- «ጫኣቁሞ ሳኣዲኖኮ ቤርቶ ዛላ ዓኣሮን ኮኦሎ ገንሣ ጌሣ፤ ዎይዞ ዒፃ ዒሰራዔኤሌ ዓሳ ታጊዳ ጉንዲማዖ ሃሺባኣያታቴ ሃይቃንዳሢ ዬይ ዔርዛያ ማዒ ዴዖንጎ» ጌዔኔ። 11 ናንጊና ናንጋ ጎዳ ዒዛ ዓይሣ ጎይዖ ሙሴ ማዳኔ።

12 ዬካፓ ዒሰራዔኤሌ ዴራ ሙሴ ኮይላ፡- «ያዲ ማዔቴ ኑ ቢያሢ ኩዴኔ ጌይሢኬ! 13 ዓፒሎና ማዢንቴ፣ ያኦሲ ዴሮና ካኣማ ማኣሮ ባንሢ ዑኬሢ ሃይቃያ ማዔቴ ኑኡኒ ቢያሢ ጋፓንዳኔ ጌይሢዳ?» ጌዔኔ።

18

ቄኤሶና ሌዊ ዓሶና ማዳ ማዳ

1 ናንጊና ናንጋ ጎዳ ዓኣሮንም፡- «ዓፒሎና ማዢንቴ፣ ያኦሲ ዴሮና ካኣማ ማኣሮይዳ ማዲንታ ማዳ ዛሎና ዳቢንታ ባኣዚኮ

17:10 17:10 ዔ.ብ. 9:4።

ጾኑጨንታንዳሢ ኔናንታ ኔናኣቶንታ ሌዊ ዓሶንታኩ፤ ቁኤሳ ማዳ ማዳ ዛሎና ዳቢንታ ባኣዚኮ ባሽ ጾኑጨንታንዳሢ ኔኤና ኔናኣቶናኩ።
 2 ኔናንታ ኔናኣቶንታ ጾኑሲ ዳሮና ካኣማ ማኣሮይዳ ማዳ ዋድና ዒንሢ ማዳ ማኣዳንዳጉዲ ሌዊ ዓሶ ማዕ። ኔ ፃጳፓ ዓሲ ዔኩ፤
 3 ዔያታ ዒንሢ ማኣዲ ማኣዲ ጾኑሲ ዳሮና ካኣማ ማኣሮይዳ ዓኣ ባኮ ዛጊ ካፓያ ማጾንጎ፤ ያዲ ማዕቴያ ታኣም ዲማዳ ቤዘና ሚቹ ዒንጎ ቤዘናይዳ ዓኣ ጌኤኮ ባኮ ዔያታ ካኣማንዳያ ኮይሱብሴ፤ ዔያታ ካኣማቴ፡- ዔያቶንታ ዒንሢንታ ቢያ ሃይቃንዳኣኩ። 4 ዔያታ ቢያ ዋዳ ዒንሢና ዋላ ማዳ ማዳ፡ ጾኑሲ ዳሮና ካኣማ ማኣሮይዳ ማዳንዳጉዲ ጌይንቴ ባኮ ቢያ ማዳ ኩንሣንዳያ ኮይሳኔ፤ ጋዓንቴ ሌዊ ዓሲ ማዒባኣ፡ ዓይጎ ዓሲያ ማጾም ዒንሢና ዋላ ማዳኒ ሙካንዳያ ኮይሱብሴ። 5 ታኣኮ ዳጋ ዒሰራዔኤሌ ዓሶይዳ ላሚ ሙኩባጉዲ ታኣም ዲማዳ ቤዘና ሚቹ ዒንጎ ቤዘናይዳ ማዳንታ ማዳኮ ዋኣናዲ ማዳንዳ ዓሳ ኔኤና ኔናኣቶና ሌሊኩ። 6 ዒንሢ ፃጳ ማዕ ሌዊ ዓሶ ዒሰራዔኤሌ ዓሶ ባኣካፓ ደኦሪ ዒንሢም ዒንጌሢ ታናኩ፤ ዔያታ ዓፒሎና ማኸንቴ፡ ጾኑሲ ዳሮና ካኣማ ማኣሮይዳ ማዳንዳጉዲ ጌይንቴ ማዳ ማዳኒ ታኣም ዲማዳያኩ። 7 ጋዓንቴ ሚቹ ዒንጎ ቤዘና ጎኦባ ዓፒሎኮ ጋሮ ዛሎና ዓኣ ዑሣ ዓኣዳ ዲማዳ ቤዘ ቁኤሳ ማዳ ማዳ ማዳንዳሢ ኔኤና ኔናኣቶና ሌሊኩ፤ ቁኤሴ ማዒ ማዳ ማዳ ዒንሢ ዛላ ማሂ ታ ዒንሢም ዒንጌሢሮ ዩይ ማዳ ዒንሢሮኩ፤ ቁኤሴ ማዒባኣ ዓይጎ ዓሲያ ማጾም ዩና ቤዘ ባንሢ ዑኩቴ ሃይቃንዳኔ» ጌዔኔ።

ቁኤሶም ዒንጊንታ ባኣዚ

8 ዩካፓ ናንጊና ናንጋ ጎዳ ዓኣሮኔም፡- «ታኣም ዒንጊንታ፡ ሚቹንቴዋ ዲማ ዒንጊያ ቢያ ኔኤም ታ ዒንጌያ ማዕሢ ዔሬ፤ ዩይ፡ ናንጊና ኔኤና ኔ ዜርፆና ዛላ ማዕንዳጉዲ ታ ዒንሢም ዒንጌኔ፤ 9 ታኣም ዒንጊንታ ሚርጌና ዲማዳ ዒንጊፃፓ ቢያ፡ ሃኣኮ ዒንጊፃፓ፡ ጎሜ ጌኤሻኒ ዒንጎ ዒንጊያንታ ዳቢንቲ ዛላ ጨጋ ማሂ ዒንጎ ዒንጊፃፓኣ ቢያ ታሚና ሚቹንቴዋ ባካ ቢያ ኔኤና ኔናኣቶና ዛላኩ። 10 ታኣም ዲማዳ ቤዘ ማዒ ዩያ ቢያ ሙዑቀቴ፤ ዩይ ታኣም ዲማዳያኩ፤ ዓቲንቃ ሌሊ ሙጾንጎ። 11 ሃሣ ዒሰራዔኤሌ ዓሳ ታ ቤርቶይዳ ሌካ ሊካ ዠጊ ዒንጎ፡ ዲማ ዒንጊፃ ቢያ ዒንሢሮኩ፤ ዩያ ባኮ፡- ኔናንታ ኔኤኮ ዓቲንቆ ናኣቶንታ ዉዲሮ ናኣቶንታም ሙካ ዋዳ ቢያይዳ ዒንሢሮ ማሂ ታ ዒንጌኔ፤ ዳምቦ ጎይፆና ጌኤሽ ማዕ፡ ዓይጎ ዓሲታቴያ ኔ ማኣሪ ዓሲ ማዕይ ዩያ ሙዓኒ ዳንዳዓኔ» ጌዔኔ።

12 ናንጊና ናንጋ ጎዳ ኩኤዛያ፡- «ዒሰራዔኤሌ ዓሳ ታኣም ዒንጋ ኮኮ ኮኮ ባኮኮ ቤርቶ ጌይፃ፡- ሪሚቶ ዛይቶንታ ዋይና ዑኩንታ

ሃኦኮንታ ታ ዲንሢሞ ዲንጌ። 13 ሳዓ ዲያቶሞ ዲንጌ ዓንጀይዳፓ ታኦም ዲያታ ዔኪ ሙካ ቤርታ ቢያ ኔ ዛላ ማዓንዳሢሮ ደሞቦ ጎይያና ጌኤሽ ማዔ። ኔ ማኦሪ ዓሲ ቢያ ሙዓኒ ዳንዳዓ። 14 ዲሰራዔኤሌ ዓሳ ታኦም ጉቤና ዲማሲ ዲንጌ ባኦዚ ቢያ ኔኤሮኬ፤ 15 ዲሰራዔኤሌ ዓሳ ታኦም ዲንጋ። ዓሲኮዋ ማምቆልሞኮዋ ቤርቲ ሾይንቲ ቢያ ኔኤሮኬ፤ ጋዓንቲ ዓሲኮ ቶይዲ ናይ ዛላ ሚኢሽ ዔኮዋቲ፤ ዩያጉዲ ደሞቦ ጎይያና ሙይንታኒ ዳንዳዓዎ ቆልሞ ናኦቶ ዛሎዋ ሚኢሽ ዔካኒ ዲንሢ ዳንዳዓ፤ 16 ሾይንቲንቲ ፔቲ ዓጊኒ ኩሜ ናይ ዛላ ዲንጊንቶም ጌይንቲ ጎይያጉይያ ጌኦኮ ማኦራ ሚኢሽ ዳኤሠሞ ዔሮ ባኮና ደንጊታሚ ገራኦሜ ማዓ ሹቺ ቢራ ዓካኒ ኔ ዳንዳዓ። 17 ባይኮ። ማራይኮ። ዋኦሪኮዋ ቤርቲ ናይ ሚኢሽና ሻንቁ ማሂ ዔኪንቶፓ፤ ዩያታ ጉቤና ታኦሮ ማዔሢሮ ታኦም ሚቺ ዲንጎያ ማዓኒ ኮይሳኔ፤ ዩያቶኮ ሱጉያ ሚቺ ዲንጎ ቤዘኮ ዴማ ላኦሎዋቲ፤ ሳዋ ታና ዋዛሳያ ማዓንዳጉዲ ማሎ ታሚና ሚቺዋቲ። 18 ዩያቶኮ ዓሽካ ዠጊ ታኦም ዲንጎ ዲማ ዲንጊሢ ማዒ ዲንጊንታ። ዚኢሮና ሚዛቆ ላባዎናጉዲ ዲንሢሞ ዲንጊንቶንጎ። 19 ዲሰራዔኤሌ ዓሳ ታኦም ዲንጋ ዲማ ዲንጊያ ቢያ ዲንሢሞ፤ ሃሃ ዲንሢኮ ዓቲንቆና ሙሮ ናኦቶናም ሙካ ዎዶ ቢያይዳ ዲንሢሮ ማሂ ታ ዲንጌ፤ ዩይ ዲንሢኦና ዲንሢኮ ዜርያና ዎላ ታ ጩኦቃ። ላኦሚንቲዋ ሶኦጌ ጩኦቆሞኬ» ጌዔ።

20 ናንጊና ናንጋ ጎዳ ዓኦሮ፤ «ኔ ዜርያ ኔ ዳካልሳ ባኦዚ ፔቲታያ ዔኪ፤ ዲሰራዔኤሌይዳ ዓኦ ሳይይዳፓ ኔኤም ማዓ ሳዓ ባኦያ ናንጎም፤ ዩይ ቢያ ኔኤኮ ታናኬ» ጌዔ።

ሌዊ ዓሶም ዲንጊንታ ባኦዚ

21 ናንጊና ናንጋ ጎዳ ዓኦሮ፤ «ዲሰራዔኤሌ ዴራ ዲያቶኮ ዓኦ ታጾ ባኦዚፓ ፔቲማ ታኦም ዔኪ ሙካሢ ቢያ ሌዊ ዓሶ ዛላ ማዓንዳጉዲ ታ ዲንጌ፤ ዩይ፡- ታኦኒ ዲንሢኦ ካኦማ ማኦሮይዳ ዲያታ ማዳ ማዳ ዛሎ ዲንጊንታያ ማዓንዳ። 22 ሃንጎ ዲሰራዔኤሌ ዓሳ ፔጊዳ ሃይቢ ዔኪ ዩዑዋጉዲ ሃካፓ ሴካ ታኦኒ ዲንሢኦ ካኦማ ማኦሮ ባንሢ ዑኮፓ፤ 23 ያኦሲ ዴሮና ካኦማ ማኦሮ ሃካፓ ሴካ ዛጊ ካፓንዳሢንታ ዩያ ባኮኮ ዋኦና ማዒ ቆላንዳሢ ሌዊ ዓሶ ሌሊኬ፤ ዩይ ዲንሢኮ ዜርያም ማዳ ማዳ ናንጋያ ላኦሚንቲዋ ሞጌ ማዓንዳ፤ ሌዊ ዓሶኮ ዲያቶሮ ማዒ ናንጋንዳ ባኦዚ ዲሰራዔኤሌ ዓጩይዳ ባኦያ ማዓንዳ፤ 24 ዲሰራዔኤሌ ዓሳ ዲማ ዲንጊሢ ማሂ ፔኤኮ ዓኦ ታጾ ባኦዚፓ ፔቲማ ዔኪ ሙካሢ ዲያቶሮ ማዓንዳጉዲ

18:14 18:14 ሌዊ. ዓኬ 27:28። 18:21 18:21 ሌዊ. ዓኬ 27:30-33፤ ላሚ. ዎማ 14:22-29።

ታ ዓይሄኔ፤ ዒሰራዔኤሌ ዓጮይዳ ዔያቶሮ ማዒ ናንጋንዳ ባአዚ ባአያ ማዓንዳሂ ሌዊ ዓሶም ታኣኒ ኬኤዜኔ» ጌዔኔ።

ሌዊ ዓሳ ዔያቶሮ ዓአ ባኮኮ ታጳፓ ፔቴማ ዒንጋ ዒንጊፆ

25 ናንጊና ናንጋ ጎዳ ሙሴም፡- 26 «ሌዊ ዓሶም ሂዚ ጌዔ፤ ናንጊና ናንጋ ጎዳ ዒንሂሮ ማሂ ዒንጋ፡ ታጳ ባአዚፓ ፔቴማ ዒሰራዔኤሌ ዓሶፓ ዒንሂ ዔካ ዎድና ዒንሂያ ዬያ ዔኬ ባኮይዳፓ ታጳፓ ፔቴማ ኬሲ ታኣም ዲማ ዒንጊሂ ማሂ ሺኢሹዋቴ። 27 ዬይ ዒንሂ ዒንጋ ዒንጊፆ ፔቴ ጎሺ ጎሽካ ዓሲ ካፄ ሃኣኮይዳፓ ዔከ፤ ጊንሂ ሃሂ ዎይኖ ዑኩኮዋ ታጳፓ ፔቴማ ኬሲ ዒንጋሂጉዴያ ማዖንጎ። 28 ዒሰራዔኤሌ ዓሳ ታጳፓ ፔቴማ ኬሲ ዒንጋሂፓ ዒንሂያ ታኣም ማዓ ዲማ ዒንጊሂ ዬያይዲ ዒንጉዋቴ፤ ታኣም ዒንሂ ዔከ ሙካ፡ ዬያ ዲማ ዒንጊፆ ቁኤሳሂ ዓአሮኔም ዒንጉዋቴ። 29 ታኣም ዒንሂ ዒንጋንዳሂ ዒንሂ ዔካ ባኮይዳፓ ቢያ ቃራ ማዔ ባአዚ ማዓኒ ኮይሳኔ። 30 ዬያ ቃራ ማዔ ባኮ ዒንሂ ዒንጋ ዎድና ፔቴ ጎሺ ጎሽካ ዓሲ ታኣም ዒንጎ ባኮ ዒንጋፆ ዓቴሂ ፔኤም ማሃሂጉዲ ዒንሂያ ዒንሂም ዓይሱዋቴ። 31 ዓፒሎና ማዢንቴ፡ ፆኦሲ ዴሮና ካኣማ ማኣሮይዳ ዒንሂ ማዳ ማዳኮ ላቢፆ ዛሎ ዬይ ማዓያታሂሮ ዓቴ ባኮ ዒንሂና ዒንሂኮ ማኣሮ ዓሶና ዓይጎ ቤሲዳኣ ማዖም ሙዒኒ ዒንሂ ዳንዳዓኔ፤ 32 ቃራ ቃራ ማዔ ባኮ ዒንሂ ታኣም ዒንጌሰካፓ ዬያ ዓቴሂ ሙዒፆ ዒንሂኮ ዳቢንቴ ማዑዋሴ፤ ጋዓንቴ ቃሮ ባኮ ጊዳፓ ዲማሲ ዒንጉዋፆ ዬያ ዒንጊንቴ ባካፓ ዔከ ሙዒ፡ ዒሰራዔኤሌ ዓሳ ታኣም ዲማሲ ዒንጌ ዒንጊፆ ዒንሂ ዒኢሱዋጉዲ ዒንሂና ዔራዋቴ፤ ዬያ ዒንሂ ማዳቴ ሃይቃንዳኣኬ» ጌዔኔ።

19

ጎሜ ጌኤሻኒ ማዳ ዳምቤ

1 ናንጊና ናንጋ ጎዳ ሙሴና ዓአሮኔናም፡- 2 «ሃይ ታኣኒ ዓይሄ ዳምቤኬ፤ ቦሂሳ ባአዚ ባአያ፡ ባቃኖይዳ ቃምባራ ጌሂ ዛጊቦኣ ፔቴ ዞቁ ማሮ ዔከ ዬዓንዳጉዲ ዒሰራዔኤሌ ዓሶም ኬኤዙዋቴ። 3 ማሬሎ ዔከ ሙካፆ ቁኤሳሂ ዓላዜሬም ዒንጉዋቴ፤ ዬና ማሬላ ጉርዳፓ ዙሎ ኬሰከ ዓላዜሬ ዓኣ ቤሰካ ሹከንቶንጎ። 4 ዓላዜሬ ዬያ ሱጉፆፓ ዳካ ዔከ፡ ፔ ኬኤሎ ጊዳ ዳከ ዳከ ፆኦሲ ዴሮና ካኣማ ማኣሮኮ ቤርቶ ዛሎና ላንካይ ማይንቴ ዉፀርቆንጎ፤ 5 ማሬላ ጉቤ፤ ጌይፆ፡ ዜዳ፡ ዓሽካ፡ ሱጉፆ፡ ጎጾ ባካኣ ቢያ ቁኤሳሂ ዓኣ ቤዞይዳ ታሚና ሚቺንቶንጎ። 6 ዒማና ቁኤሳሂ ዴኤሊ ዚቢቁ ሜሌያንታ ሂሶጴ ጌይንታ ባኬሎኮ ካኣፒንታ ዞቁ ፓቴሌያኣ ዔከ ማሬሎ

ሚቸ ታምይዳ ዓሳንጎ፤ 7 ዩካፓ ዒ ዓፒሎ ፔኤኮ ማሰኪ፡ ዑዎዎ ማሰቲ ጉርዶ ማዒ ጌሎንጎ፤ ጋዓንቲ ሳዓ ዓማንዳያ ሄላንዳኣና ዳምቦ ጎይዎና ዒዚ ዒኢቲያ ማዓኔ፤ 8 ማሬሎ ታምና ሚቸ ዓሢ ፔኤኮ ዓፒሎንታ ዑዎንታ ዋኣሢና ማሰኮንጎ፤ ዒዚያ ሳዓ ዓማንዳያ ሄላንዳኣና ዒኢቲያ ማዒ ዳዓንዳኔ። 9 ዩካፓ ዳምቦ ጎይዎና ጌኤሺ ማዓፍ፡ ማሌ ዓሲ ማሬሎኮ ዲቢንያ ቡኩሲ ዔኪ ጉርዶኮ ዙላ ካኣኸ ዳምቦ ጎይዎና ጌኤሺ ማዓፍ ቤዘይዳ ፔቲ ቤሰካ ዋሆንጎ፤ ዩይ ዲቢንፃ ዒሰራዔኤሌ ዳሮኮ ጎሚ ጌኤሻያ ማዓፍ፡ ዋኣዎ ገኢገሻኒ ዔኪንታያ ማዓንዳኔ፤ ዩይ ዳምባ ጎሞ ጌኤሻኒ ማዲንታያኬ። 10 ዩኖ ዲቢንያ ቡኩሴ ዓሢ ዓፒሎ ፔኤኮ ማሰኮንጎ፤ ጋዓንቲ ሳዓ ዓማንዳያ ሄላንዳኣና ዒ ዒኢቲያ ማዒ ዳዓንዳኔ፤ ዩይ ዳምባ ዒሰራዔኤሌ ዓሰና ዔያቶ ባኣካ ሙኬያ ማዒ ናንጋ ዓሰም ሙካ ዎዶ ቢያይዳ ማዲያ ማዒ ናንጋንዳኔ» ጌዔኔ።

ሌሲ ካኣሚቴ ማዲንታ ዳምቤ

11 ናንገና ናንጋ ጎዳ ኬኤዛዎ፡- «ዓይጎ ዓሲኮዎ ማዎም ሌሲ ካኣሚሢ ዳምቦ ጎይዎና ላንካይ ኬሊ ሄላንዳኣና ዒኢቲያ ማዒ ዳዓንዳኔ፤ 12 ሃይሣሳ ኬሎና ላንካሳ ኬሎናይዳ ጎሞ ጌኤሺያሮ ጌሢንቲ ዋኣዎና ፔና ዒ ጌኤሻንጎ፤ ዩካፓ ዒ ጌኤሺ ማዓንዳኔ፤ ሃይሣሳ ኬሎና ላንካሳ ኬሎናይዳ ፔና ዒ ጌኤሺባኣያ ማዓቴ ጌኤሺ ማዓኒ ዒዚ ዳንዳዑዋሴ። 13 ጎሞ ጌኤሺያ ዋኣዎ ዑያይዳ ዋሂንቲባኣሢሮ ሌሲ ካኣሚ ዒኢቲ ዓሲ ዒኢቲያ ማዒ ዳዳዓንዳኔ፤ ዩያጉዴ ዓሲ ያኦሲ ዳሮ ካኣማ ማኣሮ ዒኢሳኔ፤ ዩያሮ ዒሰራዔኤሌ ዳሮ ባኣካ ማዒ ፓይዲንታኒ ዒዛም ኮይሱዋሴ።

14 «ፔቲ ዓሲ ፔኤኮ ናንጋ ማኣሮይዳ ሃይቄቲ ማዲንታንዳ ዳምባ ያዲኬ፡- ዩይ ዓሢ ሃይቃኣና ዩኖ ማኣሮይዳ ዓኣ ዓሲ፤ ሃሣ ዩኖ ማኣሮ ዒማና ጌሌ ዓሲ ላንካይ ኬሊ ሄላንዳኣና ዒኢቲያ ማዒ ዳዓንዳኔ። 15 ዩኖ ማኣሮይዳ ዓኣ፡ ካራ ዎዲንቲባኣ ማሄ፤ ጌይፃ፡ ፖቲታቲያ ጉሲ ዒኢቲያ ማዓኔ። 16 ዓሲ ዎዴ ዓሲኮ ሌሲያኣ ማዎም ሃርጊ ሃይቄ ዓሲኮ ሌሲ ዘኦሰካ ካኣማ ዓሲ፤ ገንሣ ሃሣ ዓሲኮ ማጌሢታቲያ ዱኡፒ ካኣሚ ዓሲ ላንካይ ኬሊ ሄላንዳኣና ዒኢቲያ ማዓንዳኔ።

17 «ዩያ ጎሞ ጌኤሻኒ ጎሞ ጌኤሺያሮ ማዓንዳጉዲ ሚቸንቲ ማሬሎ ዲቢንፃፓ ዳካ ዔኪ ፖቲዳ ዎሂጋፓ ገዳ ዓልቃ ቤሲዳፓ ዲይንቲ ጌኤሺ ዋኣሢ ዎሂንቶንጎ። 18 ዩካፓ ዳምቦ ጎይዎና ጌኤሺ ማዓፍ ዓሲ ሂሶጶኮ ካኣፒ ዔኪ ዋኣያይዳ ዳኪ ዳኪ ያኦሲ ዳሮና ካኣማ ማኣሮይዳ ዓኣ ማሆ ዑያይዳ ቢያ፤ ገንሣ ሃሣ ዩያ ማኣሮይዳ

19:9 19:9 ዒ.ብ. 9:13።

ዓላ ዓሶ ዑፃኣ ዉፁርቆንጎ፤ ዬይ ዓሢ ዓሲ ሜገሢሢንታ ሌሲንታ ዲኡፒያኣ ካኣሚ ዒኢቲ ዓሶ ዑፃ ዉፁርቆንጎ፤ 19 ሃይሣሳ ኬሎና ለንካሳ ኬሎናይዳ ፔና ዳምቦ ጎይያ ጌኤሽ ዓሢ ሜሌ ጌኤሽኪባኣሢ ዉፁርቆንጎ፤ ለንካሳ ኬሎና ዬያ ዓሢ ጌኤሽንጎ፤ ዬይ ጌኤሽካ ዓሢያ ፔኤኮ ዑፃንታ ማኣዓሢንታ ማሰከሰካፓ ዓባ ጌላዛ ዒ ጌኤሽኬያ ማዓንዳ።

20 «ዳምቦ ጎይያና ፔና ጌኤሽባኣ ዒኢቲ ዓሢ ጎሞ ጌኤሻ ዋኣፃ ዒዛኮ ዑፃ ዋሃንቲባኣሢረ ዒኢቲያ ማዒ ዴዓንዳፎ፤ ዬያጉዴ ዓሲ ያኦሲኮ ማኣሮ ዒኢሳያ ማዔሢረ ዴሮ ባኣካፓ ዲማዶንጎ። 21 ሃያ ዋጎ ኬሰካ ዋዶ ቢያይዳ ዒንሢ ካፓንዳያ ኮይሳኔ፤ ጎሞ ጌኤሽያሮ ዋሆ ዋኣፃ ዓሶ ዑፃይዳ ዋሃሢ ፔኤኮ ማኣዓሢ ማሰካንዳያ ኮይሳኔ፤ ዬያ ዋኣፃ ካኣማ ዓሲ ቢያ ሳዓ ዓማንዳያ ሄላንዳኣና ዒኢቲያ ማዒ ዴዓንዳፎ፤ 22 ዬይ ዒኢቲ ዓሢ ካኣማ ባኣዚ ቢያ ዒኢቲያ ማዓንዳፎ፤ ዬያ ባኮ ካኣሜ ዓሲያ ሳዓ ዓማንዳያ ሄላንዳኣና ዒኢቲያ ማዒ ዴዓንዳፎ» ጌዔ።

20

ናንገና ናንገ ጎዳ ዴሮሞ ላላፓ ዋኣፃ ኬሴሢ (ኬሲ. ማፃ 17:1-7)

1 ቤርታሳ ዓገጊኖና ዒሰራዔኤሌ ዴራ ጉቤ ዓሲ ናንጉዋ ዓኔ ዳውሎ ሙኪ ቃዴሴ ጌይንታ ቤዛ ዲንኪ ዴዔ፤ ዒማና ማይራማ ዒኢካ ሃይቂ ዲኡቲ።

2 ዔያታ ዴዔ ቤዘይዳ ዋኣሢ ባኣያታሢረ ዴራ ሙሴና ዓኣሮፎና ዓዲ ማካያ ማዒ ቡካያ፡- 3 «ዓፒሎና ማዢንቲ፣ ያኦሲ ዴሮና ካኣማ ማኣሮ ካራ ሃንጎ ኑ ዓገጊኖ ዒሰራዔኤሌ ዓሶና ዋላ ኑ ሃሃይቁቲ ዋንዴ ቃራታፃ ዓቲ፤ 4 ሃያ ዓሲ ናንጉዋ ዳውሎ ኑና፣ ያኦሲ ዴሮ ዓይገ ዒንሢ ዔኪ ሙኬይ? ኑናንታ ኑ ቆልሞንታ ኩዳንዳጉዲዳ? 5 ገብፃይዳፓ ኑና ዒንሢ ኬሲ፣ ፔቲታፃ ዔኤቢ ባቃሉዋ ሃያ ፑርቶ ዓጮ ዓይገ ዔኪ ዬዔይ? ሃይካ፡- ሃኣኮ፣ ቤሌሴ፣ ዋይንታ ሮኣማኣፎ ጎፃ ሙዋ ሚፃኣ ባኣሴ፤ ሜሌ ዓታዛ ዑሽኮ ዋኣሢታፃ ሃካ ባኣሴ!» ጌዒ ሙሴ ዑፃ ዳጋና ዒላቲ። 6 ዬያሮ ሙሴና ዓኣሮፎና ዴሮ ኮይላፓ ዴንዲ ያኦሲ ዴሮና ካኣማ ማኣሮ ካራ ባሊቶና ሳዓ ላሃ ዓኣንቲ ናንገና ናንገ ጎዳኮ ቦንቶ ፖዓ ፔጋዲ ዔያቶሞ ጰዴ።

7 ዬካፓ ናንገና ጎዳ ሙሴም፡- 8 «ጫኣቁሞ ሳኣፂኖኮ ቤርቶ ዛላ ዓኣ ኮኦሌሎ ዔኪጋፓ ኔኤና ዓኣሮፎና ዒሰራዔኤሌ ዴሮ ፔቲይዳ ቡኩሱዋቲ፤ ዬያይዴሰካፓ ዒኢካ ዔያቶ ቤርቶይዳ ዔዴ፣ ዬይ ላላሢ ዋኣፃ ዔያቶሞ ኬሳንዳጉዲ ዓይሢ፤ ዬያይዲ ላላፓ ዋኣሢ ኔ

ከሴም ዳርንታ ዔያቶኮ ቆልሞንታ ዑሽካንዳኔ» ጌዔኔ። 9 ዓፒሎና ማዢንቴ፣ ያኦሲ ዳርና ካኣማ ማኣራፓ ናንገና ናንጋ ጎዳ ዒዛ ዓይሄ ጎይዖ ሙሴ ፔኤኮ ኮኦሎ ዔኬኔ።

10 ዒዛንታ ዓኣርኔንታ ላሎኮ ቤርቶ ዛሎይዳ ዒሰራዔኤሌ ዓሶ ቢያ ቡኩሴኔ፤ ዒማና ሙሴ ዳር ኮይላ፡- «ዒንሄሂ ዋይዘ ዒፃ ዓሳ! ሃያ ላሎይዳፓ ዋኣሄ ኑ ዒንሄሂም ከሶንዶ?» ጌዔኔ፤ 11 ዩካፓ ፔኤኮ ኮኦሎ ዔኪ ላሎ ላምዒ ማይንቲ ጳርቃዛ ሚርጌ ዋኣሄ ደኡቁ ከሰከም ዳርንታ ዔያቶኮ ቆልሞኣ ቢያ ዑሽኬኔ።

12 ጋዓንቴ ናንገና ናንጋ ጎዳ ሙሴና ዓኣርኔናም፡- «ዒሰራዔኤሌ ዳር ቤርታ ታና ደማዴያ ማሂ ቦንቸሳኒ ታና ዒንሄሂ ጉሙርቁባኣሂር ታ ዔያቶም ዒንጋኒ ጫኣቁ ዓጮ ሃያ ዳር ዔኪ ዒንሄሂ ጌላዓኬ» ጌዒ ዔያቶ ጎራኔ።

13 ዒሰራዔኤሌ ዓሳ ናንገና ናንጋ ጎዳና ዋላ ጎሪንቴሂና ዒዚያ ፔኤኮ ደማዴያ ማዒያ ዔርዛ ቦንቸ ፔጋሲ ዳቁ ዬና ቤዛ ሜሪባ ጌይንቴሂር ዋኣፃላኣ ሜሪባ ጌይንቴኔ።

ዒሰራዔኤሌ ዓሳ ዔደኣሜ ዓጮና ዓኣዲዋጉዲ ላኣገንቴሂ

14 ሙሴ ዔደኣሜ ካኣቲም ሂዚ ጌይ ከኤዛንዳጉዲ ቃዴሴፓ ከኢታ ዓሲ ዳኬኔ፡- «ሃይ ከኢታ፣ ኔኤኮ ዒጊኖ፣ ዒሰራዔኤሌ ዓሰፓኬ፤ ኑና ሄሌ ሜታሂ ቢያ ኔ ዋይዘኔ፤ 15 ኑኤኮ ቤርታኣ ዓደንሄሂ ገብፃ ዓጮ ዋይቲ ዴንዴቲያ፤ ሃሃ ገብፃይዳ ኑ ሚርጌ ለዔ ዋይ ናንጌቲያ ኔ ዔራኔ፤ ገብፃ ዓጮ ዓሳ ኑ ዓደንሄሂንታ ኑናንታ ሚርጌና ሜታሴኔ፤ 16 ዒማና ናንገና ናንጋ ጎዳ ኑና ማኣዳንዳጉዲ ኑ ዒላቲሂር ዒዚ ኑ ዒላቶ ዋይዘ፣ ዩካፓ ኑና ኬሳንዳ ፔኤኮ ከኢታንቻሂ ኑኡም ዳኬኔ፤ ሃኣዛጌ፡- ሃሂ ኑኡኒ ኔ ዓጮኮ ዛጳይዳ ዓኣ፣ ቃዴሴይዳኬ። 17 ዬያር ሃዳራ ኔ ዓጮይዴና ኑ ዓኣደም ኑናታቲያ ኑኡኮ ቆልማ ጎይዖማፓ ኑ ከሰካዓኬ፤ ዒንሄሂኮ ጎዡ ጋር ማዔቲያ ቲከንቴ ዋይና ባኣኮዋ ኑ ጌላዓኬ፤ ኔኤኮ ዋኣፃ ዔታፓኣ ኑ ዲይ ዑሽካዓኬ፤ ኔ ዓጮ ቲቂ ኑ ዴንዳንዳኣና ዘገር ጎይዖማፓ ኑ ከሰካዓኬ።»

18 ዔደኣሜ ዓሳ ጋዓንቴ፡- «ኑ ዓጮይዴና ዒንሄሂ ዓኣዲንዳጉዲ ኑ ኮዑዋሴ! ዋልቁና ዒንሄሂ ጌላኒ ኮዔቲ ጋዓንቴ ከሰከ ኑ ዒንሄሂ ያላንዳኔ» ጌዔኔ።

19 ዒሰራዔኤሌ ዓሳ ማሃዖ፡- «ኑኡኒ ዘገር ጎይዖፓ ከሰካዓኬ፤ ኑና ማዔቲያ ኑኡኮ ቆልማ ዋኣፃ ዒንሄሂኮ ዑሽኬቲ ኑ ዒንሄሂም ጨጋንዳኔ፤ ኑኡኒ ኮዓሂ ዒንሄሂ ዓጮ ገዴና ዓኣዲዖማ ሌሊኬ» ጌዔኔ።

20 ዔደኦሚ ዓሳ ጋዓንቴ፡- «ዔይዔ! ኑ ዒንሢ ዳካዓኬ!» ጋዓዖ ሚርጌ፤ ሃሣ ጊንሣ ዋልቁና ያላንዳ ዓሲ ዔኪ ዒሰራዔኤሌ ዓሶ ያላኒ ኬሰኬኔ። 21 ዔደኦሚ ዓሳ ዒሰራዔኤሌ ዓሶ ፔ ዓጮና ዓኣዲዋጉዲ ላኣጌሢር ዔያታ ሚሌ ጎይሢና ዴንዴኔ።

ዓኣሮኔኮ ሃይቦ

22 ዒሰራዔኤሌ ዓሳ ቢያ ቃዴሴፓ ዔቂ ሆኦሬ ዲኮ ሄሌኔ፤ 23 ዬና ቤዛ ዔደኦሚ ዓጮኮ ዛጳ ዓኣ ቤሲኬ፤ ናንጊና ናንጋ ጎዳ ዒኣካ ሙሴና ዓኣሮኔናም፡- 24 «ዒሰራዔኤሌ ዓሶም ታ ዒንጋኒ ጫኣቂ ዓጮ ዓኣሮኔ ጌላዓኬ፤ ዒንሢ ለምዓሢ ሚሪባ ዋኣዖ ካራ ታ ዓይሢ ዓይሢዖ ዒፃሢር ዓኣሮኔ ሃይቃንዳኔ፤ 25 ዬያር ዓኣሮኔና ዒዛኮ ናኣዚ ዓላዜሬና ዔኪ ሆኦሬ ዲኮ ኬሰኪፓ፡- 26 ዓኣሮኔኮ ቁኤሶ ማኣዓሢ ኬሲ ዓላዜሬ ማይሴ፤ ዓኣሮኔ ዒኣካ ሃይቃንዳኔ» ጌዔኔ። 27 ናንጊና ናንጋ ጎዳ ዒዛ ዓይሢ ጎይዖ ቢያ ባኮ ሙሴ ማዳኔ፤ ዒሰራዔኤሌ ዴሪ ቢያ ዒዛ ዛጋንቴ ሆኦሬ ዲኮ ዔያታ ኬሰኬኔ፤ 28 ዒማና ሙሴ ዓኣሮኔኮ ቁኤሶ ማኣዓሢ ኬሲ፤ ዓላዜሬ ማይሴኔ፤ ዒኣካ ዲኮይዳ ዓኣሮኔ ሃይቁኔ፤ ዬካፓ ሙሴና ዓላዜሬና ጊንሣ ማዒ ዲካፓ ኬዴኔ። 29 ዬካፓ ዴሪ ጉቤ ዓኣሮኔ ሃይቁሢ ዋይዚ ሃይሢታሚ ኬሊ ሄላንዳኣና ያዪ ዒዛ ዬኤኬኔ።

21

ካኣናኔ ዓሶኮ ያሎና ባሺንቴዖ

1 ካኣናኔ ዓጮኮ ደኣሎ ዛሎይዳ ናንጋ፣ ካኣናኔ ዓሶኮ ካኣቴ ዓራዴ ዒሰራዔኤሌ ዓሳ ዓታሪሚ ባንዖና ሙካሢ ዋይዛዖ ዔያቶይዳ ያልዚ ቡሊ ዲካ ዓሲ ዲዒ ዔኬኔ። 2 ዬያር ዒሰራዔኤሌ ዓሳ፡- «ሃያ ዓሶ ኑ ባሻንዳጉዲ ኔ ኑና ማኣዴቴ ዔያቶንታ ዔያቶኮ ካታሞንታ ጉቤና ኑ ባይዚ ኔኤም ማዔያ ማሃንዳኔ» ጌይ ናንጊና ናንጋ ጎዳም ናኣቤኔ። 3 ናንጊና ናንጋ ጎዳኣ ዔያቶኮ ሺኢጲዖ ዋይዚ፡- ዔያቶ ማኣዴሢር ካኣናኔ ዓሶ ያሊ ባሺ ዓርቁ፣ ካኣናኔ ዓሶንታ ካታሞንታ ጋፒሲ ባይዜኔ፤ ጋፒ ባይቁያ ማዔሢ ዔርዛኒ ዬና ቤዜሎኮ ሱንዮ፡- «ሆርማ» ጌዒ ዔያታ ጌሢኔ፤ (ሆርማ ጌይፃ፡- ዔብሬ ዓሶ ሙኡጮና «ባይዚሢ» ጌይሢኬ።)

ዋኦኖ ዓንጋፓ ኮሺንቴ ሾኦኮ

4 ዒሰራዔኤሌ ዓሳ ዔደኦሚ ዓጮኮ ዙሊና ሺሪ ዓኣዲኒ ማሊ ሆኦሬ ዲካፓ ዔቂ ዘቂ ባዘ ባንሢ ዓኣዲ ጎይዖና ዴንዴኔ፤ ዴሪ

20:28 20:28 ኬሲ. ማፃ 29:29፤ ፓይ. ማፃ 33:38፤ ላሚ. ዋማ 10:6። 21:1 21:1 ፓይ. ማፃ 33:40።

ጎይደዳ ዓሳንቴ ገቢ ዳንዳዒዓ ዒያቶ ባሼኔ፤ ⁵ ይያር ዒያታ ያኦሲና ሙሴናይዳ፡- «ሙኡዚንታ ዋኣሂንታ ባኣ፣ ሃያ ዓሲ ናንጉዋ ዳውላ ኑ ሃይቃንዳጉዲ ገብፄ ዓጫፓ ዒንሂ ኑና ዓይጋ ዔኪ ኬሴይ? ሃኖ ዒሃ ሙዒሎ ዑፃ ኑኡኮ ሸናዳኔ!» ገይ ፑርታ ዑኡሲ ኬሲ ጉንዲሜኔ። ⁶ ዩካፓ ናንገና ናንጋ ጎዳ ፑርታ፣ ዳይ ዋዋዳ ሸኦሺ ዳር ባኣኮ ዳኬሂረ ሚርጌ ዒሰራዔኤሌ ዓሲ ዳይንቲ ሃይቄኔ። ⁷ ይያር ዳራ ሙሴ ኮይላ ሙኪ፡- «ናንገና ናንጋ ጎዳ ዑፃ፤ ገንሃ ሃሃ ኔ ዑፃ ፑርታ ባኣዚ ኑ ገሰቲዖና ዳቤኔ፤ ሃሂ ሃይ ዳዓ ሸኦኸ ባይቃንዳጉዲ ናንገና ናንጋ ጎዳ ኑም ሸኦቄ» ጋዓዛ፣ ሙሴ ዳር ዛሎ ሸኦቄኔ። ⁸ ዒማና ናንገና ናንጋ ጎዳ ሙሴም፡- «ሞኦና ዓንገና ፔቲ ሸኦሺ ኮሺ፣ ሚሂዳ ኬሲ ሱፄ፤ ሸኦኸና ዳይንታ ዓሳ ቢያ ዩያ ዛጋዖ ዳቃንዳኔ» ገዔኔ። ⁹ ይያር ሙሴ ሞኦና ዓንገና ሸኦሺ ኮሺ፣ ሚሂዳ ሱፃዛ ሸኦኸና ዳይንቲ ዓሳ ቢያ ዩያ ሞኦና ዓንገ ሸኦኸሂ ዛጋዖ ዳቄኔ።

ዒሰራዔኤሌ ዓሳኮ ሆኦሬ ዲካፓ ሞዓኣቤ ዶኦጮ ዓኣዲዖ

¹⁰ ዒሰራዔኤሌ ዓሳ ዳንዳ ጎይሃ ዓቦቲ ገይንታ ቤዞ ሃሊ ዒኢካ ዳንኪ ዳዔኔ፤ ¹¹ ዩኖ ቤዞ ገንሃ ሃሺ ዳንዳዖ ሞዓኣቤ ዶኦጮኮ ዓባ ኬሰካ ዛሎና ዓኣ ዓሲ ናንጉዋ ዳውሎ «ዓባሪሜ» ገይንታዞይዳ ዳዔኔ። ¹² ዩካፓ ሃሃ ዓኣዲ ዜሬዳ ዶኦጮይዳ ዳንኪ ዳዔኔ፤ ¹³ ሃሃ ዩኖ ቤዛፓ ዔቄ፣ ዓሞራ ዓጮ ዳንዲ ሃላ ዓሲ ናንጉዋ ዳውሎሰኬኖ፣ ዓርኖኦኔ ዋር ሱካ ዓኣሰኬኖይዳ ዳንኪ ዳዔኔ፤ ዓርኖኦኔ ዋራ ሞዓኣቤ ዓጮና ዓሞኦኔ ዓጮናኮ ዛጶይዳ ዓኣያኬ። ¹⁴ ዩያይዳፓ ዔቄያና ናንገና ናንጋ ጎዳ ያሊሴ ያሎ ዛሎ ኬኤዛ ማፃኣፖይዳ፡- «ሱኡፓ ዓጮና ዶኦጮ ዶኦጮናይዳ ዓኣ ዋሂቤ፣ ዓርኖኦኔ ዋራ፣ ¹⁵ ዳንዲ ዓኣሬ ካታሞና ሞዓኣቤ ዛጶ ሃላ ዶኦጮ ዛር» ገይንቲኔ። ¹⁶ ዩካፓ ዔቄ፡- «ዋኣዖ ዔቶ» ገይንታ ቤሲ ዓኣዳኔ፤ ዒኢካ ናንገና ናንጋ ጎዳ ሙሴም፡- «ዳር ፔቲይዳ ቡኩሴ፤ ዋኣሂታ ዔያቶም ዒንጋንዳኔ» ገዔኔ። ¹⁷ ዒማና ዒሰራዔኤሌ ዳራ፡- «ዋኣዖ ዔታሂዮ ዋኣዖ ኬሴ፤

ዒዛም ዓይናዳዋቲ፤

¹⁸ ሃኖ ዋኣዖ ዔቶ ቦኣኬሂ

ዳርኮ ጨሞና ሱኡጎናኬ፤

ዔያታ ዋኣዖ ዔቶ ቦኣኬሂ

ፔኤኮ ካኣቲሞና ሃሃ ሲፓሂ ኮኦሎናኬ»

21:4 21:4 ላሚ. ዋማ 2:1። **21:6** 21:6 1ቆር. 10:9። **21:9** 21:9 2ካኣቶ. ማ 18:4፤ ዮሃ. 3:14።

ሂዲ ጌዲ ዓይናዳ።

ዬና ዓሲ ናንጉዋ ደውላፓ ዔያታ ዔቂ ማታና ጌይንታ ቤሲ ዴንዴኔ፤ 19 ማታናፓ ናህሊዔኤሌ፥ ናህሊዔኤሌፓ ጊንሣ ባሞቲ ጌይንታ ቤሲ ሄሌኔ፤ 20 ባሞቲይዳፓ ዔቂ ሞዓኦቤ ዓጮይዳ ዓኣ ደኣቺ ቤሲ ዔያታ ዓኣዳኔ፤ ዬይ ደኣጮህ ፒሲጋ ዲኮ ዴማ፥ ደውላዳ ቦኣሎኮ ሆታኬ።

ሲሆኔና ዖጌ ጌይንታ ካኣቶንሂኮ ዖሎና ባሺንቶ (ላሚ. ዋማ 2:26—3:11)

21 ዬካፓ ዒሰራዔኤሌ ዓሳ ዓሞራ ዓጮ ካኣቲ፥ ሲሆኔም፡- 22 «ኔ ዓጮ ጌዴና ኑና ዳኬ፤ ኑናንታ ኑ ቆልሞንታ ጎይፆማፓ ኑ ኬሰካዓኬ፤ ዒንሂኮ ጎኩ ጋሮ ማዔቲያ ቱከንቲ ዋይኖ ሚፆ ባኣኮዋ ኑ ጌላዓኬ፤ ዒንሂኮ ዋኣፆ ዔታፓኣ ኑ ዑሽካዓኬ፤ ኔ ዓጮ ተቂ ኑ ዴንዳኣና ዘጊሮ ጎይፆማፓ ኑ ኬሰካዓኬ» ጌይ ኬኤዛንዳ ኪኢታ ዓሲ ዳኬ። 23 ካኣቲ ሲሆኔ ጋዓንቲ ዒሰራዔኤሌ ዓሳ ዒዛ ዓጮና ዓኣዳንዳጉዲ ኮይባኣሴ፤ ዒዚ ዋይቲይ ጌዔቲ ዒዛኮ ዖሎ ዖላ ዓሶ ቢያ ቡኩሲ ዓሲ ናንጉዋ ደውሎይዳ ዓኣ፥ ያሃፄ ጌይንታ ቤዞ ዓኣዲ ዒሰራዔኤሌ ዓሶ ዒኢካ ዖሌ። 24 ዒሰራዔኤሌ ዓሳ ጋዓንቲ ዖሎና ዔያቶ ባሺ፥ ዓርኖኦኔ ዋራፓ ዴንዲ ኬይ ዛሎና ዓሞኦኔ ዓጮኮ ዛጳ ሄላንዳኣና፤ ጌይፆ፡- ያኣቦቄ ዋሮ ሄላንዳኣና ዓኣ ዓጮ ዓርቄ፤ ያዲ ማዔቲያ ዓሞኦኔ ዓጮኮ ዛጳ ሚርጌ ዖላ ዓሲ ዋልቄና ካፒንቲ ዓኣሂሮ ዬና ዛጳና ዔያታ ፒንቂባኣሴ። 25 ዬያይዲ፥ ዒሰራዔኤሌ ዴራ ዓሞራ ዓጮኮ ካታሞ ሃሴቦኦኔና ኮይላ ዓኣ ዳኮ ዳኮ ካታሞዋ ዓርቂ ዒኢካ ዴዔ፤ 26 ሃሴቦኦኔ ዓሞኦኔ ዓጮ ካኣቲ፥ ሲሆኔ ናንጋ ካታማኬ፤ ዒዚ ሞዓኦቤ ዓጮኮ ቤርታሳ ካኣታሂና ዖልቲ ዓርኖኦኔ ዋሮ ሄላንዳኣና ዓኣ ዓጮ ባሺ ዔኬያኬ። 27 ዬያይዳፓ ዔቂያና ዓይኑሞ ዓሳ፡-

«ካኣታሂ ሲሆኔ ካታሞ ሃሴቦኦኔ ሙኩዋቲ!

ዬና ካታሚላ ማፒንቶንጎ፥ ጊንሣ ዔቆንጎ፤

28 ሃሴቦኦኔይዳፓ ታሚ ኬሰኪ

ሲሆኔ ካታሞይዳፓ ታሚ ሎሰታ ዔቂ ሞዓኦቤ ዓጮይዳ ዓኣ ዓኣሬ ካታሞ ባይዜ፤

ዓርኖኦኔ ዋሮ ኮይሎይዳ ዓኣ ዴጌ ቤዞ * ደይሲ ባይዜ።

29 ሞዓኦቤ ዓሲኖቲ ዒንሂና ባይዔ!

ዒንሂ ኬሞሽ ጌይንታ ባኮ ካኣሽካ ዓሳ ዒንሂ ባይቃንዳ፤

* 21:28 21:28 ዴጌ ቤዞ ጋዓዛ፡- ፔቲ ፔቲ ሚናኣ ማፃኣፖይዳ «ዓጮ ዋይሣ ዓሶ» ጌይንቲ።

ይይ ዲንሢኮ ያኦዛሢ ዓተንቆ ዲንሢኮ ማሌ ዓጪ ዳኪሴኔ፤
ዲንሢ ላኦሎዎ ካኦቲ ሲሆንና ዲዒ ዔኪሴኔ።

30 ኦኦኒ ጋዓንቲ ዲንሢኮ ዜርዖ ባይዜኔ፤

ሃሴቦኦኔፓ ዲቦኔ ሄላንዳኦና

ዴንዲ ሃሣ ሮፓ ሄላንዳኦና ዓኦ ካታሞ

ዴያጉዲ ማዴባ ሄላንዳኦና ዓኦ ካታሞ ደይሲ ኑ ባይዜኔ»

ጌዒ ዓይናዳኔ።

31 ዴያሮ ዲሰራዔኤሌ ዴራ ዴሮ ዓሞራ ዓሶ ዓጮይዳ ዴዔኔ፤

32 ሙሴ ዲማና ያዕዘሬ ካታሞ ዓርቃኒ ሙሪ ዓሲ ዳኬኔ፤ ዴካፓ ዴሮ
ካታሚሎና ኮይላ ዓኦ ዳካ ዳካ ካታማ ዓርቄኔ፤ ዒኢካ ናንጋ ዓሞራ
ዓሶዎ ዳውሲ ዳኬኔ።

33 ዴካፓ ዲሰራዔኤሌ ዓሳ ማዒ ባኦሳኦኔ ባንሢ ዓኦዳ ጎይዖ
ዓርቄ ዴንዴኔ፤ ዲማና ባኦሳኦኔ ካኦቲ ያጌ ዔድሬዒ ጌይንታ ቤዛ
ዲሰራዔኤሌ ዓሶ ያላኒ ፖኦሊሶ ዔኪ ኬሰኬኔ። 34 ናንጊና ናንጋ
ጎዳ ሙሴም፡- «ሃያ ዓሢ ዒጊጨፓ፤ ዒዛንታ ዒዛኮ ዴሮንታ ባሺሲ፤
ዓጮይዳ ባሺሢ ዲንሢኮ ታ ዲንጋንዳኔ፤ ሃሴቦኦኔ ካታሞይዳ ዴዒ
ዓሞራ ዓጮ ዎይሢ ካኦቲ ሲሆኔይዳ ዲንሢ ማዴ ባኮ ቢያ ሃያ
ዓሢዳኦ ማዲዎቲ» ጌዔኔ። 35 ዴያሮ ዲሰራዔኤሌ ዴራ ያጌንታ
ናኦቶንታ ዲዛኮ ዴሮዎ ቢያ ፔቲታዖ ዓይሱዎ ዎዲ ባይዚ ዓጩሎ
ዔኬኔ።

22

ባኦላኦቄ ባኦላኦማ ዔኤሊሴሢሢ

1 ዲሰራዔኤሌ ዓሳ ዴንዴ ጎይሢ ሮርዳሮሴ ዎሮኮ ዓባ ኬሰካ
ባንዖይዳ፤ ዲያርኮኮ ሆታ ዓኦ፤ ሞዓኦቤ ቦኦሎይዳ ዲንኪ ዴዔኔ።

2 ዲማና ሞዓኦቤ ዓጮ ካኦቲ፤ ባኦላኦቄ፡- ዲሰራዔኤሌ
ዓሳ ዓሞራ ዓሶይዳ ማዴ ፑርቶ ባኮ ዛጌኔ፤ ባኦላኦቄኮ ዓዴ
ዲፖሬ ጌይንታያኬ። 3 ዲሰራዔኤሌ ዓሶኮ ሚርጉሞ ዎይዛዖ ዴያ
ካኦታሢንታ ዴሮንታ ዲጊጨ ዎኦቶንዶ ጎይሢ ባይዜኔ። 4 ዴያሮ
ሞዓኦቤ ዓሳ ሚዲያሚ ዓሶኮ ዓጮ ጨሞም፡- «ሃይ ዲንሢ
ዛጋ ዴሮኮ ሚርጉማ፤ ጌማይ ሄንቃ ቤዘይዳ ዓኦ ማኦቶ ቢያ
ጋፒሲ ሙዓሢጉዲ ኑ ኮይላ ዓኦ ባኮ ቢያ ፒዲ ባይዛንዳያኬ»
ጌዔኔ። ዲማና ካኦቲ ባኦላኦቄ፡- 5 ዓማው ዓጮይዳ፤ ዔፕራዲሴ
ዎሮ ኮይሎይዳ፤ ፔቶሬ ካታማ ናንጋ ቢዖሬ ናኦዚ ባኦላኦማ
ዔኤላንዳጉዲ ኪኢታ ዓሲ ዳኬኔ፤ ዔያታ፡- «ጊባዳ ዓጩፓ ሙኬ
ዴሬ ዓጮ ቢያ ኩሚ ዴዔኔ፤ ዔያታ ኑ ዓጮ ኮይላኬ ዲንኪ

21:29 21:29 ዓ.ር. 48:45-46።

ዴዔህ፤ 6 ዬያ ደሮኮ ገሮዲ ኑ ዓሶይዳፓ ሚርጌና ባሻያኩ፤ ዬያሮ ኑ ኮይላ ሙኪ ዔያቶ ታኣም ጋዳንቁ፤ ዬያይዲ ጎፖንቴ ዔያቶ ኑ ባሺ ኑ ዓጫፓ ኬሳንዳያናንዳኔ፤ ኔኤኒ ዓንጃህ ዓንጃንቴያ፡ ኔኤኒ ጋዳንቁህ ጋዳንቁንቴያ ማዓህ ታ ዔራኔ» ጋዓ ኪኢታ ዔኪ ዓኣዳኔ።

7 ዬያሮ ሞዓኣቤ ዓሶና ሚዲያሚ ዓሶናኮ ጨማ ጋዳንቆህረ ጨጎ ሚኢሾ ዔኪ፡ ባኣላኣሚ ኮይላ ዓኣዲ ባኣላኣቁ ጌዔ ባኮ ኬኤዛዛ፡- 8 ባኣላኣሚ ዔያቶም፡- «ሃይካ ዎርቁዎቴ፤ ናንጊና ናንጋ ጎዳ ታኣም ጋዓ ባኮ ዚሮ ጉቴ ታ ዒንህሞ ኬኤዛንዳኔ» ጌዔኔ፤ ዬያሮ ሞዓኣቤ ዓሶኮ ጨማ ባኣላኣሚ ማኣራ ዎርቁኔ።

9 ያኦሲ ባኣላኣሚ ኮይላ ሙካዎ፡- «ሃይካ ኔ ኮራ ዓኣ ዓሳ ዓይጎ ዓሲዳይ?» ጌይ ያኦጫዛ፡ 10 ዒዚ ሂዚ ጌይ ማሄኔ፡- «ሞዓኣቤ ካኣቴ ባኣላኣቁ ታ ኮይላ ዳኬ ዓሲኬ፤ 11 ዔያታ፡- ረብቃ ዓጫፓ ሙኪ ዳሪ ዓጮ ባይዚ ዳዔኔ፤ ኔኤኒ ሙኪ ዔያቶ ጋዳንቁያ ማዔቴ ጎፖንቴ ዔያቶ ታኣኒ ያሊ ባሻንዳያናንዳኔ» ጋዓ ኪኢታ ዔኪ ሙኬኔ።

12 ያኦሲ ባኣላኣሚም፡- «ዬንህ ዓሶና ዎላ ዓኣዲ፣፤ ታኣኒ ዔያቶ ዓንጃያ ማዔህረ ዒሰራዔኤሌ ዳሮ ጋዳንቁ፣» ጌዔኔ።

13 ባኣላኣሚ ዚሮ ጉቴ ሳዓ ካራዛ ዔቃዎ ባኣላኣቁ ኮይላፓ ሙኬ ዓሶም፡- «ዓካሪ፡ ዒንህ ዒንህ ማኣሪ ማዒ ዓኣዲዎቴ፤ ታኣኒ ዒንህና ዎላ ዳንዲዎጉዲ ናንጊና ናንጋ ጎዳ ታና ላኣጌኔ» ጌዔኔ።

14 ዬያሮ ሞዓኣቤ ዓጫፓ ሙኬ ቢታንታ ዓኣ ዓሳ ባኣላኣቁ ኮይላ ማዒ ዓኣዲዎ ባኣላኣሚ ዔያቶና ዎላ ሙኮ ዒዲህ ኬኤዘኔ።

15 ዬካፓ ሃህ ባኣላኣቁ፡- ቤርታኣ ዓሶፓ ባሼ ቦንቸንታያና ዲቢ ማዔ ጨሚ ባኣላኣሚ ኮይላ ዳኬኔ፤ 16 ዔያታ ባኣላኣሚ ኮይላ ዓኣዲ ባኣላኣቁ ጌዔ ባኮ፡- «ታ ኮይላ ሙኮ ኔና ላኣጋ ባኣዚ ባኣያ ናንጎም! 17 ኔ ማዳ ባኮኮ ሚርጌ ባኣዚ ታ ጨጋንዳኔ፤ ኔ ያኦጮ ባኣዚ ቢያ ታ ማዳንዳኔ፤ ዬያሮ ሃዳራ ሙኪ ሃያ ዳሮ ታኣም ጋዳንቁ ጌዔኔ» ጌይ ኬኤዘኔ።

18 ባኣላኣሚ ጋዓንቴ ዬኖ ኪኢቶ ዓሶም፡- «ባኣላኣቁ ዒዛኮ ካኣቱም ማኣሮይዳ ዓኣ ቢሮንታ ዎርቆንታ ቢያ ታኣም ዒንጌቴያ፡ ሃህ ዳካ ባኣዚና ማዎም ዳኤፕ ባኣዚ ዛላና ታ ያኣዛህ ዓይህያኮ ቦህ ዓኣዳኒ ታ ዳንዳቦዎሴ፤ 19 ያኦሲ ታኣም ኬኤዛ፡ ማሌ ባኣዚ ዓኣቴ ዒዛይዳፓ ታ ዔራንዳጉዲ ሂንዳ ዒንህያ ቤርታኣ ዓሶጉዲ ዒባኒ ሃይካ ዎርቁዎቴ» ጌዔኔ።

20 ዬኖ ዎንቴሎ ያኦሲ ባኣላኣሚ ኮይላ ሙኪ፡- «ሃንህ ዓሶንህ ኔ ኮይላ ሙኬህ ኔና ዔኪ ዓኣዳኒ ማዔቴ ዔያቶና ዎላ ዓኣዳኒ፤

22:5 22:5 ገሮ. ማፃ 31:8፤ 2ጳፃ. 2:15-16፤ ዪሁ. 11።

ጋባንቲ ታ ኔኤም ኬኤዛ ባኮማ ሌሊ ማዴ» ጌዔኔ። 21 ዬያር ዚር ጉቲሎ ባኣላኣሚ ዔቃ? ፔኤኮ ሃራሎ ኮኦሪ፣ ሞዓኣቤፓ ሙኩ ዴኤፖ ዓሰና ዋላ ዓኣዳኔ።

ባኣላኣሚና ዒዛኮ ሃራሎና

22 ባኣላኣሚ ዓኣዳሂር ያኦሲ ዳጋዳኔ፤ ዒማና ባኣላኣሚ ፔኤኮ ለምዎ ካራሚ ዔኪ ሃራሎዋ ቶጊ ዓኣዳንቲ ናንጊና ናንጋ ጎዳኮ ኪኢታንቻ ዒዛኮ ቤርታ ዔቂ ጎይያ ባይዜኔ፤ 23 ኪኢታንቻሂ ጩንቻ ዓፓር ቱኪ ጎይያ ዔቂሂ ሃራላ ዴንቃዎ ጎይያ ሃሺ ጎሺ ጋርሲ ጌሌኔ፤ ጋባንቲ ባኣላኣሚ ሃራሎ ጳርቂ ጎይያ ጊንህ ኬሴኔ፤ 24 ዬካፓ ሃህ ለምዎ ዎይኔ ጎሺኮ ባኣኪና ኩንዒንቲ ዓኣዳ ጎይሂና ዒ ዴንዳንቲ ለምዎ ዛሎይዳ ኬልቂንቲ ሹቺ ዓኣ ቤሲዳ ኪኢታንቻሂ ሙኪ ቤርታ ዔቂኔ። 25 ዒማና ሃህ ሃራላ ኪኢታንቻሂ ዴንቃዎ፡- ዬያ ሹጮ ባንሂ ዶጪ፣ ባኣላኣሚኮ ቶኮ ሹጮና ዋላ ዓይህሂር ባኣላኣሚ ሃራሎ ጳርቂሂ ዓርቂኔ፤ 26 ሃህ ጊንህ ኪኢታንቻሂ ቤርታ ዴንዲ ሻውሎ ዛሎና ማዎም ሚዛቆ ዛሎና ዓኣዳንታኒ ዳንዳዑዋ፣ ኩንዔ ካራይዳ ዔቂኔ። 27 ዒዛ ጎይያ ሃህ ሃራላ ኪኢታንቻሂ ዴንቃዎ፡- ሳዓ ላሃዛ፣ ባኣላኣሚ ሚርጌና ዳጋዲ ሃራሎ ኮኣሎና ጳዲ ዓርቂኔ። 28 ዒማና ያኦሲ ሃራላ ጌሰታንዳ ዔራቶ ዒንጋዛ ዒዛ ባኣላኣሚ ኮራ፡- «ታ ኔኤኮ ዓይጎ ዎዴይ? ሃይሂ ማይንቲ ኔ ታና ጳርቂሂ ዓይጎርዳይ?» ጌዔኔ።

29 ባኣላኣሚ ዒዛ ኮይላ፡- «ሚርጌ ኔ ታኣና ዓማሌሂርሹ! ዎንዴ ጩንቻ ዓፓር ታ ኮይላ ዓኣቲ ታ ኔና ዎዎዳንዳኔ!» ጌዔኔ። 30 ሃራላ ጊንህ ዒዛም፡- «ኔኤኒ ቢያ ዎዴ ታና ቶጊ ሃንታ፣ ታኣኒ፣ ኔ ሃራሎቱዋዓዳ? ሂዳዎ፤ ሃያኮ ቤርታ ሃናኣሲጉዲ ታ ሂዲ ቤቂያ?» ጋባዛ፣ ባኣላኣሚ፡- «ፔቲታዎ ኔ ሂዲ ቤቂባኣሴ» ጌዔኔ።

31 ዒማና ናንጊና ናንጋ ጎዳ ጩንቻ ዓርቂ ዔቂ ዓኣ ኪኢታንቻሂ ዴንቃንዳጉዲ ባኣላኣሚ ዳዋዛ፣ ዒዚ ባሊቶና ሳዓ ሎኦሚ ላህኔ፤ 32 ኪኢታንቻሂ ዒዛም፡- «ሃራሎ ኔ ሃይሂማይንቲ ኮኣሎና ጳርቂሂ ዓይጎርዳይ? ታኣኒ ሙኪ ጎይያ ኔኤኮ ባይዜሂ ባይሲንቶ ጎይያ ኔ ዓኣዲዋጉዲ ላኣጋኒ ጌይኬ፤ 33 ኔኤኮ ሃራላ ጋባንቲ ታና ዴንቂሂር ሃይሂ ማይንቲ ታ ቤርታፓ ሺኢኬኔ፤ ሃራላ ዎንዴ ዬያይዲባኣያታቲ ኔና ታ ዎዲ፣ ዒዛ ሃሺያናንዳንቲኬ» ጌዔኔ።

34 ባኣላኣሚ ማሃዎ፡- «ጎኔኬ፣ ጎሚ ታ ማዳኔ፤ ኔኤኒ ታና ላኣጋኒ ጎይያ ዔቂሂ ታ ዔሪባኣሴ፤ ሃሂያ ታኣኮ ዒኢካ ዓኣዲያ ጳቢንቲ ማሊ ኔኤም ዴዴቲ ታ ማኣሪ ማዒ ታ ዴንዳንዳኔ» ጌዔኔ።

35 ከኢታገቻህ ጋዓገቲ፡- «ሃንሢ ዓሶንሢና ዓኣዶ ኔኤሮ ዓኣዶ፤ ጋዓገቲ ታ ኔኤም ኬኤዛማ ሌሊ ኬኤዜ» ጌዔኔ፤ ባኣላኣቁ ዳኬ፡ ቢታገታ ዓኣ ዓሶና ዎላ ባኣላኣሜ ዩያይዲ ዓኣዶኔ።

ባኣላኣቁ ባኣላኣሜ ዎዛዲ ዔኬ ጎይዖ

36 ባኣላኣሜ ሙኬሢሮ ባኣላኣቁ ዎይዛዖ ሾቹ ዒዛ ዔካኒ ሞዓኣቤ ዓጮ ዛጳ፡ ዓርኖኦኔ ዎሮ ዓጮ ዓኣ፡ ዓኣሬ ካታሞ ዴንዴኔ።

37 ባኣላኣቁ ባኣላኣሜ ኮራ፡- «ቤርታ ከኢቶ ዓሶ ታ ኔኤም ዳኬያና ኔ ዓይጋ ዓቲይ? ኔ ማዳ ባኮኮ ገዳ ማኢሼ ታ ጨገንዲዎፕዲ ኔኤም ጌዲያ?» ጌይ ዖኣጮዛ፡ 38 ባኣላኣሜ ማሃዖ፡- «ሂዴያ ማዔቴያ ታ ማይ ሙከባይ? ጋዓገቲ ታኣኮ ዓይጎ ዎልቁ ዓኣይ? ታ ጌሰታኒ ዳንዳዓሢ ዖኣሰ ታኣም ኬኤዜማ ሌሊኬ» ጌዔኔ። 39 ዩካፓ ባኣላኣሜ ባኣላኣቁና ዎላ ሀዖቲ ጌይንታ ካታሞ ዓኣዶኔ። 40 ዒኢካ ባኣላኣቁ፡- ባይንታ ማራይንታ ዖኣሰም ሹከሰ ዓሽኮይዳፓ ዳካ ዔከ ዒዛና ዎላ ዓኣ ቢታገታ ዓኣ ዓሶና ባኣላኣሜናም ዒንጌኔ።

41 ዚሮ ጉቲሎ ባኣላኣቁ ባኣላኣሜ ዔከ ዒሰራዔኤሌ ዓሶኮ ሄካሢ ዛጋኒ ዳንዳዓ፡ ባሞቶባዓኣሌ ጌይንታ ቤሲ ኬሰኬኔ።

23

ባኣላኣሜ ባራሪ ኬኤዜ ባኮ

1 ባኣላኣሜ ባኣላኣቁ ኮይላ፡- «ሃይካ ዖኣሰም ማቹ ዒንጎ ላንካይ ቤሲ ኮሺ፡ ላንካይ ዚያ ጌማይና ላንካይ ዓዴ ማራይና ታኣም ዔከ ሙኬ» ጌዔኔ።

2 ዒማና ባኣላኣቁ ጌይንቲ ጎይዖ ማዳኔ፤ ዒዛንታ ባኣላኣሜንታ ዖኣሰም ዒንጎ ባኮ ሺኢሾ ፔቲ ፔቲ ቤዘይዳ ፔቲ ዚያ ጌማይና ፔቲ ዓዴ ማራይና ሹከ ዒንጌኔ። 3 ዩካፓ ባኣላኣሜ ባኣላኣቁ ኮይላ፡- «ናንገና ናንጋ ጎዳ ታ ኮይላ ሙካንዳቲያ ሙከንዲዎቲያ ዔራኒ ሃሴኬያ ዴንዲ ታ ዛጋንዳያ ሄላንዳኣና ሃይካ ዖኣሰም ኔ ማቹ ዒንጌ ቤዘኮ ኮይላ ዔቁ፤ ናንገና ናንጋ ጎዳ ታኣም ኬኤዜ ባኮ ቢያ ታ ኔኤም ኬኤዛንዳኔ» ጌይ፡ ዩኖ ቤዛፓ ፔቲ ጌማሪ ኬሰኬኔ። 4 ዒማና ዖኣሰ ዒዛና ካኣማዛ፡ ባኣላኣሜ ዖኣሰ ኮይላ፡- «ላንካዎ ማቹ ዒንጎ ቤዘ ታ ጌኢሺሹ፡ ፔቲ ፔቲ ቤዘይዳ ፔቲ ዚያ ጌማይና ፔቲ ዓዴ ማራይ ሹከ ታ ኔኤም ዒንጌኔ» ጌዔኔ።

5 ባኣላኣሜ ባኣላኣቁም ኬኤዛኒ ኮይላ ከኢቶ ናንገና ናንጋ ጎዳ ኬኤዜሰካፓ ዩኖ ዒ ሙኬ ቤዘ ባንሢ ማዒ ዓኣዶንዳጉዲ ዓይሣኔ። 6 ዒዚ ማዒ ሙካንቲ ባኣላኣቁ ሞዓኣቤ ዓጮፓ ሙኬ ቢታገታ ዓኣ ዓሶና ዎላ ዩኖ ማቹ ዒንጎ ቤዜሎ ኮይላ ዔቁ ዓኣኔ።

7 ዲማና ባኣላኣሜ ያኦሲ ማሊሢ:-

«ሞዳኢቤ ካኣቲ ባኣላኣቄ ዓባ ኬሰካ ዛሎ ዲካ ዓኣ፥
ሶኦሪያ ዓጫፓ ዔኤሊ ታና ዔኪ ሙኬኔ።»

ዲዚያ ታና <ሃኒ ሙኪ፥ ያይቆኦቤ ታኣም ጫሽኬ፤
ዲሰራዔኤሌ ዓሳ ባይቃንዳጉዲ ታኣም ጋዳንቄ» ጌዔኔ።

8 ዓካሪ ታኣኒ:- ያኦሲ ጋዳንቄባኣ ባኣዚ፥
ዎዲ ጋዳንቃንዳይ?

ያኦሲ ጫሽኪባኣ ባኣዚ፥
ዎዲ ታ ጫሽካንዳይ?

9 ታኣኒ ዔያቶ ሃያ ዴጌ ላሎይዳ ዔቄ ዛጋኔ፤
ጌሜሮ ዑያይዳ ዔቄያ ታ ዔያቶ ዛጋኔ፤

ዔያታ ፔና ዳንዳዒ ፔኤሮ ናንጋ ዴሬኬ፤

ሜሌ ዓሶይዳፓ ባሼ ዲማዴያ ማዔሢ፥
ዔያታ ዔራያኬ።

10 ያይቆኦቤኮ ዜሮፃ ዓጪጉዴያኬ፤

ዲሰራሌ ዓሳ ኮሺ ዲባሢሮ ዛሎኮ ዛላታዎ ያኦኒ ፓይዲኒ
ዳንዳዳይ?

ታ ሃይሶ ፃሎ ዓሳ ሃይቃሢጉዲ ማሄ፤
ጋፒንዎ ታኣኮ ዔያቶሲጉዲ ማሄ»

ሃዚ ጌይ ኬኤዚሢሢ ሳርቄኔ።

11 ባኣላኣቄ ባኣላኣሜ ኮይላ:- «ሃይ ኔ ታኣም ማዴ ባካ
ዓይጌንዴዳይ? ታ ኔና ሃይካ ዔኪ ዩዔሢ ታኣኮ ሞርኮ ኔ
ጋዳንቃንዳጉዲቱዎዳዳ? ኔኤኒ ጋዓንቴ ዔያቶ ዓዓንጄያፓዓቴም
ሜሌ ዎኦቴ ባኣዚ ባኣሱ» ጌዔኔ።

12 ባኣላኣሜ ማሃዎ:- «ታኣኒ ጌሰታኒ ዳንዳዳሢ ናንጌና ናንጋ ጎዳ
ታኣም ኬኤዜማ ሌሊኬ» ጌዔኔ።

ባኣላኣሜ ላሚ ያኦሲ ማሊያ ኬኤዜሢ

13 ባኣላኣቄ ባኣላኣሜ ኮይላ:- «ዲሰራዔኤሌ ዓሶ ጉቤቱዎንጉቴ
ዳካ ሌሊ ኔ ዴንቃንዳ፥ ሜሌ ቤሲ ኑ ዎላ ዓኣደም፤ ዲኢካ ዔቄ
ዔያቶ ታኣም ጋዳንቄ» ጌዔኔ። 14 ዩካፓ ፒሲጋ ዲኮይዳ ዓኣ፥ ያፒሜ
ዔኪ ዓኣዴኔ፤ ዲኢካ ያኦሲም ዲንጎ ባኣዚ ዲንጎ ላንካይ ቤሲ
ኮሺ፤ ፔቴ ፔቴ ቤዘይዳ ፔቴ ዚያ ጌማይና ፔቴ ዓዴ ማራይያ ሹኪ
ሺኢሹኔ።

15 ባኣላኣሜ ባኣላኣቄ ኮራ:- «ኔኤኒ ሃይካ ያኦሲም ሚቺ ዲንጌ
ቤዘ ኮይላ ዔቄ፤ ታኣኒ ያኦሲና ካኣማኒ ሃሴኬያ ዓኣዳንዳኔ» ጌዔኔ።

16 ዲሞና ናንጊና ናንጋ ጎዳ ባአላአሜና ዎላ ካአሚ፡- ዲዚ ኬኤዛንዳ ከኢቶ ከኤዚ ባአላአቁ ባንሢ ማሂ ዳከኔ። 17 ዲዚ ሙካንቴ ባአላአቁ ዋዓኣቤ ዓጮኮ ጆኤፖ ዓሶና ዎላ ዔቁ ዓኣኔ፤ ዬካፓ ናንጊና ናንጋ ጎዳ ዲዛም ዓይጎ ባአዚ ከኤዜቴያ ባአላአቁ ያኦጩኔ። 18 ባአላአሜ ሂዚ ጌይ ያኦሲ ማሊሢ ከኤዜኔ፡-

«ዲፖሪ ናዓሦ፡ ባአላአቁ!
ሃኒ ሙኪ ታ ኔኤም ጋዓ ባኮ ቢያ ዋይዜ፤

19 ያኦሲ ዓሲጉዲ ሉኡቁዋሴ፡
ዓሲጉዲ ማሊያዎ ፔኤኮ ላአሙዋሴ፤
ዲ ጫኦቁ ባኮ ኩንሣኔ፤
ጌዔ ባኮዎ ቢያ ማዳኔ።

20 ታኣም ከኤዚንቴሢ ታ ዓንጃንዳጉዲኬ፤
ያኦሲ ዓንጃዛ ታ ዲዛ ቃኣሎ ላአማኒ ዳንዳዑዋሴ።

21 ያይቆኦይዳ ዔርቴባኣ ፑርታ ባኣዚታቴያ
ሜታ ሄሊንዲዎኣሢ ጴዳኔ፤
ናንጊና ናንጋ ጎዳ ማዔ ዔይቶኮ ያኦዛሢ ዲሰራዔኤሌ ዓሶና
ዎላኬ፤

ያኦሲ ዔይቶኮ ካአቲ ማዔሢያ ዎዛና ዔይታ ከኤዛኔ።

22 ጊብፄ ዓጫፓ ዔይቶ ከሴ ያኦዛሢ፡
ዔይቶኮ ሜኤኒ ካአሪጉዲ ማዔ ሙካ ባኮ ዔይቶም ጴዳኔ፤

23 ያይቆኦይም ማርሾናቴያ
ዲሰራዔኤሌ ዓሶ ጫኦቆናቴያ
ፔቴታዎ ማዳ ባኣዚ ባኣሴ፤
ዓካሪ፡ ሃይሾ ያይቆኦይ ዓሶና
ዲሰራዔኤሌ ዓሶናም

ያኦሲ ማዳ ባኮ ዛጉዋቴ! ጌይንታንዳኔ።
24 ዲሰራዔኤሌ ዳራ ዲንዴ ዘቢጉዲ ማዓንዳኔ፤
ከሚ ዎዳሢ ሙዓንዳያ ሄላንዳኣና
ሱጉዎዎ ዑሽካንዳያ ሄላንዳኣና
ዚቲ ጌይ ላሁዎ ዘቢጉዲ ማዓንዳኔ።»

25 ዬካፓ ባአላአቁ ባአላአሜ ኮራ፡- «ዲሰራዔኤሌ ዳር ጋዳንቂያ
ማሊ ኔ ዓፄቴ ጋዳንቂያ ጋዳንቂያ፤ ዓንጃያ ዓንጃፖ!» ጌዔኔ።

26 ባአላአሜ ማሃዎ፡- «ታኣኒ፡ ናንጊና ናንጋ ጎዳ ታኣም ከኤዜማ
ሌሊ ጌሰታንዳኔ ጌዒ ቤርታ ኔኤም ከኤዚባይ?» ጌዔኔ።

ባአላአሜ ሃይሣሲ ከኤዜ ያኦሲ ማሊያ

27 ባአላአቁ ዲሞና፡- «ሃኒ ሙኬ፡ ሜሌ ቤሲ ኑ ዓኣደም፤ ጎዎንቴ
ዒኢካ ኔ ማዔም ሃያ ዳር ጋዳንቃንዳጉዲ ያኦሲ ኔና ዓይሣንዳያ

ናንዳኔ» ጌዔኔ። 28 ዩያሮ ባኣላኣቁ ባኣላኣሜ ዔኪ ዳውሎ ቦኣሎኮ ሆታ ዓኣ፣ ፔዖሬ ዱኮ ዑታ ዔኪ ኬሰኬኔ፤ 29 ባኣላኣሜ ዩካፓ፡- «ሃኖ ቤዘይዳ ሃሃ ያኣሲም ዒንጎ ባኮ ዒንጎ ላንካይ ቤሲ ኮሺ፣ ላንካይ ዚያ ጌማይና ላንካይ ዓዴ ማራይ ታኣም ዔኪ ሙኩ» ጌዔኔ። 30 ባኣላኣቁ ዒማና ባኣላኣሜ ጌዔ ጎይታ ማዳኔ፤ ፔቴ ፔቴ ሚቶ ዒንጎ ቤዘይዳ ፔቴ ፔቴ ዚያ ጌማይና ዓዴ ማራይ ሹኪ ሺኢሹኔ።

24

1 ናንገና ናንጋ ጎዳ ዒሰራዔኤሌ ዓሶ ዒ ዓንጃንዳጉዲ ኮዔህ ባኣላኣሜ ዔራዖ፣ ቤርታ ዒ ማዳ ጎይታ ማርሾ ማርሻኒ ዳንዳዒባኣሴ፤ ጋዓንቴ ዓሲ ናንጉዋ ዳውሎ ባንህህ ሺሪ ዔቃዖ፡- 2 ዒሰራዔኤሌ ዳራ፣ ፔኤኮ ፃጸና ፃጸና ዋሊ ሄሊ ዳንኪ ዳዔህ ዳንቄኔ፤ ዒማና ያኣሲ ዓያና ዒዘይዳ ሙኩም። 3 ያኣሲ ማሊህ ሂዚ ጌይ ኬኤዘህ ሳርቄኔ፡-

- «ዓኣፓ ቡሊንቴም ዛጌ
- ቢዖሬ ናኣዚ ባኣላኣሜ ኬኤዛ ባካ ያዲኬ፤
- 4 ያኣሲ ቃኣሎ ዋይዛህ
 - ቢያ ባኣዚ ዳንዳዓ ያኣዛህዳፓ ማዔ ገንዑዋንቴ ጴዳ ዓውቶ ዛጋህ
 - ገንዒ ዓኣንቴ ዓኣፓ ቡሊንቴህ ሂዚ ጋዓኔ፤
- 5 ያይቆኦ! ኔኤኮ ዓፒሎና ማኸንቴ ማኣራ
 - ዒሰራዔኤሌ! ኔ ዋርቃ ቤዛ
 - ዋዚ ሚዛጳይ!
- 6 ዩይ ማኣራ ፑኡሲንቴያ ማላ ዛርጉዲ
 - ዋሮ ዓጫ ዓኣ ዳማ ዳማ ሚፃ ባቃሌ ቤዘጉዲ ጌህንቴ ዳዒ ዓኣኔ፤
 - ናንገና ናንጋ ጎዳ ቱኬ ዋላንጎጉዲ
 - ሃሃ ዋኣህ ዓቶዳ ባቃሊ ዓኣ ዳኤሊ ዚቢቂጉዲኬ።
- 7 ማርጌ ዒርዚ ዔያቶም ዋርቄኔ፤
 - ዔያታ ዜርቄ ባካ ገዳንዳ ዋኣህ ዳንቄኔ፤
 - ዔያቶኮ ካኣቲ ዓጋጌይዳፓ ባሺ ማዓንዳኔ፣
 - ዓጫ ዒዛኮ ማርጌና ዳልገ ዳልገ ዓኣዳንዳኔ፤
- 8 ገብፄ ዓጫፓ ዔያቶ ኬሴ ያኣዛህ
 - ዔያቶኮ ሜኤኒ ካኣሪጉዲ ማዒ ሙካ ባኮ ዔያቶም ዳዓንዳኔ፤
 - ዔያቶኮ ዋርኮ ዔያታ ዘቢጉዲ ሸኣሊ ሙዓንዳኔ፤
 - ሚጌዖዋ ዔያቶኮ ጋኣጫንዳኔ፤
 - ሂዠዋ ዔያቶኮ ማንህህ ባይዛንዳኔ፤

9 ዬይ ዓሳ ዲቲቻ ዘቢጉዲ ላሂ ዓኣኔ፤
 ዔያቶ ጳቶ ዔቁሳንዳ፣ ጫርሺ ያናዳይ?
 ዲሰራዔኤሌ ዓንጃሂ ዓንጃንቴያ
 ጋዳንቃሂያ ሃሃ ጋዳንቁንቴያ ማዖንሳ!»

10 ዬካፓ ባኣላኣቁ ሚርጌና ዳጋዲ፣ ፔ ኬኤሎ ዉፀርቃዖ ባኣላኣሚ ኮይላ፡- «ታኣኮ ሞርኮ ኔ ጋዳንቃንዳጉዲ ታ ኔና ዔኤላዛ፣ ኔ ጋዓንቴ ሃይሂ ማይንቴ ዓንጃኔ፤ 11 ዓካሪ፣ ኔ ማኣሪ ዑኬ ዓኣዳ፤ ኔ ማዳ ባኮ ዛሎኮ ኮይሳሂጉዴያ ታ ጪጋኒ ማሌንቴ ናንጊና ናንጋ ጎዳ ኔና ዬያ ኔ ዴንቁዋጉዲ ላኣጌኔ» ጌዔኔ።

12 ባኣላኣሚ ባኣላኣቁም፡- «ኔኤኒ ታ ኮይላ ዳኬ ዓሶም፣ 13 ኔ ማኣሮይዳ ዓኣ ዎርቆና ቢሮና ቢያ ኔ ታኣም ዒንጌቴታዖ ያኦሲ ጌዔማ ኬኤዚሂዳፓዓቴም ሜሌ ታ ማሊሂና ኮሺ ባኣዚያ ማዖም ፑርታ ባኣዚ ታ ማዳኒ ዳንዳዑዋሴ» ጌይ ታ ኬኤዚባይ» ጌዔኔ።

ባኣላኣሚ ኬኤዜ ጋፒንዖ ያኦሲ ማሊዖ

14 ጋፒንዖይዳ ባኣላኣሚ ባኣላኣቁም፡- «ዓካሪ፣ ታኣኒ ታ ዓሶ ባንሂ ማዒ ዴንዳኔ፤ ጋዓንቴ ዬያኮ ቤርታ ዒሰራዔኤሌ ዴራ ሃጊ ኔ ዓሶ ማዳንዳ ባኮ ታ ኔኤም ኬኤዛንዳኔ» ጌዔሰካፓ፣ 15 ያኦሲ ማሊሂ ሂዚ ጌይ ኬኤዚሂ ዓርቁኔ፡-

«ቢዖሪ ናኣዚ፣ ባኣላኣሚ ኬኤዛ ባካ
 ዓኣፓ ቡሊንቴም ዛጌሂ ሂዚ ጋዓኔ።

16 ያኦሲ ኬኤዜ ባኮ ዋይዛሂ
 ዴኤፖ ያኦዛሂዳፓ ዔራቶ ዴንቁሂ
 ቢያ ባኮ ዳንዳዓሂ ፔጋሲ ዳዋ ባኮ ዛጋሂ
 ጊንዒ ዓኣንቴ ዓኣፓ ቡሊንቴ ዛጋሂ ሂዚ ጋዓኔ፡-

17 ታ ዛጋኔ፤ ጋዓንቴ ሃሂቴዋሴ።
 ታኣም ጴዳኔ፣ ጋዓንቴ ዑኬቴዋሴ፤
 ኸኦጌ ያይቆኦቤይዳፓ ኬሰካንዳኔ፤
 ዋልቁና ዓኣ ካኣቴ ዒሰራዔኤሌፓ ኬሰካንዳኔ፤
 ሞዓኣቤ ዓሶኮ ሱኡጎ ጳርቃንዳኔ፤
 ሞዓኣቤ ዒጊኒ ማዔ ሴኤቴ ዜርዖ ማዔ ዓቴንቆኮ ቶኦኮ ዳኣፃንዳኔ።

18 ዔይኦሚ ዓሶ ባሻንዳኔ፤
 ዒዛኮ ሞርኮ ማዔ ሴኤሬ ዓሶዋ ባሻንዳኔ፤
 ዬያይዲ ዒሰራዔኤሌ ዓሳ ባሻያ ማዒ ናንጋንዳኔ።

19 ዋይሃያ ያይቆኦቤይዳፓ ኬሰካንዳኔ፤
 ዬካ ካታማ ዓቴ ዓሶ ቢያ ዒ ባይዛንዳኔ።»

- 20 ይካገ ሃሃ ባአላአሜ ዓማሌቄ ዓጮ ባንሢ ዛገ ዛገ፡-
 «ዓማሌቄ ዳር ቢያይዳገ ባሻ ካአቶኬ፤
 ጋጥንግይዳ ጋሳንቴ ዒ ባይቃንዳኔ።»
- 21 ቁና ዓሶዋ ዛጋያ ሃሃ፡-
 «ዒንሢ ናንጋ ቤዛ ጉሙርሳያኮ፤
 ዒንሢ ማገፍ ማአራአ ዔኤቢ ሄሉዋ ደጌ ቤሲዳኬ፤
- 22 ዩይ ያዲ ማዔቴያ ዒንሢ ቁና ዓሳ
 ዓሶኦሬ ዒንሢ ባሺ ዲዒ ዔኬ ዋዶና ዒንሢ ባይቃንዳኔ»
 ጌይሢ ዓርቁኔ። 23 ሃሃ ዒ ኬኤዛያ፡-
 «ካአ! ያኦሲ ዩያይዳዛ
 ዓይጎ ዓሲ ዓታንዳይ?
- 24 ከቲሜ ኮይላገ ዋአሢ ካአሚሌ ሙካንዳኔ፤
 ዩያታ ሙከ ዓሶኦሬንታ ዔቦኦሬያ ዓርቃንዳኔ፤
 ጋሳንቴ ዔያታአ ባይቃንዳኔ።»
- 25 ይካገ ባአላአሜ ፔ ማአሪ ማዒ ዓአዳዛ፣ ባአላአቄያ ፔ ቤዛ ዴንዴኔ።

25

ሞዓአቤ ዓሳ ዒሰራዔኤሌ ዓሶ ዳቢሼሢ

1 ዒሰራዔኤሌ ዴራ ሸጂሜ ዶኦጮይዳ ዴንኪ ዴዔ ዋዶና ዔያቶኮ ባቲንቃ ዒኢካ ዓአ ሞዓአቤ ላአሎና ዋላ ዘኦሰካ ኮአሚሢ ዓርቁኔ፤ 2 ዩይ ላአላ፡- ሞዓአቤ ዓሳ ካአሸካ ያኦዘሞ ዒንጎና ሙያ ሙዋሞ ዔያቶ ዔኤላዛ፣ ዔያታ ዩያ ሙዒ ፔጋሪ ዲኮይዳ ዓአ ቤዓአሌ ጌይንታ ካአሸኮ ባኮሞ ዚጌኔ፤ 3 ዩያሮ ናንገና ናንጋ ጎዳ ዒሰራዔኤሌ ዓሶ ዑፃ ዳጋዲ፡- 4 ሙሴሞ፣ «ዒሰራዔኤሌ ዓሶ ዑፃ ጎጳገታ ታ ዳጋጄ ዳጋ ሸማንዳጉዲ ዒሰራዔኤሌ ዓሶኮ ሱኡጎ ቢያ ዔኪ ዓሶ ዲኡዘይዳ ዴር ቤርታ ኬሲ ዋዴ» ጌዔኔ። 5 ሙሴ ዒማና ዒሰራዔኤሌ ዓሶኮ ሱኡጎ፡- «ዒንሢ ፔቴ ፔቴሢ ዒንሢኮ ፃጳገ ፃጳገ ቤዓአሌ ጌይንታ ፔጋሪ ያኦዘሞ ዚጌ ዓሶ ቢያ ዋዲዋቴ» ጌይ ዓይሣኔ።

6 ዩያሮ ሙሴንታ ዴር ቢያሢንታ ያኦሲ ዴርና ካአማ ማአሮ ካራ ቡከ ያዩ ዩኤካንቴ ፔቴ ዒሰራዔኤሌ ዓሲሰኬይ ፔቴ ዔዶዶሚ ዓጪ ላአሊሰኬኖ ዔያቶ ኮይሊና ዔኪ ፔ ማአሪ ጌሌኔ። 7 ቁኤሳሢ ዓአሮኔኮ ናኢ ናይ ማዔ፣ ፒንሃሴ ጎጋሢ ዩያ ዴንቃያ ዴር ባአካዴዔ ቤዛገ ዔቁ ዴንዲ ዋርሢ ዔኪ፡- 8 ዩያ ዓሢና ላአሊሎና ዓአ ማአሮ ጌሊ፣ ላሞዓሢ ፔቴና ዋርሢ ዶርቢ ጫርገ ዋዴኔ፤ ዩያይዳገ ዔቁያና

ዲሰራዔኤሌ ዓሶ ኩርሳ ደርዓሢ ሃሼኔ። 9 ጋዓንቴ ዩማ ሄላንዳኣና ዩይ ደርዓሢ ዳርይዳፓ ላማታሚ ያይዶ ሺያ ዓሲ ኩርሴኔ።

10 ናንጊና ናንጋ ጎዳ ሙሴም፡- 11 «ቁኤሳሢ ዓኣርኔኮ ናኣዚ ዓላዜሬ ናይ ማዔ፣ ፒንሃሴ ማዴ ባኮ ዛሎና ዲሰራዔኤሌ ዓሶ ዑፃ ታኣኮ ዔቁዳጋ ሺሚኔ፤ ታና ሃሺ ሚሌ ያኦዞም ዚጋ ዓሶ ፒንሃሴ ዚቲ ጌይ ዛጋኒ ኮሲባኣሴ፤ ታኣኒያ ዲሰራዔኤሌ ዓሶ ባይዚባኣሢ ዲዚ ታጋቴ ሚጨንቲ ማዴ ማዶ ዛሎርኩ። 12 ዩያር ታ ዲዛና ዎላ ናንጊና ደዲ ናንጋ፣ ኮሹሞ ጫኣቁሞ ጫኣቃንዳሢ ዲዛም ኬኤዜ። 13 ዓዚ ታገዳፓ ዓቴም ሚሌ ያኦሲ ካኣሽኪንታንዳጉዲ ኮሲባኣሢ ሆሃ ዲሰራዔኤሌ ዓሶኮሞ ጎሞ ጌኤሽሢሢር ዲዛና ዲዛኮ ዜርዖና ጉቤ ናንጊና ቁኤሴ ማዓንዳኔ» ጌዔኔ።

14 ሚዲያሚ ዓጮ ላኣሌሎና ዎላ ዎዲንቲ፣ ዲሰራዔኤሌ ዓሢኮ ሱንፃ ሳሉ ናኣዚ ዚምሪ ጌይንታያ ማዓዛ ዲዚ ሰሞኦኔ ማኣርይዳ ፔቴ ቶኦኪኮ ሱኡጌኩ። 15 ላኣሌሎ ሱንፃ ኮዚቤ ጌይንታኔ፤ ዲዛኮ ዓዶ «ሱኡሪ» ጎሆሢ ፔቴይዳ ናንጋ ዳካ ሚዲያሚ ዓሲኮ ሱኡጌኩ።

16 ናንጊና ናንጋ ጎዳ ሙሴም፡- 17 «ሚዲያሚ ዓሶይዳ ያልዚ ቡሊ ዔያቶ ባይዙዋቴ፤ 18 ዩያ ዒንሢ ማዳንዳሢ ፔዖሪ ካኣሽካንዳጉዲ ዒንሢ ዔያታ ጌሺ፣ ማዴ ጌኖ ማዶ ዛሎር ሃሃ ዒንሢ ፔዖሪ ካሽከሢሢር ዳርይዳ ኬዴ ሃርጎ ዛሎና ዎዲንቲ ዔያቶኮ ሱኡጋሢ ናሞ ኮዚቤ ዛሎና ዔያታ ጌሺ ጌሺዖርኩ» ጌዔኔ።

26

ዲሰራዔኤሌ ዳርኮ ላሚ ገይዲንቲያ

1 ዩይ ዎዳ ደርዓሢ ዔቁሰካፓ ናንጊና ናንጋ ጎዳ ሙሴና ቁኤሳሢ ዓኣርኔ ናኣዚ ዓላዜሬናም፡- 2 «ዲሰራዔኤሌ ዳር ቢያሢኮ ማኣርይዳ ማኣርይዳ ለዓ ላማታሚ ኩሚያና ዩካፓ ዑሣ ማዔያ፣ ያልዚ ያላኒ ዳንዳዓ ዓቲንቆ ቢያ ገይዲዎቴ» ጌዔኔ። 3 ሙሴና ቁኤሳሢ ዓላዜሬና ዮርዳኖሴ ዎሮ ዓጫ፣ ዒያርኮኮ ሆታ ዓኣ ሞዓኣቤ ቦኦሎይዳ ዳር ቡኩሳዮ፡- 4 «ናንጊና ናንጋ ጎዳ ዓይሤ ጎይያና ላማታሚ ለዔና ዩካፓ ዑሣ ዓኣዴ ለዔ ማዔ ዓቲንቆ ቢያ ገይዲዎቴ» ጌዔኔ።

ጌብፃ ዓጫፓ ኬሰኩ፣ ዲሰራዔኤሌ ዓሳ ሃካፓ ሊካ ገይዲንታ ዓሶኬ፤

5 ያይቆኦቤኮ ናኣዚ ቶይዲ፣ ሮኦኤሌ ማኣራፓ ገይዲንቲ ቶኦካ ሃኖኬ ዓሳ፣ ፓሉ ዓሳ፣ 6 ሄፂርኔ ዓሶንታ ኬርሚ ዓሶንታኬ፤ 7 ዩኖ ቶኦካፓ ቶኦካፓ ገይዲንቲ ዓቲንቆኮ ገይዲ ዎሊ ዑፃ

26:5 26:5 ገይ. ማጻ 1:1-46።

ገሥዳ ታሚ ሃይሃ ሺያና ለንካይ ዌኤታና ሃይሢታሚናኬ፤ 8 ፓሉ ዜርፃ ዔኤሊያቤና 9 ዔኤሊያቤኮ ናኣቶናኬ፤ ዬያታ ኔሙዔኤሊንታ ዳኣታንጎታ ባቤሮሜንታኬ፤ ዳኣታንና ባቤሮሚና ሃያኮ ቤርታ ዴራ ደኦሬዘንሢ ማዓዛ ዔያታ ቆራሄና ዒዛና ዋላ ፔቱ ማዔ ባሶና ባኣኮ ጌሊ ያኦሲም ዋይዞ ዒዔ ዋዶና ሙሴና ባኣሮኔና ዔያታ ማታሴያኬ። 10 ዒማና ዔያቶ ሳዓ ደርዒ፣ ቆራሃንታ ዋላ ዔኤዴኔ፤ ዔያታ ሃይቃማና ታሚ ኬዲ ላምዖ ዌኤታና ደንጊንታሚ ባሲ ሙዔኔ፤ ዬያይዲዖና ዔያታ ዴርም ዒንሢና ዔሩዋቱ ጋዓ ማላታ ማዔኔ። 11 ቆራሃ ናኣታ ጋዓንቱ ዒማና ሃይቂባኣሴ።

12 ሲሞኦኔ ማኣራፓ ገሥዳንቱ ቶኦካ፡- ኔሙዔኤሊ ዓሳ፣ ያሚኔ ዓሳ፣ ያኪኔ ዓሳ፣ 13 ዛራሄ ባሶንታ ሻዑሌ ባሶንታኬ። 14 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ዋሊ ዑፃ ላማታሚ ላምዖ ሺያና ላምዖ ዌኤታናኬ።

15 ጋኣዴ ማኣራፓ ገሥዳንቱ ቶኦካ፡- ዒፖኔ ዓሳ፣ ሃጊ ዓሳ፣ ሹኒ ዓሳ፣ 16 ዖዚኒ ዓሳ፣ ዔሪ ዓሳ፣ 17 ዓርዴ ባሶንታ ባርዔኤሊ ባሶንታኬ። 18 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ዋሊ ዑፃ ገሥዳ ታሚ ሺያና ደንጎ ዌኤታናኬ። 19 ዪሁዳ ማኣራፓ ዔኤሬና ዓውናኔና ካኣናኔ ዓጮይዳ ሃይቄኔ። 20 ሃንጎ ዪሁዳ ናኣታ፡- ሹላ ባሶንታ ፓሪሴ ባሶንታኬ፤ 21 ፓሪሴ ናኣታ፡- ሄደሮኔና ሃሙሊ ባሶንታኬ። 22 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ዋሊ ዑፃ ለንካይታሚ ላሆ ሺያና ደንጎ ዌኤታናኬ። 23 ዪሳኮኦሬ ማኣራፓ ገሥዳንቱ ቶኦካ፡- ቶላዒ ዓሳ፣ ፑዋ ዓሳ፣ 24 ያሹቤና ሹምሮኔ ባሶንታኬ። 25 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ዋሊ ዑፃ ላሃታሚ ገሥዳ ሺያና ሃይሃ ዌኤታናኬ።

26 ዛብሎኦኔ ማኣራፓ ገሥዳንቱ ቶኦካ፡- ሴሬዴ ዓሳ፣ ዔሎኔና ያህሊዔኤሊ ባሶንታኬ። 27 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ዋሊ ዑፃ ላሃታሚ ሺያና ደንጎ ዌኤታናኬ።

28 ዮሴፔ ዜርፃፓ ማዔ ሚናኣሴና ዔፕሬኤሜ ዛሎና ሾይንቱ ቶኦካ ሃካፓ ሊካ ዓኣዘንሢኬ፤

29 ሚናኣሴ ማኣራፓ፡- ሚናኣሴ ናኣዚ ማኪሬ ጌሌዓዴ ሾዔኔ፤ 30 ጌሌዓዴ ናኣታ፡- ዒዔዜሬ ዓሳ፣ ሄሌቄ ዓሳ፣ 31 ዓሰሪዔሌ ዓሳ፣ ሹኬሜ ዓሳ፣ 32 ሹሚዳ ባሶንታ ሄፔሬ ባሶንታኬ፤ 33 ሄፔሬ ናኣዚ ዌሎፕሃዴኮ ዉዴሮ ናይ ሌሊኬ፣ ዓቲንቄ ናይ ባኣሴ፤ ዬያታ፡- ማሃላ፣ ኖኖ፣ ሆግላ፣ ሚልካንታ ቲርፃ ጎዖዘንታኬ፤ 34 ዬኖ ቶኦካፓ ቶኦካፓ ገሥዳንቱ ዓቲንቆኮ ገሥዳ ደንጊታሚ ላምዖ ሺያና ለንካይ ዌኤታናኬ።

35 ዔጥሬኤሜ ማኣራገ ገይዲንቴ ቶኦካ፡- ሹቱላሄ ዓሳ፡ ቤኩርኔ
ዓሳንታ ታሃኔ ዓሳንታኬ፤ 36 ሹቱላሄ ዓሳ፡ ዔራኔና ናኣቶናኬ።
37 ዬኖ ቶኦካገ ቶኦካገ ገይዲንቴ ዓቲንቆኮ ገይዳ ሃይሢታሚ ላምፆ
ሺያና ዶንጎ ጄኤታናኬ፤ ዬያታ ቢያ ዮሴፔ ዜርፆኬ።

38 ቢኢኒያሚ ማኣራገ ገይዲንቴ ቶኦካ፡- ቤላዔ ዓሳ፡ ዓሸቤሌ
ዓሳ፡ ዓሃራሚ ዓሳ፡ 39 ሹገሚ ዓሳና ሁገሚ ዓሳናኬ። 40 ቤላዔ
ዜርፆ፡- ዓርዲና ናዕማኔ ዓሳናኬ። 41 ዬኖ ቶኦካገ ቶኦካገ ገይዲንቴ
ዓቲንቆኮ ገይዳ ያይዲታሚ ዶንጎ ሺያና ላሆ ጄኤታናኬ።

42 ዳኣኔ ማኣራገ ገይዲንቴ ቶኦካ፡- ሹሃሚና ዒዛኮ ናኣቶናኬ፤
43 ዬያቶይዲገ ገይዲንቴ ዓቲንቆ ላሃታሚ ያይዶ ሺያና ያይዶ
ጄኤታናኬ።

44 ዓሴኤሬ ማኣራገ ገይዲንቴ ቶኦካ፡- ዪሞና ዓሳ፡ ዪሺዊ ዓሳንታ
ቤሪዓ ዓሳንታኬ።

45 ቤሪዓ ዜርፆ፡- ሄቤሪ ዓሳና ማልኪዔኤሌ ዓሳናኬ።
46 ዓሴሪሚኮ ሴራሂ ጌይንታ ዉዲሮ ናይ ዓኣኔ፤ 47 ዬኖ ዓሳኮ
ዓቲንቆ ገይዳ ዋሊ ዑፃ ዶንገታሚ ሃይሃ ሺያና ያይዶ ጄኤታናኬ።

48 ኒፕታሌሚ ማኣራገ ገይዲንቴ ቶኦካ፡- ያሀዒዔኤሌ ዓሳ፡ ጉኒ
ዓሳ፡ 49 ዬፀሬ ዓሳና ሺሌሚ ዓሳናኬ፤ 50 ዬኖ ዓሳኮ ዓቲንቆ ዋሊ
ዑፃ ያይዲታሚ ዶንጎ ሺያና ያይዶ ጄኤታናኬ። 51 ዬያይዲ ገይዲንቴ
ዒሰራዔኤሌ ዓሳኮ ዓቲንቆ ገይዳ ላሆ ጄኤታና ፔቴ ሺያና ላንካይ
ጄኤታና ሃይሢታሚናኬ።

52 ናንገናናንጋ ጎዳ ሙሴም፡- 53 «ሳዔሎ ዔያቶኮ ሱንፃፃኣፒንቴ
ጎይፆና ፔቴ ፔቴ ማኣሮም ዔያቶ ሳዓ ማሂ ማሂ ገሸኬ፤ 54 ሚርጌ
ዓሳ ዓኣ ማኣሮም ዳልገ ሳዓ፡ ዳካ ዓሲ ዓኣ ማኣሮም ዳካ ሳዓ
ዒንጌ፤ ዔያቶም ኔ ሳፆ ገሸካንዳሢ ዴራ ገይዲንቴ ዔርቴ ገይዶ
ጎይፆናኬ። 55 ጋዓንቴ ኔኤኒ ገዡ ገሸካንዳሢ ዒፃ ዓገኬ፤ ዬይ
ዓገንታንዳሢ ፔቴ ፔቴ ማኣሮ ሱንፆናኬ። 56 ዒፃሢ ዓገንታኣና ዳኮ
ዴሮም ዳኮ ጎይፆና ዲሶ ዴሮም ዲሶ ጎይፆና ዓገንቶም» ጌዔኔ።

57 ለዊ ማኣራገ ገይዲንቴ ዓሳ፡- ጌርሾኔ ዓሳ፡ ቁዓቴ ዓሳና
ሜራሪ ዓሳናኬ። 58 ዬያቶኮ ዜርፆ፡- ሊቢኒ ዓሳ፡ ኩብሮ ዓሳ፡
ማሃሊ ዓሳ፡ ሙሺ ዓሳና ቆራሂ ዓሳናኬ፤ ቁዓቴ ዓምራሚ ሸዔኔ።
59 ዓምራሚ ገብፄ ዓጮይዳ ሸይንቴ ለዊ ናዎ ዮኬቤዳ ጎፆዞ
ዔኬም ዒዛ ሙሴና ዓኣሮኔና ጌይንታ ላምፆ ዓቲንቆ ናይንታ
ማይራሞ ጌይንታ ፔቴ ዉዲሮ ናይሰኬኖዎ ሸዔኔ። 60 ዓኣሮኔኮ
ናኣዳኣኔ፡ ዓቢሁ፡ ዓላዜሬና ዒታማሬ ጌይንታ ያይዶ ዓቲንቆ ናይ

ዓኣኔ። 61 ናኣዳኣቤና ዓቢሁና ጾኦሲም ዲማዲባኣ ታሞ ናንገና ናንገ ጎዳም ሸኢሸጾና ዶርፖ ዔኪ ሃይቄኔ። 62 ሌዓ ፔቴ ዓገኒና ዩካፓ ዑሣ ማዔ። ሌዊ ዓሶ ዓቲንቆኮ ገይዲ ዋሊ ዑፃ ላማታሚ ሃይሣ ሸያኬ፤ ዔያታ ሃንጎ ዒሰራዔኤሌ ዓሶይዳፓ ዲማሲ ፃኣፒንቴኔ፤ ዩይ ያዲ ማዔሣ ዒሰራዔኤሌ ዓጮይዳ ፔቴታፖ ዔያቶሮ ማዔ ሳዓ ዒንገንቲባኣሢሮኬ።

63 ሙሴና ዓላዜሬና ዒያርኮኮ ሆታ፡ ዮርዳኖሴ ዎሮኮ ኮይላ ዓኣ ሞዓኣቤ ቦኦሎይዳ ዒሰራዔኤሌ ዓሶ ገይዴ ዎዶና ዔያታ ፃኣፔ ፔቴ ፔቴ ቶኦኮኮ ሱኡገ ዩያቶኬ። 64 ሲና ቦኦሎይዳ ባራሪ ደራ ገይዲንቴ ዎዶና ሙሴና ዓኣሮኔና ፃኣፔ ዓቲንቆይዳፓ ፔቴታፖ ዓሲ ዓቲባኣሴ። 65 ዩይ ያዲ ማዔሣ «ቢያሢ ዓሲ ናንጉዎ ዳውሎይዳ ሃይቃንዳኔ» ጌይ ቤርታ ጾኦሲ ኬኤዜሢሮኬ፤ ዩያሮ ዩፑኔ ናኣዚ ካኣሌቤና ኔዋ ናኣዚ ዒያሱናፓ ዓታዛ ቢያሢ ሃይቄኔ።

27

ፃሎፕሃዳኮ ዉዲሮ ናኣታ ጾኦጤ ጾኦጤፖ

1 ማናኣሴ ናይ፡ ማኪሬ ናይ፡ ጌሌዓዴ ናይ፡ ሄፕሬ ናይ ማዔ ፃሎፕሃዳኮ ዉዲሮ ናኣቶንሢ፡- ማሂላ፡ ሮዓ፡ ሆግላ፡ ሚልካንታ ቲርፃ ጌይንታያኬ፤ ዩያታ ዮሴፔ ናኣዚ ሚናኣሴ ቶኦኪ ማዔያኬ። 2 ዓፒሎና ማኸኸንቴ፡ ጾኦሲ ዴሮና ካኣማ ማኣሮ ካሮ ዔያታ ሙኪ ዴሮ ጉቤሢና ዴሮኮ ሱኡጎና፤ ሃሣ ሙሴና ዓላዜሬና ቤርቶ ሸኢኪ፡- 3 «ኦ ዳዲሢ ፔቴታፖ ዓቲንቄ ናይ ሹውዎፖ ዓሲ ናንጉዎ ዳውሎይዳ ሃይቄኔ፤ ዒዚ ጾኦሲም ዓይሢንቲፖ ዒፄ፡ ቆራሄ ዓሶና ዋላ ፔቴ ማዔያቱዎሴ፤ ዒዚ ሃይቄሢ ፔ ጎሜናኬ። 4 ዓካሪ፤ ዒዚ ዓቲንቄ ናይ ሹዓባኣሢሮ ሌሊ ዒሰራዔኤሌ ዓሶ ባኣካፓ ሱንፃ ዒዛኮ ባይቃንዳያ ኮይሳ? ዩያሮ ኦ ዓዶ ፃጶ ባኣካ ኦም ማዓ ሳዓ ዒንገንቶንጎ» ጌዔኔ።

5 ሙሴ ዩያ ዔያቶኮ ጾኦጤፖ ናንገና ናንገ ጎዳም ሸኢሸዛ፡ 6 ናንገና ናንገ ጎዳ ሙሴም፡- 7 «ፃሎፕሃዳ ናኣታ ጾኦጤ ጾኦጤፖ ፒዜኬ፤ ዩያሮ ዔያቶ ዓዶ ፃጶ ባኣካፓ ዔያቶ ሄላ ዛሎ ዔያቶም ዳካልሳኒ ኮይሳሢሮ ዔያቶኮ ዓዶ ሄላንዳ ባኮ ዔያቶም ዒንጌ። 8 ዓቲንቄ ናይ ሹውዎፖ ሃይቄ ዓሲ ዓኣቶ ዉዲሮ ናይ ዓዶኮ ዓኣ ባኮ ዳካላኒ ኮይሳያታሢ ዒሰራዔኤሌ ዴሮም ዔርዜ። 9 ዉዲሮ ናይ ባኣቴ ሃይቄሢኮ ጌርሲንሢ፡ ዒዛኮ ዓኣ ባኮ ዳካሎንጎ፤ 10 ጌርሲንሢያ ዒዛኮ ባኣቴ ዒዛኮ ዓዶ ጌኤዚታቴያ ዓዶ ዒሹ

26:60 26:60 ገይ. ማፃ 3:2። 26:61 26:61 ሌዊ. ዓከ 10:1-2፤ ገይ. ማፃ 3:4። 26:65 26:65 ገይ. ማፃ 14:26-35። 27:7 27:7 ገይ. ማፃ 36:2።

ደካሎንጎ፤ 11 ዓድ ጌኤዛቲታቴያ ዓድ ዒሾ ማዓይ ባኣቲ ዑኩ ዒጊኒ ማዕዔ ዓሲ ዒዛ ባኮ ደካላኒ ዳንዳዓኔ። ታኣኒ፥ ናንጊና ናንጋ ጎዳ ኔና ዓይሄ ጎይያ ዒሰራዔኤሌ ዳራ ዬያ ዎጎ ማዲ ማዲ ናንጋያ ማዎንጎ» ጌዔኔ።

**ዒያሱ ሙሴ ቤዛ ደኦሪንቴህ
(ላሚ. ዎማ 31:1-8)**

12 ዩካፓ ናንጊና ናንጋ ጎዳ ሙሴም፡- «ሌካ ዓባሪሜ ዲኮ ከሰከ፥ ዒሰራዔኤሌም ታ ዒንጋ ዓጮ ቢያ ዛጌ! 13 ዬያ ኔ ዛጌሰካፓ ኔ ዒሾ ዓኣሮኔ ሃይቁሂጉዲ ኔኤኒያ ሃይቃንዳኔ፤ 14 ዓይጎሮ ጌዔቲ ዒንህሂ ለምዎንህሂ ዓኣኤ ቦኦሎይዳ ማሪሳ ጎዎ ቤዛ ዳራ ታኣም ዓይህንቶ ዒዩ ዎድና ታኣኮ ደማዳያ ማዕ ዎልቆ ፔጋሲ ዳዎ ዓይህረኸ» ጌዔኔ። (ማሪሳ ዓኣኤ ቦኦሎ፥ ቃዴሴይዳ ዓኣ ዎኣህሂ ዓልቃ ቤሲኸ።) 15 ሙሴ፡- 16 «ዓሲ ማዢንቴም ቢያ ሸምፖ ዒንጋ ናንጊና ናንጋ ጎዳ ማዕ ዎኣዛህዮ! ሃያ ዳሮ ዓከ ዓኣዳንዳያና፥ 17 ያልዚ ሙኸቴያ ያለሳኒ ዳንዳዓ፥ ፔቲ ዓሲ ዶኦሬ፤ ኔ ዬያይዳቲ ኔኤኮ ዳራ ሄንቃ ዓሲባኣ ማራይጉዲ ማዓዓኸ» ጌይ ናንጊና ናንጋ ጎዳ ሸኢቁኔ።

18 ዬያሮ ናንጊና ናንጋ ጎዳ ሙሴም፡- «ዓያና ጌኤሽ ዎልቄ ዒዛና ዓኣ፥ ኔዎ ናዓህሂ ዒያሱ ዔኪጋፓ ኔ ኩጮ ዒዛ ቶኦካ ጌህ፤ 19 ቁኤሳህሂ ዓላዜሬንታ ዳሮ ቢያህሂ ቤርታ ዒዛ ዔቁሲ፥ ኔ ቤዛ ዒ ደኦሪንቴያ ማዕህሂ ዔርዜ። 20 ዒሰራዔኤሌ ዳራ ቢያ ዒዛም ዓይህንታንዳጉዲ ኔ ቢታንቶጉዳ ቢታንቶ ዒዛም ዒንጌ። 21 ቁኤሳህሂ ዓላዜሬ ታ ማሊያ ደማሲ ዔርዛ ባኮና ታ ማሊያ ዔራያታህረር ዒዚ ዒያሱ ማኣዳንዳኔ፤ ዬያይዲ ዓላዜሬ ዒያሱንታ ዒሰራዔኤሌ ዳሮ ቢያህሂ ዔያታ ማዳ ባኮ ቢያ ዳዎያ ማዓንዳኔ» ጌዔኔ።

22 ናንጊና ናንጋ ጎዳ ዒዛ ዓይሄ ጎይያ ሙሴ ማዳኔ፤ ዒያሱዎ ዓከ ሙከ ቁኤሳህሂ ዓላዜሬንታ ዳሮ ቢያህሂንታ ቤርታ ዔቁሴኔ፤ 23 ዩካፓ ናንጊና ናንጋ ጎዳ ዒዛ ዓይሄ ጎይያ ፔኤኮ ኩጮ ዒያሱ ቶኦካ ጌህሂ ዒዛ ቤዛ ደኦሪንቴያ ማዕህሂ ዳሮም ዔርዜኔ።

27:14 27:14 ላሚ. ዎማ 3:23-27፤ 32:48-52። **27:17** 27:17 1ካኣቶ. ማ 22:17፤ ሂዚ. 34:5፤ ማቲ. 9:36፤ ማር. 6:34። **27:18** 27:18 ኪሲ. ማፃ 24:13። **27:21** 27:21 ኪሲ. ማፃ 28:30፤ 1ሳሙ. 14:41፤ 28:6። **27:23** 27:23 ላሚ. ዎማ 31:23።

28

ቢያ ከሌ ያኦሲም ዲንጊንታ ዲንጊህ (ኬሲ. ማፃ 29:38-46)

1 ናንጊና ናንጋ ጎዳ ሙሴም ከኤዛያ፡- 2 «ዲሰራዔኤሌ ዳሮም ኔ ዓይህንዳ ዓይህፃ ያዲኬ፤ ሳዋ ታና ዋዛሳያ፣ ታሚና ሚቺ ዲንጊንታ ሙኡዚ ዲንጊህ ታኦም ዲንጋንዳጉዲ ከኤዜ።

3 «ታኦም ዲንጊህ ማዒ ታሚና ሚቺንቲ ዲንጊንታንዳ ባካ ሃካፓ ለካ ከኤዚንታህኩ፡- ቢያ ከሌ ዲንጊንታንዳ፣ ሚቺ ዲንጎ ዲንጊያም ፔቴ ለዔ ማዔ ቦሃሳ ባኦዚባኦ ላምፆ ዓዴ ማራናይ ማፆንጎ፤ 4 ፔቴ ማራናዓህ ጉቴ፤ ባጋህ ዲባናኦና ዲንጊንታዳጉዲ ማሁዋቴ፤ 5 ፔቴ ፔቴ ማራናኦቶና ዋላ ፔቴ ደሎዜ ማዓ ቃራ ሪሚቲ ዛይቴና ዲርከንቴ ፔቴ ከሎ ኩሙህ ሺኢቺ ዲኢሊ ዲንጊንቶንጎ፤ 6 ዩይ፡- ጉቤና ሚቺንታ፡ ቢያ ከሌ ዲንጎ ዲንጊህኬ፤ ዩያጉዴ ዲንጊያኮ ሳዋ ታና፡ ናንጊና ናንጋ ጎዳህ ዋዛሳ ሙኡዚ ዲንጊህ ማህ ቤርታዲ ዲንጊንቲህ ሲና ዲኮይዳኬ። 7 ቤርታ ዲንጊንታ ማራናየና ዋላ ዑሺ ዲንጊህ ማዒ ዲንጊንታዳጉዲ ፔቴ ደሎዜ ማዓ ዋይኔ ዑሺ ሚቺ ዲንጎ ቤዛ ዋሁዋቴ። 8 ሳዓ ዲባናኦና ላምዓሳ ማራናዓህ ቤርታኦሲ ማዴማ ጎይያ ዋይኖ ዑዠዋ ጊዳ ዋሂ ዲንጉዋቴ፤ ዩያኮ ሳዋ ታና ዋዛሳ ሙኡዚ ዲንጊህ ማዓንዳኔ።»

ሃውሾ ከሎና ዲንጎ ዲንጊህ

9 «ሃውሾ ከሎና ፔቴ ለዔ ማዔ፣ ቦሃሳ ባኦዚባኦ ላምፆ ማራናይ ዔኪ ሺኢሹዋቴ፤ ሪሚቶ ዛይቶና ዲርከንቴ ላምፆ ከሎ ዲኢሊያ ሃኦኮ ዲንጊህ ማህ ዔኪ ሺኢሹዋቴ፤ ዩያጉዲ ዑዠ ዲንጊያም ዲንጉዋቴ፤ 10 ዑዠ ዲንጊያና ዋላ ቢያ ከሌ ዲንጊንታ ዲንጊያይዳ ቃሰህ ማዒ ዩይ ሚቺ ዲንጎ ዲንጊያ ሃውሾ ከሎና ከሎና ዲንጊንታያ ማፆንጎ» ጌዔኔ።

ዓገና ጄኤራዛ ቤርታሳ ከሎና ዲንጊንታ ዲንጊህ

11 «ፔቴ ፔቴ ዓገናኮ ቤርታሳ ከሎና ሚቺ ዲንጎ ዲንጊያ ታኦም ዲንጉዋቴ፤ ዩይያ፡- ቦሃሳ ባኦዚባኦ ላምፆ ዋፓና፣ ፔቴ ዓዴ ማራይ፣ ፔቴ ለዔ ማዔ ላንካይ ዓዴ ማራናይ ዔኪ ሺኢሹዋቴ። 12 ሃኦኮ ዲንጊያም ማዓንዳጉዲ ሪሚቲ ዛይቴና ዲርከንቴ ሺኢቺ ዲኢሊ ዔኪ ሺኢሹዋቴ፤ ዩይያ፡- ፔቴ ፔቴ ዋፓናና ዋላ ሃይህ ከሎ ዲኢሊ፣ ዓደ ማራናህና ዋላ ላምፆ ከሎ ዲኢሊ፣ 13 ፔቴ ፔቴ ዓደ ማራናኦቶና ዋላ ዛይቴና ዲርከንቴ ፔቴ ከሎ ዲኢሊ ዔኪ ሺኢሹዋቴ፤ ዩይ ሚቺ ዲንጎ ዲንጊያ ቢያ ሳዋ ታና ዋዛሳ ሙኡዚ

ዲንገሢ ማዒ ዲንገንቶንጎ። 14 ኮይሳያ ማዒ ወይኔ ዑሺ ዲንገሢ ማሃ ፔቴ ፔቴ ወፓኖና ዋላ ላምዎ ዶሎዜ ወይኔ ዑሺ፣ ዓዶ ማራዒሢና ዋላ ፔቴ ዶሎዜና ዛላና ማዒ ወይኔ ዑሺ፣ ፔቴ ፔቴ ማራናኦቶና ዋላ ፔቴ ዶሎዜ ወይኔ ዑሺ ዲንገቶቴ፤ ሌዎ ጉቤይዳ ጸኤራ ዓገኖኮ ቤርታሳ ኬሎማይዳ ዲንገንታ ሚቺ ዲንገያ ዛሎ ዓይሢንቴ ዳምባ ዬያኬ። 15 ወይኖ ዑዠ ዲንገያና ዋላ ቢያ ኬሊ ዲንገንታ ሚቺ ዲንገያኮ ገዳቃሲ ፔቴ ኮላይ ጎሜ ጌኤሻያ ማሃ ዲንገቶቴ» ጌዔ።

ዑሣ ዓኣዲያና ላኦሎ ሙዒ ቦንቾ ኬሎናይዳ ዲንጎ ባኮ
(ሌዌ. ዓክ 23:5-14)

16 «ናንገና ናንጎ ጎዳኮ ዑሣ ዓኣዲያ ቦንቾ ኬላ ቦንቺንታንዳሢ ቤርታሳ ዓገና ጸኤሬሰካፓ ታጶ ያይዳሳ ኬሎና ማዎንጎ። 17 ታጶ ደንጎሳ ኬላ ቦንቾ ኬሊ ማዕሢሮ ዳንዲ ላንካይ ኬሊ ሄላንዳኦና ሙኑቃ ፃኣዛ ጌሊባኦ ላኦሎ ሌሊ ሙይንቶንጎ፤ 18 ቦንቾ ኬሎኮ ቤርታኦ ዓቦ ታና ካኦሽካኒ ቡኩዋቴ፤ ዬኖ ኬሎይዳ ዓይጎ ማዶዋ ማዲፖቴ። 19 ሳዋ ታና ወዛሳ፣ ሚቺ ዲንጎ ሙኡዚ ዲንገሢ ዲንገቶቴ፤ ዬይያ፡- ቦሂሳ ባኦዚባኦ ላምዎ ወፓኖ፣ ፔቴ ዓዴ ማራይ፣ ፔቴ ሌዔ ማዕኔ ላንካይ ዓዴ ማራናይ ዔኪ ሺኢሹዋቴ፤ 20 ኮይሳያ ማዕኔ ሃኦኮ ዲንገያ ማዕንዳጉዲ፡- ሪሚቴ ዛይቴና ዲርከንቴ ሺኢቺ ዲኢሊ ዔኪ ሺኢሹዋቴ፤ ዬይያ፡- ፔቴ ፔቴ ወፓኖና ዋላ ሃይሣ ኪሎ ዲኢሊ፣ ዓዶ ማራዒሢና ዋላ ላምዎ ኪሎ ዲኢሊ፤ 21 ፔቴ ፔቴ ማራናኦቶና ዋላ ፔቴ ኪሎ ዲኢሊ ዲንገቶቴ። 22 ጎሜ ጌኤሻሢ ዛላ ማዕንዳ ፔቴ ኮላይ ዲንገቶቴ፤ ዬይ ጎሜ ጌኤሻ ዲንገሢ ማዕንዳ። 23 ዬንሢ ዲንገያ ዲንገንታዳሢ ቢያ ኬሊ ጉቴ ጉቴ ዲንገንታ ሚቺ ዲንጎ ዲንገይይዳ ቃሲሢ ማዒኬ። 24 ሳዋ ታና ወዛሳ ሙዎ ዲንገያ ዲማጎይያ ላንካዋ ኬሎይዳ ቢያ ዲንገቶቴ፤ ዬያ ዲንሢ ዲንጎንዳሢ ቢያ ኬሊ ዲንገንታ ሚቺ ዲንጎ ዲንገያና ወይኖ ዑዠ ዲንገያናይዳ ቃሲሢ ማሃኬ። 25 ላንካሳ ኬሎና ታና ካኦሽካኒ ቡኩዋቴ፤ ዬኖ ኬሎ ዓይጎ ማዶዋ ማዲፖቴ» ጌዔ።

ማኦሎ ቡሮ ወደና ዲንጎ ዲንገሢ
(ሌዌ. ዓክ 23:15-22)

26 «ማኦሎ ቡሪዎ ቦንቾኮ ቤርታሳ ኬሎና ዓኮ ሃኦኮ ታኦም ዲንሢ ዲንጎ ወደና ታና ካኦሽካኒ ቡኩዋቴ፣ ማዶዋ ማዲፖቴ፤ 27 ዒዞና

28:16 28:16 ኬሲ. ማፃ 12:1-13፤ ላሚ. ዋማ 16:1-2። **28:25** 28:25 ኬሲ. ማፃ 12:14-20፤ 23:15፤ 34:18፤ ላሚ. ዋማ 16:3-8።

ላምዎ ዋጋና፡ ፔቴ ዓዴ ማራይ፡ ፔቴ ሌዔ ማዔ ላንካይ ዓዴ ማራይ ሳዎ ታና ዋዛሳ ሚቺ ዒንጎ ዒንገሢ ማሂ ዒንጉዋቴ። 28 ኮይሳያ ማዔ ሃኣኮ ዒንገይ ማዓንዳጉዲ ሪሚቲ ዛይቴና ዲርከንቴ ሺኢቺ ዲኢሊ ዔኪ ሺኢሹዋቴ፤ ዩይያ፡- ፔቴ ፔቴ ዋጋናና ዋላ ሃይሣ ኪሎ ዲኢሊ፡ ዓዴ ማራዓሢና ዋላ ላምዎ ኪሎ ዲኢሊ፡ 29 ፔቴ ፔቴ ማራናኣቶና ዋላ ፔቴ ሙርሳ ዲኢሊ ዒንጉዋቴ፤ 30 ጎሜ ጌኤሺሢ ማዓንዳ ፔቴ ኮላይ ዒንጉዋቴ፤ ዩይያዲ ዳርኮ ጎሞ ጌኤሺያ ዳምቦ ኩንሠዋቴ። 31 ዩይ ቢያ ዒንጎ ዒንገይና ዑዡ ዒንገይ፡- ቢያ ከሌ ዒንገንታ ሚቺ ዒንጎሢንታ ሃኣኮ ዒንገይንታይዳ ቃሲሢ ማሂ ዒንጉዋቴ፤ ዩና ቆልማ ቦሂሳ ባኣዚ ባኣያ ማዒያ ኮሺ ዛገ ዒራዋቴ።»

29

ዓኪ ሌዔ ዓርቂያ ቦንቾ ከሎና ዒንጎ ዒንገሢ (ሌዊ. ዓክ 23:23-25)

1 «ላንካሳ ዓገና ጃኤራዛ ቤርታሳ ከሎ ታና ካኣሽካኒ ቡኩዋቴ፤ ዓይጎዎ ማዶ ማዲፖቴ፤ ዩና ከሎ ዛዬ ዋርቂንቶንጎ፤ 2 ቦሂሳ ባኣዚባኣ ፔቴ ዋጋና፡ ፔቴ ዓዴ ማራይ፡ ፔቴ ሌዔ ኩሜ ላንካይ ዓዴ ማራይ፤ ሳዎ ታና ዋዛሳ፡ ሚቺ ዒንጎ ዒንገሢ ማሂ ዒንጉዋቴ። 3 ኮይሳያ ማዔ ሃኣኮ ዒንገሢ ማዓንዳጉዲ ሪሚቲ ዛይቴና ዲርከንቴ ሺኢቺ ዲኢሊ ዒንጉዋቴ፤ ዩይያ፡- ዋጋናሢና ዋላ ሃይሣ ኪሎ ዲኢሊ፡ ዓዴ ማራዓሢና ዋላ ላምዎ ኪሎ ዲኢሊ፡ 4 ፔቴ ፔቴ ማራናኣቶና ዋላ ፔቴ ፔቴ ሙርሳ ዲኢሊ ዒንጉዋቴ። 5 ጎሜ ጌኤሺሢ ዛላ ማዓ ፔቴ ኮላይ ዒንጉዋቴ፤ ዩይያዲ ዳርኮ ጎሞ ጌኤሺያ ዳምቦ ኩንሠዋቴ። 6 ዩይ ቢያ ዒንገይ፡- ዓገና ዓገና ቤርታሳ ከሎይዳ ዒንገንታ ሚቺ ዒንጎ ዒንገይንታ ሃኣኮ ዒንገይንታይዳ፤ ሃሣ ቢያ ከሌ ዒንገንታ ሳዎ ታና ዋዛሳ ሚቺ ዒንጎ ዒንገይንታ ዑዡ ዒንገይንታይዳ ቃሲሢ ማሂ ዒንጉዋቴ፤ ዩይ ሳዎ ታና ዋዛሳ ሙኡዚ ዒንገሢ ማዓንዳኔ» ጌዔ።

ጎሞ ጌኤሹ ከሎና ዒንጎ ዒንገሢ (ሌዊ. ዓክ 23:26-32)

7 «ላንካሳ ዓገና ጃኤራሰካፓ ታጳሳ ከሎና ታና ካኣሽካኒ ቡኩዋቴ፤ ዩና ከሎ ሙኡዚ ሙዒፖቴ፤ ማዶዎ ማዲፖቴ። 8 ቦሂሳ ባኣዚባኣ ፔቴ ዋጋና፡ ፔቴ ዓዴ ማራይ፡ ፔቴ ሌዔ ማዔ ላንካይ ዓዴ

28:31 28:31 ከሲ. ማጻ 23:16፤ 34:22፤ ላሚ. ዋማ 16:9-12።

ማራናይ፤ ሳዋ ታና ዋዛሳ ሚቺ ዲንጎያ ማሂ ዲንጉዋቴ። 9 ኮይሳያ ማዔ ሃኣኮ ዲንጊያ ማዓንዳጉዲ ሪሚቲ ዛይቲና ዲርከንቴ ዲኢሊ ዔኪ ሸኢሹዋቴ፤ ዩይያ፡- ዋፓናሢና ዋላ ሃይሃ ኪሎ ዲኢሊ፤ ማራዓሢና ዋላ ላምዖ ኪሎ ዲኢሊ፤ 10 ፔቴ ፔቴ ማራናኣቶና ዋላ ፔቴ ሙርሳ ዲኢሊ ዲንጉዋቴ። 11 ጎሜ ጌኤሸሢሮ ማዓንዳጉዲ ፔቴ ኮላይ ዲንጉዋቴ፤ ዩይ ዴርኮ ጎሞ ጌኤሸያ ዳምባ ኩንሢንታኣና ዲንጊንታ ኮሌና ሃኣኮ ዲንጊያና ዑዠ ዲንጊያናይዳ፤ ሃሣ ቢያ ኬሊ ዲንጊንታ ሚቺ ዲንጎሢዳ ቃሲ ዲንጊንታንዳያኬ» ጌዔ።

ወልሾ ዳማ ዳዒ ቦንቾ ኬሎና ዲንጊንታ ዲንጊሢ
(ሌዊ. ዓክ 23:33-44)

12 «ላንካሳ ዓጊና ጭራዛ ታጾ ዶንጋሳ ኬሎና ፔቴይዳ ታና ካኣሽካኒ ቡከንቴዋቴ፤ ዩኖ ቦንቾ ታና ቦንቹሢና ላንካይ ኬሊ ቦንቹዋቴ፤ ዩኖ ኬሎ ፔቴታዖ ማዶ ማዲፖቴ። 13 ዩያ ቦንቾኮ ቤርታሳ ኬሎና ቦሂሳ ባኣዚባኣ ታጾ ሃይሃ ዋፓና፤ ላምዖ ዓዴ ማራይ፤ ፔቴ ሌዔ ማዔ ታጾ ያይዶ ዓዴ ማራናይ፤ ሳዋ ታና ዋዛሳያ ማዓ ሙኡዚ ዲንጊሢ ማሂ ዲንጉዋቴ። 14 ኮይሳያ ማዔ ሃኣኮ ዲንጊያ ማዓንዳጉዲ ሪሚቶ ዛይቶና ዲርከንቴ ሸኢቺ ዲኢሊ ዔኪ ሸኢሹዋቴ፤ ዩይያ፡- ፔቴ ፔቴ ዋፓናና ዋላ ሃይሃ ኪሎ ዲኢሊ፤ ፔቴ ፔቴ ዓዶ ማራቶና ዋላ ላምዖ ኪሎ ዲኢሊ፤ 15 ፔቴ ፔቴ ዓዶ ማራናኣቶና ዋላ ፔቴ ሙርሳ ዲኢሊ ዲንጉዋቴ፤ 16 ጎሜ ጌኤሸሢሮ ማዓንዳጉ ፔቴ ኮላይ ዲንጉዋቴ፤ ዩያ ዲንጊያ ቢያ ዲንሢ ዲንጋንዳሢ ቢያ ኬሊ ሚቺ ዲንጊንታ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲሢ ማሂኬ።»

17 «ላምዓሳ ኬሎና ዓይጌያ ቦሂሳ ባኣዚባኣ ታጾ ላምዖ ዋፓና፤ ላምዖ ዓዴ ማራይ፤ ፔቴ ሌዔ ኩሜ ታጾ ያይዶ ዓዴ ማራናይ ዔኪ ሸኢሹዋቴ፤ 18 ሃኣኮ ዲንጊያና ዑዠ ዲንጊያ፡- ዋፓናና ዋላ፤ ዓዶ ማራቶና ዋላ፤ ዓዶ ማራናኣቶና ዋላ ዲንጊንቶም ጌይንቴ ጎይያ ጎይያ ዲንጉዋቴ። 19 ሚቺ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሸሢሮ ማዓ ፔቴ ኮላይ ዲንጉዋቴ።»

20 «ሃይሣሳ ኬሎና ቦሂሳ ባኣዚባኣ ታጾ ፔቴ ዋፓና፤ ላምዖ ዓዴ ማራይ፤ ፔቴ ሌዔ ማዔ ታጾ ያይዶ ዓዴ ማራናይ ዲንጉዋቴ፤ 21 ሃኣኮ ዲንጊያንታ ዑዠ ዲንጊያ፡- ዋፓናና ዋላ፤ ዓዶ ማራቶና ዋላ፤ ዓዶ ማራናኣቶና ዋላ ዲንጊንቶም ጌይንቴ ጎይያ ጎይያ

29:11 29:11 ሌዊ. ዓክ 16:29-34።

ዲንጉዋቴ። 22 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

23 «የይዳሳ ኬሎና ቦሂሳ ባኣዚባኣ ታጳ ዋፓና፣ ለምዖ ዓዴ ማራይ፣ ፔቴ ሌዔ ማዔ ታጳ ያይዶ ዓዴ ማራናይ ዲንጉዋቴ።

24 ሃኣኮ ዲንጊያንታ ዑዠ ዲንጊያ፡- ዋፓኖና ዋላ፣ ዓዶ ማራቶና ዋላ፣ ማራናኣቶ ጳኮና ዋላ ዲንጊንቶም ጌይንቴ ጎይዖ ጎይዖ ዲንጉዋቴ፤ 25 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

26 «ዶንጋሳ ኬሎና ቦሂሳ ባኣዚባኣ ታዘጳ ዋፓና፣ ለምዖ ዓዴ ማራይ፣ ፔቴ ሌዔ ማዔ ታጳ ያይዶ ዓዴ ማራናይ ዲንጉዋቴ።

27 ሃኣኮ ዲንጊያንታ ዑዠ ዲንጊያ፡- ዋፓኖና ዋላ፣ ዓዶ ማራቶና ዋላ፣ ዓዶ ማራናኣቶና ዋላ ዲንጊንቶም ጌይንቴ ጎይዖ ጎይዖ ዲንጉዋቴ። 28 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

29 «ላሃሳ ኬሎና ቦሂሳ ባኣዚባኣ ሳሊ ዋፓና፣ ለምዖ ዓዴ ማራይ፣ ፔቴ ሌዔ ማዔ ታጳ ያይዶ ዓዴ ማራናይ ዲንጉዋቴ። 30 ሃኣኮ ዲንጊያንታ ዑዠ ዲንጊያ፡- ዋፓኖና ዋላ፣ ዓዶ ማራቶና ዋላ፣ ዓዶ ማራናኣቶና ዋላ ዲንጊንቶም ጌይንቴ ጎይዖ ጎይዖ ዲንጉዋቴ፤ 31 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

32 «ላንካሳ ኬሎና ቦሂሳ ባኣዚባኣ ላንካይ ዋፓና፣ ለምዖ ዓዴ ማራይ፣ ፔቴ ሌዔ ማዔ ታጳ ያይዶ ዓዴ ማራናይ ዲንጉዋቴ፤

33 ሃኣኮ ዲንጊያንታ ዑዠ ዲንጊያ፡- ዋፓኖና ዋላ፣ ዓዶ ማራቶና ዋላ፣ ዓዶ ማራናኣቶና ዋላ ዲንጊንቶም ጌይንቴ ጎይዖ ጎይዖ ዲንጉዋቴ። 34 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

35 «ሳላሳ ኬሎና ፔቴይዳ ታና ካኣሽካኒ ቡኩዋቴ፤ ዬኖ ኬሎና ዓይጎ ማዶዋ ማዶፖቴ፤ 36 ዲዞ ዓቦ ቦሂሳ ባኣዚባኣ ፔቴ ዋፓና፣ ፔቴ ዓዴ ማራይ፣ ፔቴ ሌዔ ማዔ ላንካይ ዓዴ ማራናይ፤ ሳዋ ታና ዋዛሳያ ማዓ ሙኡዚ ዲንጊሢ ማሂ ሚቹ ዲንጉዋቴ፤ 37 ሃኣኮ ዲንጊያንታ ዑዠ ዲንጊያ፡- ዋፓኖና ዋላ፣ ዓዶ ማራቶና ዋላ፣ ዓዶ ማራናኣቶና ዋላ ዲንጊንቶም ጌይንቴ ጎይዖ ጎይዖ ዲንጉዋቴ። 38 ሚቹ ዲንጎ ዲንጊያንታ ሃኣኮ ዲንጊያንታ፤ ሃሣ ዑዠ ዲንጊያንታይዳ ቃሲ ጎሜ ጌኤሽሢረ ማዓ ፔቴ ኮላይ ዲንጉዋቴ።»

39 «ናኣሲ ኩንሥሢንታ ዲንሢ ሸኔና ዲንሢ ዲንጋ ዲንጊያንታይዳ ቃሲ ሚቹ ዲንጎ ዲንጊያ፣ ሃኣኮ ዲንጊያ፣ ዑዠ ዲንጊያና ፔቴሞና

ዒንሢ ዒንጋ ዒንጊዎ ቦንቻንዳጉዲ ጌይንቲ ቦንቻ ኬሎና ታአም ዔኪ ሺኢሹዋቲ» ጌዔኔ።

40 ናንጊና ናንጋ ጎዳ ዒዛ ዓይሤ ባኮ ቢያ ሙሴ ዒሰራዔኤሌ ዴርሞ ዬያይዲ ኬኤዜኔ።

30

ናኢቢ ዛላ ዓይሢንቲ ዳምቤ

1 ሙሴ ዒሰራዔኤሌ ፃጸኮ ሱኡጎም፡- «ናንጊና ናንጋ ጎዳ ዓይሤ ዓይሤፃ ያደከኔ፤ 2 ፔቲ ዓሲ ናንጊና ናንጋ ጎዳም ፔቲ ባኣዚ ዒንጋኒ ናኣቤቲ፣ ሃሣ ፔቲ ባኣዚ ማዳኒ ጫኣቁቲ ማዳንዳኔ ጌዔ ባኮ ኩኩንሦንጎ፤ «ያዲዳንዳኔ» ጌዔ ባኮ ሃሸፓ። 3 ሎይባኣያ፣ ዓዶ ማኣራ ዓኣ ዉዲሮ ናይ ናንጊና ናንጋ ጎዳም ፔቲ ባኣዚ ዒንጋንዳኔ ጌይ ናኣቤቲ፤ ሃሣ ፔቲ ባኣዚ ማዳንዳኔ ጌይ ጫኣቁቲ፣ 4 ዓዴ ዬያ ዋይዛዎ ለኣገባኣያ ማዔቲ ጫኣቁ ባኮዋ ማዎም ናኣቤ ናኣቦ ኩንሣንዳያ ኮይሳኔ። 5 ጋዓንቲ ዓዴ ዬያ ባኮ ዋይዛዎ ዒዛ ናኣቤ ባኮ ኩንሠዋጉዲ ለኣጋያ ማዔቲ ናኣቦ ኩኩንሦንጎ ጌይሳ ባኣዚ ባኣሴ፤ ዒዛ ዬያ ናኣቦ ኩንሣን ዳንዳዒባኣሢ ዓዴ ዒዛ ለኣገም ማዔሢሮ ናንጊና ናንጋ ጎዳ ዒዛም ዓቶም ጋዓንዳኔ» ጌዔኔ።

6 «ለዒባኣ ለኣሊ ዔሬዎ ማዔቲያ ማለባኣዎ ዳቢንቲ ናኣቤያ ማዔቲ፣ ሃሣ ዔኤቢ ማዳኒ ጫኣቁሰካፓ ለዔያ ማዔቲ፣ 7 ዓኒ ዬያ ባኮ ዋይዛዎ ለኣገባኣያ ማዔቲ ናኣቦ ማዔቲያ ዒዛ ጫኣቁ ባኮ ኩንሣን ኮይሳኔ። 8 ዓኒ ዬያ ዋይዛዎ ዒዛ ለኣገቲ ጋዓንቲ ዒዛ ኩኩንሣንዳያ ኮይሳኔ ጌይሳ ባኣዚ ባኣሴ፤ ዒዛ ናኣቦ ኩንሣን ዳንዳዒባኣሢ ዓኒ ዒዛ ለኣገም ማዔሢሮ ናንጊና ናንጋ ጎዳ ዒዛም ዓቶም ጋዓንዳኔ፤ 9 ዓኒ ሃይቁ ለኣሊታቲያ ዓንጂንቲ ኬሰኬ ለኣሊ ዓይጎጉዴ ናኣቢ ማዎም ማዳንዳኔ ጌይ ጫኣቁ ባኣዚ ኩንሣንዳያ ኮይሳኔ። 10 ለዔ ለኣሊ ናኣቢ ናኣቤቲ፣ ሃሣ ዔኤቢ ማዳንዳኔ ጌይ ጫኣቁቲ፣ 11 ዓኒ ዬያ ዋይዚ ዒዛ ለኣገባኣያ ማዔቲ ዒዛ ናኣቤ ባኮ፣ ሃሣ ማዳንዳኔ ጌዔ ባኮ ኩንሣንዳያ ኮይሳኔ፤ 12 ዓኒ ዬያ ባኮ ዋይዛዎ ዒዛ ናኣቤ ባኮ ኩንሠዋጉዲ ለኣገቲ ኩኩንሦንጎ ጌይሳ ባኣዚ ባኣሴ፤ ዒዛ ዬያ ናኣቦ ኩንሣን ዳንዳዒባኣሢ ዓኒ ዒዛ ለኣገም ማዔሢሮ ናንጊና ናንጋ ጎዳ ዒዛም ዓቶንጎ ጋዓንዳኔ። 13 ዒዛኮ ዓኒ ዒዛ ናኣቤ ናኣቦ ቃራኬ ጋዓኒ፤ ሃሣ ዒፃኒ ዳንዳዳኔ። 14 ጋዓንቲ ዒዛኮ ዓኒ ዬያ ዋይዜ ኬላፓ ዓርቃዎ ዒፃ ጌሰቲባኣያ ማዔቲ ዒዛ ናኣቤ ባኮና ማዳኒ ጫኣቁ ባኮ ኩንሣን ኮይሳኔ፤ ዓይጎሮ ጌዔቲ ዒዚ

30:2 30:2 ላሚ. ዋማ 23:21-23፤ ማቲ. 5:33።

ዬያ ዋዋይዛየ ዒዲ ገሰቲባአሢ <ቃራኬ ገዔኔ> ገይያ ዔርዛሢሮኬ።
15 ጋባንቲ ዒ ዋይዜሰካፓ ሚርገ ዴዔያ ዒዲ ገሰቲ ላኣጋያ ማዔቲ
ዬይ ናኣባ ኩሙዋየ ዓቲሢሮ ያኦጨገታንዳሢ ዒዛኬ» ገዔኔ።

16 ለውዋየ ዓዶ ማኣራ ዓኣ ዉደሮ ናይ ማዔቲያ ለዔ ላኣሊ
ናኣቢ ናኣቤቲ፤ ሃሣ ዔኤቢ ማዳንዳኔ ገይ ጫኣቄቲ ዓዶና ዓኒና
ማዳኒ ዳንዳዓ ባኮ ዛሎ ናንገና ናንጋ ጎዳ ሙሴም ዒንገ ዳምባ
ያዲኬ።

31

ሚዲያሜ ዓሳ ያሎና ያሎ

1 ናንገና ናንጋ ጎዳ ሙሴም፡- 2 «ዒሰራዔኤሌ ዓሳ ዑፃ ዔያታ
ማዳ ገና ማዳ ዛሎሮ ሚዲያሜ ዓሳ ኮሜ ኮፃ፤ ኔ ዬያይዴሰካፓ
ሃይቃንዳኔ» ገዔኔ።

3 ዬያሮ ሙሴ ዴሮም፡- «ሚዲያሜ ዓሳ ናንገና ናንጋ ጎዳም
ፑርታ ማዳ ማዳ ዛሎ ዔያቶይዳ ያልዚ ቡሊ፡ ኮሜ ኮፃኒ ያልዚም
ገኢገንቱዋቲ፤ 4 ፔቲ ፔቲ ዒሰራዔኤሌ ፃጶ ማኣራፓ ፔቲ ፔቲ ሺያ
ያላንዳ ዓቲንቁ ዶኔ፡ ያሎም ዳኩዋቲ» ገዔኔ።

5 ዬያሮ ፔቲ ፔቲ ፃጶፓ ፔቲ ሺያ ሺያ ዓሲ፤ ዋሊ ዑፃ ታጶ ላምየ
ሺያ ዓሲ ያሎም ገኢገንቲ። 6 ቄኤሳሢ ዓላዜሬ ናኣዚ፡ ፒንሃሴ
ዬያ ዓሳ ዔከ ያሎሮ ዓኣዳንዳጉዲ ሙሴ ዳኬኔ፤ ፒንሃሴ ዒማና
ገኤዠ ማኣሮይዳ ዓኣ ያኦሲም ዴማዳ ባኮንታ ያሎም ዓሳ ዔኤሊ
ገኢገሻ ዛያሢንታ ኩጫ ዔኬኔ። 7 ዬካፓ ናንገና ናንጋ ጎዳ ሙሴም
ዓይሢ ጎይፆና ሚዲያሜ ዓሳይዳ ዔያታ ያልዚ ቡሊ ዓቲንቆ ቢያ
ዋዳ። 8 ዒማና ሚዲያሜኮ ደንጎ ካኣታ ሃይቄኔ፤ ዬያታ፡- ዔዋ፡
ሬቄሜ፡ ፀራ፡ ሁሪንታ ሬባዒ ገይንታያኬ፤ ቃሲ ዔያታ ቢዖሬ ናኣዚ
ባኣላኣሜያ ዋዳ።

9 ዒሰራዔኤሌ ዴራ ሚዲያሜ ዓጮ ላኣሎንታ ናኣቶ ዴዒ
ዔኬኔ፤ ባኣቶንታ ማራቶንታ ዋኣሮንታኣ ዔኬኔ፤ ዔያቶኮ ቆሎዋ ቢያ
ቡሪ ዔኬኔ። 10 ዔያቶኮ ካታሞና ጉርዶዋ ቢያ ሚቼኔ፤ 11 ዔያታ
ዴዒ ዔኬ ዓሳንታ ቆልሞንታ ሃንጎ ባኮዋ ቢያ ቡኩሲ ዔኬ፤
12 ዮርዳኖሴ ዋሮ ሱካ፡ ዒያሮኮኮ ሆታ ዓኣ፡ ሞዓኣቤ ቦኣሎይዳ
ዴንከ ዴዒ ዓኣ ሙሴና ዓላዜሬና፤ ዬያጉዲ ዴራ ቢያሢ ዓኣ ሴዞ
ሙኬኔ።

ያሎ ዓሳኮ ማዒ ሙኪያ

13 ሙሴንታ ዓላዜሬንታ ሃንጎ ዴሮኮዋ ሱኡጋ ያሎ ዓሳ ጎይሢ
ዔካኒ ኬሰኬኔ፤ 14 ዒማና ሙሴ ያላፓ ማዔ፡ ፖኦሊሶኮ ሱኡጎ ዑፃ፤
ገይፃ፡- ሺዮ ዓሳ ዓይሢ ዓሳና ጃኤቶ ዓሳ ዓይሢ ዓሳናይዳ ዳጋዳዮ፡

15 «ለአሎ ቢያ ያደቀውን ዲንህ ዳይጎር ሃሹይ? 16 ቤርታ ፔዖሬይዳ ኑ ዓኣንቴ ባኣላኣሜ ዘር ዋይዚ ዳራ ያኦሲ ጉሙርቁያ ሃሻንዳጉዲ ማሃህ ላኣሎታህ ዲንህ ዋሊያ? ያኦሲ ዳር ዑፃኣ ዋዳ ድርዓህ ዔኪ ዩይሲሴህ ዩያ ዳቢንቶኬ፤ 17 ዩያር ሃህ ዓተንቆ ናኣቶ ቢያ፤ ሃህ ዓተንቆና ኮኣሜ ላኣሎዋ ቢያ ያደቀቱ። 18 ጋዓንቴ ኩሙያ ዉድር ናኣቶ ያደቀውን ዲንህሮ ማሃሃሹዋቱ። 19 ዲንህ ባኣካፓ ዓሲ ዋዳ ዓሲ ማዔቴያ ሌሲ ካኣሜ ዓሲ ቢያ ላንካይ ኬሊ ሄላንዳኣና ጉርዳፓ ዙላ ዳዖንጎ፤ ሃይሃሳ ኬሎና ላንካሳ ኬሎናይዳ ዲንህንታ ዲንህ ደዒ ዔኪ ሙኬ ላኣሎ ጌኤሹዋቱ። 20 ዩያጉዲ ዓይጎ ማኣያዋ ማዖም ዒልዒና፣ ዋኣሪ ጋፓኔና፤ ሃህ ገንህ ማህህና ኮሽንቴ ባኣዚ ቢያ ጌኤሹዋቱ» ጌዔኔ።

21 ቁኤሳህ፡፡ ዓላዜሬ ያላፓ ማዔ ዓተንቆም ሂዚ ጌዔኔ፡- «ናንገና ናንጋ ጎዳ ሙሴም ዲንጌ ዋጎኮ ዳምባ ያዲኬ፤ 22-23 ዋርቁ፡ ቢራ ዓንገ፡ ሞኣና ዓንገ፡ ዓንገ፡ ቆርቆሬ፤ ሃህ ገንህ ዒርሳሴ ጌይንታ ዓንጎንታ ዩያጉዳያ ታሚ ሚቺ ዔኤቢ ዋኣቱዋ ባኣዚ ቢያ ታሚና ሚቺንቴ ጌኤሽካንዳያ ኮይሳኔ፤ ታሚ ሙዓ ባኮ ጋዓንቴ ቢያ ጌኤሹያ ዳምባም ጌህንቴ ዋኣያና ማሰኪ ጌኤሹዋቱ። 24 ላንካሳ ኬሎና ዓፒሎ ዲንህን ማሰኩዋቱ፤ ዩካፓ ዳምባ ጎይያና ጌኤሽኬያ ዲንህ ማዓህሮ ጉርዶ ጌላኒ ዲንህ ዳንዳዔኔ።»

ዳዒንቴ ዔኪንቴ ባኮ ገሽኪህ ዛላ

25 ናንገና ናንጋ ጎዳ ሙሴም፡- 26 «ኔናንታ ዓላዜሬንታ ዓሶኮ ሱኡጎ ማዔ ሃንጎ ዓሶንታ ዋላ ማዒጋፓ ደዒ ዔኪ ሙኮና ዓሶንታ ቆልሞንታ፤ ዩያጉዲ ዔኪ ሙኮና ባኮ ቢያ ገይደዋቱ። 27 ዩያ ላምዖ ቤሲ ፓቂጋፓ ፔቴዘይዳ ፓቂንቴዘ ያሎ ዓኣዲ ሙኬ ዓሶም፤ ላምዓሳዞ ሃንጎ ዓሶም ዲንጉዋቱ። 28 ፖኦሊሶም ጌይንቴህዳፓ ደዒንቴ ዓሶኮ ደንጎ ጃኤታፓ ፔቴማ፤ ዩያጉዲ ባኣቶይዳፓ፡ ሃርይዳፓ፡ ማራቶና ዋኣርናይዳፓ ደንጎ ጃኤታኮ ፔቴ ኩቺ ማዓማ ዔኪ ታና፡ ናንገና ናንጋ ጎዳህም ዲንጎ ባኣዚ ማሃ ደማሲ ዲንጉዋቱ፤ 29 ታና፡ ናንገና ናንጋ ጎዳህም ደማ ዲንገህ ማሃ ቁኤሳህ ዓላዜሬም ዲንጉዋቱ። 30 ሃንጎ ደርም ዲንገንቴህዳፓ ደዒንቴ ዓሶኮ ደንገታሚ ዓሲፓ ፔቴማ፤ ዩያጉዲ ባኣቶፓ፡ ሃርይዳፓ፡ ማራቶንታ ዋኣርንታይዳፓ ደማሲ ታኣም ደማዳያ ማዔ ታኣኒ ዲንህና ካኣማ ማኣርኮ ሱኡጎ ማዔ ሊዋ ዓሶም ዲንጉዋቱ» ጌዔኔ። 31 ሙሴንታ ዓላዜሬንታ ናንገና ናንጋ ጎዳ ዔያቶ ዓይህ ባኮ ቢያ ማዳኔ።

31:16 31:16 ገረዳ ማጻፈጅ 25:1-9።

32-35 ዔያታ ፔኤም ማሂ ዔኬ ባኮዋ ገዳ ቃሳዛ ዔያታ ደዒ ዔኪ ሙኩ ባካ ያዲኩ፡- ላሆ ዔኤታና ላንካይታሚ ደንጎ ሺያ ማራይና ዋኣሪና፡ ላንካይታሚ ላምዎ ሺያ ባይ፡ ላሂታሚ ፔቴ ሃሪና ሃይሂታሚ ላምዎ ሺያ ኩሙሂ ዉዲሮ ናይናኩ። 36 ደዒንቲ ዔኪ ሙኩና ባካፕ ዛላ ያሎ ያሊ ሙኩ ዓሶም ዒንገንቲያ ማዓዛ ዩይ ባካ ሃይሂ ዔኤታና ሃይሂታሚ ላንካይ ሺያና ደንጎ ዔኤታ ዋኣሪና ማራይናኩ። 37 ዩያቶይዳፕ ላሆ ዔኤታና ላንካይታሚ ደንጎንሂ ናንገና ናንጎ ጎዳም ዒንጎ ባኣዚ ማዒ ዒንገንቲ፤ 38 ያሎ ያሊ ሙኩ ዓሶም ዒንገንቲ ባኣቶኮ ገይዳ፡- ሃይሂታሚ ሺያ ማዓዛ ዩያቶይዳፕ ላንካይታሚ ላምዎንሂ ናንገና ናንጎ ጎዳም ዒንጎ ባኣዚ ማዒ ዒንገንቲ፤ 39 ሃሂ ፖኦሊሶም ዒንገንቲ ሃራ ሃይሂታሚ ሺያና ደንጎ ዔኤታና ማዓዛ ዩያቶይዳፕ ላሂታሚ ፔቴ ናንገና ናንጎ ጎዳም ዒንጎ ባኣዚ ማዒ ዒንገንቲያኩ፤ 40 ሃሂ ፖኦሊሶም ዒንገንቲ ኩሙዎ ዉዲሮ ናኣቶኮ ገይዳ ታጾ ላሆ ሺያ ማዓዛ ዩያቶይዳፕ ሃይሂታሚ ላምዎንሂ ናንገና ናንጎ ጎዳ ማዶም ደማዶያኩ። 41 ዩያሮ ሙሴ ናንገና ናንጎ ጎዳ ዒዛ ዓይሄ ጎይዎ ዒንጎ ባኮ ናንገና ናንጎ ጎዳም ደማ ዒንገሂ ማሂ ዓላዜሬም ዒንገኔ።

42 ሃንጎ ዳሮም ዒንገንቲሂ ያሎ ያሌ ዓሶም ዒንገንቲሂና ዋላ ሄኮ ማዔ ባኣዚኩ፤ 43 ዩይያ፡- ሃይሂ ዔኤታና ሃይሂታሚ ላንካይ ሺያና ደንጎ ዔኤታ ማራይና ዋኣሪና፡ 44 ሃይሂታሚ ላሆ ሺያ ባይ፡ 45 ሃይሂታሚ ሺያና ደንጎ ዔኤታ ሃሪንታ፡ 46 ታጾ ላሆ ሺያ ኩሙሂ ዉዲሮ ናይንታኩ። 47 ዩያ ባኮይዳፕ ሙሴ ደንገታም ዓሶፕ ፔቴማ፤ ዩያጉዲ ሃሂ ደንገታም ቆልማፕ ፔቴማ ዔኪ ዔኪ ናንገና ናንጎ ጎዳ ዓይሄ ጎይዎና ያኦሲ ዳሮና ካኣማ ማኣሮኮ ሱኡጎ ማዔ ሌዊ ዓሶም ዒንገኔ።

48 ዩካፕ ፖኦሊሶኮ ሺዮ ሺዮና ዔኤቶ ዔኤቶና ዓይሂ ዓሳ ሙሴ ኮይላ ሙኩ፡- 49 «ጎዳሂዮ! ኑኡኒ ዓይሂ ዋይሂ ፖኦሊሶ ቢያ ኑ ገይዳ፤ ዔያቶይዳፕ ፔቴታዎ ፓጩያ ባኣሴ፤ 50 ዩያሮ ኑኡኒ ፔቴ ፔቴሂ ዔኬ ዋርቆ ፓልማሂ፤ ጌይዎ፡- ቶካ ዓኣሂ ጋዋ፡ ኩጮ ጋዋ፡ ከኤሎ ዠሊራሂ፡ ዋያ ዓኣሂ ባኮንታ ሆላ ማኣምሂንታ ቢያ ጎም ኑኡኮ ጌኤቫንዳጉዲ ጎዳም ዒንጎ ዒንገሂ ማሂ ኑ ዔኪ ሙኩ» ጌዔ። 51 ሙሴና ዓላዜሬና ፓልም ማሂ ማከፍንቲ ዋርቆ ቢያ ዔኬኔ። 52 ያሎ ያላ ሺዮ ዓሶ ዓይሂዛንሂና ዔኤቶ ዓሶ ዓይሂዛንሂናይዳፕ ናንገና ናንጎ ጎዳም ዒንገሂ ማዒ ዒንገንቲ ዋርቆኮ ዳኤሆማ ላምዎ ዔኤታ ኪሎ ማዓያኩ። 53 ፖኦሊሶኮ ሱኡጎ ማዒ ባኣ ያሎ ዓሳ ጋዓንቲ ደዒ ዔኪ ሙኩ ባኮ ፔኤሮ ማሂ ዔኬኔ። 54 ዩያሮ ሙሴና ቄኤሳሂ፡ ዓላዜሬና ጎዳ ዒሰራዔኤሌ ዓሶ ጾቂሂ

ማኣዳንዳጉዲ ያሎ ያላ ሺዮ ዓሶና ጻኤቶ ዓሶና ዓይሣ ዓሶፓ ዋርቆ ዔኪ ያኑሲ ዴሮና ካኣማ ዓፒላፓ ማዦና ማኣሮ ጌልዜኔ።

32

ዮርዳኖሴኮ ዓባ ኬሰካ ባንፃ ዓኣ ዓሶ
(ላሚ. ዋማ 3:12-22)

1 ሮኦቤኤሌና ጋኣዴ ማኣሮ ዓሶናኮ ሚርጌ ቆልሞ ዓኣሣሮ ያዕዘሬና ጌሌዓዴና ዓጫ ቆልሞም ጌኢጋያ ማዔሣ ዛጋዖ፡-
2 ሙሴንታ ዓላዜሬንታ ዴሮኮ ሱኡጎ ማዔ ሃንጎ ዓሶ ኮይላ ዴንዲ፡
3-4 «ሃይ ዒሰራዔኤሌ ዓሳ ዔካንዳጉዲ ናንጊና ናንጋ ጎዳ ማኣዴ፡-
ዓፃሮቱ፡ ዲቦኔ፡ ያዕዘሬ፡ ነሚራ፡ ሃሴቦኦኔ፡ ዔልዓሌ፡ ሲቢማ፡
ኔቦንታ ቤዖኔንታ ካታሞኮ ዓኣ ሳዓ ቆልሞም ጌኢጋያኬ፤ ኑኡኮ
ሚርጌ ቆልሞ ዓኣኔ፤ 5 ዒንሣ ኑና ቦንቹያ ማዔያታቱ ዬኖ ሳዖ ኑና
ዒንሣኮ ዓይሎም ኑ ዓጪ ማሃ ዒንጉዋቱ፤ ዮርዳኖሴ ዋር ሱኮ ኑ
ፒንቂ ዒኢካ ዴዓንዳጉዲ ኑና ዳኪፖቱ» ጌዔኔ።

6 ሙሴ ዔያቶም ማሃዖ፡- «ዒንሣ ዒጊኖ ማዔ፡ ዒሰራዔኤሌ
ዓሳ ያሎይዳ ዓኣዳዛ ዒንሣ ሃይካ ዓታኒ ኮዓ? 7 ዒሰራዔኤሌ
ዴሮ ዮርዳኖሴና ፒንቂ፡ ናንጊና ናንጋ ጎዳ ዔያቶም ዒንጋ ዓጮ
ጌሉዋጉዲ ዓይጋ ዒንሣ ጎጆ ዔያቶኮ ዋኣፃሳይ? 8 ሃያኮ ቤርታ
ዬኖ ዓጩሎ ዴንዲ ሙራንዳጉዲ ቃዴሴባርኔይዳፓ ታ ዔያቶ
ዳኬ ዋዶና ዒንሣኮ ዓዶንሣ ዒማይዴኔ፤ 9 ዒማና ዔያታ ዴንዲ
ዔሸኮሌ ዶኦጮ ሃላንዳኣና ዓጩሎ ዛጌኔ፤ ጋዓንቲ ዒኢካፓ ዔያታ
ማዓዖ ዴራ፡- ናንጊና ናንጋ ጎዳ ዒንጋ ሳዔሎ ጌሉዋጉዲ ዓሶኮ
ጎጆ ዋኣፃሳ ባኣዚ ኬኤዜኔ። 10-11 ዬኖ ኬሎና ናንጊና ናንጋ
ጎዳ ሚርጌና ዳጋዳዖ፡- ታና ዔያታ ጉሙርቂ ዶዲ ዴዒባኣሣሮ
ጌብፃ ዓጫፓ ኬሰከ፡ ለዓ ላማታሚና ዬካፓ ዑሣ ማዔ ዓሲ
ቢያ ታኣኒ ዓብራሃሚም ዪሳኣቁም ሃሣ ያይቆኦም ዒንጋንዳኔ
ጌዔ ዓጮ ፔቲታዖ ጌሊንዳዋኣሣ ታ ጫኣቁኔ።» 12 ዬይ ጫኣቁማ፡-
ያኡሲም ጉቤ ዒናፓ ዓይሣንታያ ማዔ፡ ቁኔዛ ዓጮ ዓሣ ዪፑኔ
ናኣዚ ካኣሌቤና ኔዋ ናኣዚ ዒያሱናፓ ዓታዛ ሃንጎ ዓሶ ቢያሣዳ
ማዳንቲ ኩማንዳያኬ። 13 ናንጊና ናንጋ ጎዳ ዴሮ ዑፃ ሚርጌና
ዳጋዳ ዔቁሣሮ ዬና ያኣሲ ያዩሴ ሸይንታ ቢያ ኩዳንዳዖ ሃላንዳኣና
ያይዲታሚ ለዔ ጉቤ ዓሲ ናንጉዋ ዳሙሎይዳ ሜታዲ ዔያታ
ሃንታንዳጉዲ ማሄኔ፤ 14 ሃሣ ዒንሣያ ዒንሣኮ ዓዶንሣ ቤዛ
ኬሰከ፡ ናንጊና ናንጋ ጎዳኮ ዳጎ ዒሰራዔኤሌ ዓሶ ዑፃ ዔኪ ሙካኒ

32:9 32:9 ገይ. ማፃ 13:17-33። 32:13 32:13 ገይ. ማፃ 14:26-35።

ገደገነት ጎሜ ማዳ ሾይንቲ ማዕኔ። 15 ዒንሢ ርክቤኤሌና ጋኣዳና
ዓሳ ናንገና ናንጋ ጎዳ ሃሢ ጋዓ ገንፆ ዓኣዲፆ ዒንሢ ዒፃቴ ዒዚ
ሃሢ ሃፆ ዳሮ ዓሲ ናንጉዋ ዳውሎይዳ ሃሻንዳኔ፤ ዬያሮ ዔያቶይዳ
ሄላ ባይሲንቶ ዛሎ ዒንሢ ፆኦጪንታፆ ማዓንዳኔ» ጌዔኔ።

16 ዬካፓ ሃሢ ዔያታ ሙሴ ኮይላ ሙኪ፡- «ቤርታዲ ሃካ ኦኡኮ
ቆልሞም ሞኦሢ፤ ሃሢ ኦኡኮ ናኣቶማኣ ኦኡኒ ካታማ ማዠም፤
17 ዬያይዴሰካፓ ኦኡኮ ዒጊኖ፡ ዒሰራዔኤሌ ዓሰና ዋላ ፆላ ፆሎሮ
ዓኣዳኒና ዔያቶሮ ማዕ ዓዔሎ ጌሊ ዔያታ ዳዓንዳፆ ሄላንዳኣና
ቤርታ ኬሰኪ ፆልታኒ ኦ ገደገነታንዳኔ፤ ኦኡኒ ዬያይዲ ማዕ
ሙካንዳፆ ሄላንዳኣና ኦኡኮ ናኣታ ሄዲ ኦ ዶዲሺ ዲርቂ ማዠፍ
ካታሞይዳ ዳዓንዳኔ፤ ሃኖ ዓጮይዳ ናንጋ ዓሳ ሙኪ ዔያቶይዳ
ፑርታ ባኣዚ ሄሊሳኒ ዳንዳዒንዳሞሴ። 18 ሃንጎ ዒሰራዔኤሌ ዓሳ
ቢያ ዔያቶም ዒንገነት ሳፆ ዳንቃንዳፆ ሄላንዳኣና ኦኡኒ ኦ ማኣሪ
ማዓዓከ፤ 19 ኦኡኒ ኦም ማዓንዳ ቤሲ ሃካ፡ ዮርዳኖሴ ዋሮኮ ዓባ
ኬሰካ ባንፃ ዓከሢሮ ሱካ ዔያቶም ዒንገነታ ሳዓፓ ፔቴታፆ ቤሲ ኦ
ዔካዓከ» ጌዔኔ።

20 ሙሴ ዔያቶም፡- «ዬይ ዒንሢ ጌዔ ባካ ጎኔታቴ ናንገና ናንጋ
ጎዳ ፆሎ ፆላኒ ዳንዳሮ ሃይካ ገደገነቱዋቴ። 21-22 ዒንሢዳፓ ፆሎ
ፆላንዳ ዓሳ ቢያ ዮርዳኖሴ ዋሮና ፒንቁ ናንገና ናንጋ ጎዳ ዓይሃ
ጎይፆና ኦኡኮ ሞርኮይዳ ፆልዚ ቡሊ፡ ናንገና ናንጋ ጎዳ ዔያቶ ባሺ
ዔያቶኮ ሳፆ ዔካንዳፆ ሄላንዳኣና ፆልታንዳፆ ኮይሳኔ፤ ዬያ ዒንሢ
ማዳሰካፓ ማዓኒ ዳንዳዓኔ፤ ዬያይዴቴ ፆኦሲንታ ዒንሢኮ ዒጊኖ
ዒሰራዔኤሌ ዓሰንታም ማዳኒ ኮይሳ ባኮ ዒንሢ ማዳኔ ጌይሢከ፤
ዬካፓ ዮርዳኖሴ ዋሮኮ ዓባ ኬሰካ ባንፃ ዓኣ ሳዓ ዒንሢሮ ማዕሢ
ናንገና ናንጋ ጎዳ ዒንሢም ጎናሲ ዔርዘንዳኔ። 23 ዒንሢ ጌዔ
ባኮ ማዳ ኩንሢባኣቴ ናንገና ናንጋ ጎዳም ዒንሢ ዓይሢንቶ ዓዲ
ዳቢንቱፆ ማዓንዳሢ ላቲ ታ ዒንሢም ኬኤዛኔ፤ ዬያ ዳቢንቶ ዛሎና
ሜታ ዒንሢ ሄላንዳሢፆ ዔሪ ዴዑዋቴ። 24 ዬያሮ ዒንሢኮ ካታሞና
ዒንሢኮ ቆልሞማኣ ሞኦሢ ዲርቁዋቴ፤ ጋዓንቴ ዒንሢ ማዳንዳኔ
ጌዔ ባኮ ማዳ ኩንሡዋቴ» ጌዔኔ።

25 ጋኣዳና ርክቤኤሌና ዓሳ፡- «ኦ ጎዳሢዮ! ኦ ኦና ዓይሢ ጎይፆ
ቢያ ኦ ማዳንዳኔ። 26 ኦኡኮ ላኣላ፡ ናኣታ፡ ባኣቶንታ ማራቶንታ ሃይካ
ጌሊዓይይዳ ዳዓንዳኔ ጌይሢከ፤ 27 ኦኡኒ ቢያሢ ጋዓንቴ ኦ ዓይሢ
ጎይፆና ፆሎሮ ገደገነት ናንገና ናንጋ ጎዳ ዳዋ ጎይፆ ፆልታኒ ሱኮ ኦ
ፒንቃንዳኔ» ጌዔኔ።

28 ዬያሮ ሙሴ ቁኔሳሢ፡ ዓላዜሬና ኔዋ ናኣዚ ዒያሱና ሃንጎ
ዒሰራዔኤሌ ዴሮኮ ፆጶ ፆጶ ሱኡጎም ዬያ ዓሰም ማዓ ዓይሢሢ ሢዚ
ጌይ ዓይሢኔ፡- 29 «ጋኣዳና ርክቤኤሌና ዓሳ ዮርዳኖሴ ዋሮና ፒንቁ

ናንገና ናንገ ጎዳ ያለሳ ያሎም ገአጊነታያ መዒ፥ ዔያቶ መአደና
ዓጩሎ ጌሊ ዒንሢ ዔካያ መዒቴ ጌሌዓዴ ዓጩ ዔያቶ ዓጩ መሃ
ዔያቶም ዒንጉዋቴ። 30 ዮርዳኖሴና ፒንቁ፥ ዒንሢና ዋላ ያሎይዳ
ዓአዲዎያ ዔያታ መዒቴ ጋዓንቴ ዓዳ ዒንሢጉዲ ካኣናኔ ዓጩይዳ
ዔያቶሮ መዓ ሳዓ ዔያቶም ዒንጊንቶንጎ።»

31 ጋአዴና ሮኦቤኤሌና ዓሳ፡- «ኑ ጎዳሢየ! ናንገና ናንገ ጎዳ ኑና
ዓይሢ ባኮ ቢያ ኑ መዳንዳኔ፤ 32 ዒዚ ኑና ዔኪ ዓአዳ ጎይፆና ካኣናኔ
ዓጩ ኑ ፒንቃንዳኔ፤ ሃካ ዮርዳኖሴ ዎሮኮ ዓሳ ኬሰካ ባንፃ ዓአ ሳፆ
ኑም መሃሂ ያሎይዳ ኑ ዴንዳንዳኔ» ጌዔኔ።

33 ዬያሮ ሙሴ ዓሞራ ዓጩ ካኣቲ ሲሆኔና ባኣሳኣኔ ዓጩ ካኣቲ
ያገናኮ ዓጩ፤ ሃሃ ዔያቶ ዓጩኮ ኮይላ ዓኣ ካታሞንታ ዓጩዎ
ጊዳ ቃሲ፤ ጋአዴና ሮኦቤኤሌ ዓሰናም፥ ዬያጉዲ መናኣሴ ዓሰማኣ
ዛሎ ዒንጌኔ፤ 34 ጋአዴ ዓሳ፡- ዙሎ ቢያ ዲርቆና ዲቦኔ፥ ዓፃሮቴ፥
ዓሮዔኤሬ፥ 35 ያዕሮትሾፓኔ፥ ያዕዜሬ፥ ዮግቤሃኔ፥ 36 ቤትነምራኔንታ
በትሃራኔ ጌይንታ ካታሞ ጊንሣ ኮሺ መዝፍ ባኣቶማኣ ባርታ ዲርቁኔ።

37 ሮኦቤኤሌ ዓሳ፡- ሃሴቦኦኔ፥ ዔልዓሌ፥ ቁሪያታይመ፥ 38 ኔቦኔ፥
ጊንፃፓ ሱንፃ ላኣመንቴ ባዓልመፆኔና ሲበመ ካታሞ ጊንሣ ኮሺ
መዝፍ፤ ዔያታ ዬያ ጊንሣ ኮሺ መዝፍ ካታሞም ዓኪ ሱንሢ ጌሢኔ።

39 መናኣሴ ናኣዚ መኪሬ መኣሮ ዓሳ፡- ጌሌዓዴ ዓጩ ያሊ ዔኬኔ፤
ዒኢካ ናንገ ዓሞራ ዓሰዋ ደውሴኔ። 40 ዬያሮ ሙሴ ጌሌዓዴ ዓጩ
መኪሬ መኣሮ ዓሰም ዒንጌም፥ ዔያታ ዒኢካ ናንጌኔ። 41 መናኣሴ
መኣሮ ዓሰፓ ያዒሬ ጎሮሢ ፔቴ ፔቴ ጉርዳይዳ ያልዚ ቡሊ ዬኖ ጉርዶ
ዔካፆ፡- «ያዒሬ ጉርዶ» ጌይ ሱንሢ ጌሢኔ። 42 ኖባሄ ጎሮሢ ሃሃ
ቁናቴ ጌይንታ ካታሞና ኮይላ ዓኣ ጉርዳይዳ ያልዚ ቡሊ ባሺ
ዔኬኔ፤ ዬያ ቤዘኮ ሱንፆ «ኖባሄ» ጌይ ፔ ሱንፆ ጌሢኔ።

33

ዒሰራዔኤሌ ዓሳ ጊብፃፓ ሞዓኣቤ ሄላንዳኣና ሃንቴ ጎይፆ

1 ዒሰራዔኤሌ ዓሳ ፔኤኮ ፃፂና ፃፂና ፓቁንቴ ሙሴና ዓኣሮኔና
ዔያቶ ዔኪ ዓአዳም ጊብፃፓ ኬሰካፆ ዴንዲ ዴንዲ ዴዔ ቤዘ ዔርዛ
ሃይሳ ያዲኬ፡- 2 ዒመና ዔያታ ዴንኪ ዴንኪ ዴዔ ቤዘኮ ሱንፆ ናንገና
ናንገ ጎዳ ዓይሢ ጎይፆ ሙሴ ፃኣፔኔ።

3 ዒሰራዔኤሌ ዴራ ጊብፃ ዓጩፓ ኬሰኬሢ ሌዖኮ ቤርታሳ ዓጊና
ፄኤሬንቴ ታፂ ዴንጋሳ ኬሎና ጌይፆ ዑሣ ዓኣዲፆ ቦንቾ ኬሎኮ
ጉቶኬ፤ ጊብፃ ዓሳ ቢያ ሆታ ዔያቶ ዛጋንቴ ናንገና ናንገ ጎዳ
ዔያቶ ካፔም ራምሴ ካታሞፓ ዔያታ ኬሰኬኔ፤ 4 ጊብፃ ዓሳ ዒመና

32:32 32:32 ዓ.ያ. 1:12-15::

ናንገና ናንገ ጎዳ ዔያቶኮ ዎዴ፥ ቶይዶ ናኣቶ ዲኡካኔ፤ ናንገና ናንገ ጎዳ ዔያይዲ ዎጊ ጊብፄ ዓጫ ካኣሽከንታ ያኣዛ ገሠብዎያ ማዔህሂ ዔርዜኔ።

5 ዒሰራዔኤሌ ዓሳ ራሞሴይዳፓ ዔቂ ዴንዲ ሱኮቲይዳ ዲንኪ ዴዔኔ፤ 6 ዩካፓ ዔቂ ዓሲ ናንጉዎ ደውሎኮ ጋፒንጎይዳ ዓኣ ዔታሜ ጎዎ ቤዛ ዲንኪ ዴዔኔ፤ 7 ጊንህ ሃህ ባዓልፃፖኔኮ ዓባ ኬሰካ ባንፃ ዓኣ ፒሃሂርቲ ባንህ ማዒ ማግደሌ ዓጮኮ ሆታ ዲንኪ ዴዔኔ፤ 8 ዩኖ ቤዛፓ ዔቂ ዘቂ ባዘና ፒንቃፃ ሹሪ ቦኣሎ ሙከኔ፤ ዩኖይዳፓ ሃይሆ ኬሊ ሃንታፃ ማኣራ ጎዎ ቤዛ ዲንኪ ዴዔኔ፤ 9 ማኣራይዳፓ ዔቂ ታጳ ላሞፃ ዎኣህሂ ዓልቃ ቤሲና ላንካይታሚ ቲሞሬ * ሚህሂ ዓኣ፥ ዔለሚ ዴንዲ ዒኣካ ዲንኪ ዴዔኔ።

10 ዩኖ ቤዛፓ ሃህ ዔቂ ዘቂ ባዘ ኮይላ ዲንኪ ዴዔኔ፤ 11 ዘቂ ባዘ ኮይላፓ ዔቂ ዓሲ ናንጉዎ ሲና ደውሎይዳ፤ 12 ሲና ቦኣላፓ ዔቂ ዳፒቃ ጎዎ ቤዛ፤ 13 ዳፒቃፓ ጊንህ ዔቂ ዓላሹይዳ፤ 14 ሃህ ዓላሹይዳፓ ዔቂ ፀብኮ ዎኣህሂባኣ፥ ሬፕዲሜይዳ ዲንኪ ዴዔኔ።

15-37 ሬፕዲሜይዳፓ ዔቂ ዴንዲ ሆኦሬ ዲኮ ሄላንዳኣና ዔያታ ዲንኪ ዴዔ ቤዛ ሃካፓ ሊካ ፓይዲንታ ቤዘከ።- ዓሲ ናንጉዎ ሲና ደውላ፥ ቁብርት ሃትዓዎ †፥ ሃፄርቲ፥ ሪቲማ፥ ሪሞንፔሬዜ፥ ሊቢና፥ ሪሳ፥ ቁሄላፓ፥ ሹፔሬ ዲኮ ኮይላ፥ ሃራዳ፥ ማቅሀሎቲ፥ ታሃቲ፥ ታና ሚትቃ፥ ሃሸሞና፥ ሞሴርቲ፥ ቤኔያዕቃ፥ ሆርሃጊድጋኣዴ፥ ዮፀባታ፥ ዓብሪና፥ ዔፃዮንጋብሬ፥ ፃኔ ቦኣሎይዳ፤ ጌይፃ፥ ቃዴሴይዳ፥ ዔዶኦሚ ዓጮኮ ዛጳ ዓኣ ሆኦሬ ዲኮ ኮይላ ዲንኪ ዴዔኔ።

38-39 ቁኤሳህሂ ዓኣርኔ ናንገና ናንገ ጎዳ ዓይህም ሆኦሬ ዲኮ ኬሰከ፥ ዒሰራዔኤሌ ዓሳ ጊብፄ ዓጫፓ ኬሰከንቲ ያይዲታማሳ ሌዎኮ ደንጋሳ ዓጊና ፄኤሮ ፄኤሬ ዓቦና ሌዓ ዒዛኮ ፄኤታና ላማታሚ ሃይሆ ማዔንቲ ዒኣካ ሃይቁኔ።

40 ዒማና ካኣናኔ ዓጫ፥ ድኦሎ ዛለና ዓኣ ዓራዴ ዓጮይዳ ናንገ፥ ካኣናኔ ዓሲ ማዔያታፃ ዓራዴ ዓጮኮ ካኣቲሰኬይ ዒሰራዔኤሌ ዓሳ ሙከህሂ ዎይዜኔ።

41-49 ሆኦሬ ዲኮ ኮይላፓ ዴንዲ ሞዓኣቤ ቦኣሎ ሄላንዳኣና ዒሰራዔኤሌ ዓሳ ዲንኪ ዴዔ ቤዛ ሃካፓ ሊካ ፓይዲንታ ቤዘከ።- ፄልሞና፥ ፑኖኔ፥ ያቦቲ፥ ሞዓኣቤ ዓጮ ዛጳ ዓኣ ዓባሪሚ፥ ዲቦንጋኣዴ፥ ዓልሞንዲብላታይሚ፥ ናባው ዲኮኮ ሆታ ዓኣ

* 33:9 33:9 ቲሞሬ ዩና ሚጻላ ሚኤፄ ማላያታፃ ዓኣፓ ሙሙይንታ ሚህሂከ።
† 33:15-37 33:15-37 ቁብርት ሃትዓዎ ዩና ቤዛ «ዓፃዲህ ዲኡፒ» ጌይንቲ ቤዘከ።
33:38-39 33:38-39 ገይ. ማፃ 20:22-28፤ ላሚ. ሞፃ 10:6፤ 32:50። 33:40 33:40 ገይ. ማፃ 21:1።

ዓብሪሜ ደኩ ኮይላ፡ ዲያርኮኮ ሆታ ዓኣ ሞዓኣቤ ቦኦሎይዳ፤ ጌይ፡- ሻር ካር ጌይንታ ቤዘገ ዳንዲ ሻር ደኦጮ ጌይንታ ቤዘ ሄላንዳኣና ዲንኪ ዳዔኔ።

ዒሰራዔኤሌ ዓሳ ዮርዳኖሴ ዎርና ፒንቁዎንቲ ዒንገንቲ ዳምቦ
50 ዲያርኮኮ ሆታ፡ ዮርዳኖሴ ዎር ሱካ፡ ሞዓኣቤ ቦኦሎይዳ ዔያታ ዓኣንቲ ዒሰራዔኤሌ ዳሮም ኬኤዘንታዲ ናንገና ናንጋ ጎዳ ሙሴም ዒንጌ ዳምባ ሃካገ ሊካ ኬኤዘንታሂኩ፡- 51 «ዮርዳኖሴና ፒንቁ ካኣናኔ ዓጮ ዒንሂ ጌሌ ዎደና፡ 52 ዬና ዓጮይዳ ናንጋ ዓሳ ቢያ ዒንሂ ቤርታገ ደውሲ ኬሱዎቲ፤ ዔያቶኮ ሹጮና ዓንጎናይዳገ ኮሺንቲ ካኣሸኮ ጾኦዘ ማንሂ ሳይዙዎቲ፤ ጌሜርይዳ ዔያቶኮ ማዢንቲ ማዢንቲ ዓኣ ዘጎ ቤዘዎ ሻሂ ሳይዙዎቲ። 53 ታ ዒንሂም ዒዞ ዒንጌያታሂር ዓጮሎ ዔኪ ዒዞይዳ ናንጉዎቲ። 54 ሳዔሎዎ ደማ ደማ ፃጸና ቶኦኮና ቶኦኮና ማዒጋገገ ዒፃ ዓገ ጊሸቲ ዔኩዎቲ፤ ዓሳ ደቤ ቶኦኮም ዳልገ ሳዓ፡ ዓሳ ዳካ ማዔ ቶኦኮም ዳካ ሳዓ ዒንገንቶንጎ። ፔቲ ፔቲሂም ዒፃሂ ኬዳ ቤዘ ዔያቶር ማዓንዳኔ፤ ዔያታ ፔኤኮ ዓደንሂ ሱንጾና ሱንጾና ፔ ሳዓ ማሂ ዔኩንጎ። 55 ዓጮሎይዳ ናንጋ ዓሳ ቢያ ዒንሂ ዳኪ ባይዘባኣያታቲ ጋዓንቲ ዓኣገሮይዳ ዒንሂኮ ቡኡራጉዲ፡ ጎኦይዳ ዒንሂኮ ጫርጋ ዓንገሂጉዲ ማዒ ዒንሂ ማታሳንዳኔ፤ ዒንሂ ጄዔ ዓጮይዳ ቢያ ኬሊ ጾልዚና ዔያታ ዒንሂ ማታሳንዳኔ። 56 ዒንሂ ዔያቶ ዳኪ ባይዘባኣያታቲ ዔያቶ ባይዘኒ ማሌ ጎይፃ ዒንሂ ታ ባይዘንዳኔ» ጋዓያኩ።

34

ዒሰራዔኤሌ ዓሳ ዓጮኮ ዘጸ
1 ናንገና ናንጋ ጎዳ ሙሴም፡- 2 «ዒሰራዔኤሌ ዓሰም ሂዚ ጌይ ዓይሄ፤ ታኣኒ ዒንሂም ዒንጋ ካኣናኔ ዓጮሎ ዒንሂ ጌሌ ዎደና ዒንሂ ዓጮኮ ዘጸ ሃካገ ሊካ ኬኤዘንታ ጎይፃ ማዓንዳኔ፤ 3 ዓጮኮ ደኦሎ ዘሎ ዘጸ ዓሲ ናንጉዎ ጂኢኔ ደውላገ ዔቃፃ ዔደኦሜ ዓጮኮ ዘጸማ ዓርቂ ዓኣዳያ ማዓንዳኔ፤ ዬይ ዓርቃንዳሂ ዓባ ኬሰካ ዘሎና ሶኦጌ ባዚኮ ደኦሎ ዘላገኩ። 4 ዬይና ጌዒ ኮርናሂ ቶኦሎ ባንሂ ሊካ ዓኣዲ፡ ጂኢኔይደና ዳንዲ ቃደሴ ባርኔ ሄላኔ፤ ዬካገ ሃሃ ሃደርዳደሬ ጌይንታ ቤዘኮ ኬደ ዘላ ዓባ ጌላ ባንጾና ጌዒ ያደሞኔ ሄላንዳኔ፤ 5 ገንሃ ሃሃ ገብፃ ዓጮይዳ ዓኣ ዘርና ሺሪ፡ ማዲቲራኒያ ባዞ ሄሊ ጋገያ ማዓንዳኔ። 6 ዓባ ጌላ ዘሎ ዘጸ ማዲቲራኒያ ባዞ

33:54 33:54 ገሌ. ማጻ 26:54-56።

ማዕንዳኔ። 7 ከደ ዛሎ ዛጳ ሜዲቴራኒያ ባዙ ዓጮ ዓርቁ ዴንዲ ሆኑሬ ዲኮ ጊዴና ጊዳ። 8 ሃማቲ ባንሢ ዴንዲ ጎይያ ሄላንዳኦና ማላታ ማዕ ባኦዚ ጊሡዋቲ፤ ዩካፓ ዛጳ ጴዳዴ ሄላንዳኦና ዓኦዳዎ። 9 ዚፒሮኔና ፒንቁ ጋፒንፃ ሃፃርዔናኔይዳ ማዕንዳኔ፤ ዩይ ዒንሢኮ ከዴና ዛጳኬ። 10 ዓባ ኬሰካ ዛሎ ዛጳኮዋ ሃፃርዔናኔይዳፓ ዴንዲ ሹፓሚ ሄላንዳኦና ማላታ ማዕ ባኦዚ ጊሡዋቲ፤ 11 ዩካፓ ዓይኔ ጊይንታ ቤዘኮ ዓባ ኬሰካ ባንፆና ራብላ ሄላንዳኦና ዓኦዲ ጌለላ ባዘኮ ዓባ ኬሰካ ዛሎና ዓኦ ጊሚሮ ሄላንዳኦና ዓኦዳዎ። 12 ዮርዳኖሴ ዋሮ ሄሊ፤ ጋፒንፃ ሶኦጌ ባዚ ማዕንዳኔ። ዩይ ዒንሢ ዛጳ ማዕንዳኔ » ጊዔኔ።

13 ዩያሮ ሙሴ ዒሰራዔኤሌ ዓሶም፡- «ታዘጳና ዛላና ማዔ ፃጳ ማኦሮም ዒፃ ዓጊ ዒንጊንታንዳጉዲ ናንጊና ናንጋ ጎዳ ዓይሢ ሳዓ ያዲኬ፤ 14 ሮኦኤሌና ጋኦዴና ዓሳ፤ ሃሣ ሚናኦሴ ዓሶኮዋ ዛላ ፔ ማኦሮ ዓሶና፤ 15 ዮርዳኖሴ ዋሮኮ ሶ ሱካ፤ ዒያርኮኮ ሆታ፤ ዓባ ኬሰካ ባንፆይዳ ዓኦ ሳዎ ጊሹቲ ዔኬኔ» ጊዔኔ።

ሳዎ ጊሸካንዳጉዲ ቢታንታ ዒንጊንቲ ዓሶ

16 ናንጊና ናንጋ ጎዳ ሙሴም፡- 17 «ቁኤሳሢ ዓላዜሬና ኔዋ ናኦዚ ዒያሶና ዓጮሎ ዴሮም ጊሸኪ ዒንጎንጎ፤ 18 ዔያቶ ማኦዳንዳጉዲ ፔቴ ፔቴ ፃጳፓ ፔቴ ፔቴ ሱኡጌ ዔኬ» ጊዔኔ።

19 ዩና ዓሳ ሃካፓ ሊካ ፓይዲንታ ዓሶኬ፡- ዩሁዳ ማኦራፓ ዪፑኔ ናኦዚ ካኦሌቤ፤ 20 ሲሞኦኔ ፃጳፓ ዓምሁዴ ናኦዚ ሴላሚዔኤሌ፤ 21 ቢኢኒያሚ ፃጳፓ ኪሰሎኔ ናኦዚ ዔልዳዴ፤ 22 ዳኦኔ ፃጳፓ ዮገሊ ናኦዚ ቡቁ፤ 23 ዮሴፔ ናኦዚ ሚናኦሴ ፃጳፓ ሱፒዴ ናኦዚ ዓንዔኤሌ፤ 24 ዮሴፔ ናኦዚ ዔፕሬኤሚ ፃጳፓ ሹፕፃኔ ናኦዚ ቁሙዔኤሌ፤ 25 ዛብሎኦኔ ፃጳፓ ፔርናኬ ናኦዚ ዔልሳፒኔ፤ 26 ዪሳኮኦሬ ፃጳፓ ሆዛ ናኦዚ ፔፂዔኤሌ፤ 27 ዓሴኤሬ ፃጳፓ ሴሌሚ ናኦዚ ዓሂሁዴ፤ 28 ኒፕታኦሌኤሚ ፃጳፓ ዓምሁዴ ናኦዚ ፒዳሄሌ ጊይንታዘንሢኬ።

29 ዩና ዓሳ ዒሰራዔኤሌ ዴሮም ካኦናኔ ዓጮይዳ ማዕ ሳዎ ሳዎ ጊሸኪ ዒንጋንዳጉዲ ናንጊና ናንጋ ጎዳ ዓይሢ ዓሶኬ።

35

ሌዋ ዓሶም ዒንጊንቲ ካታሞ

1 ዒያርኮኮ ሆታ፡- ዮርዳኖሴ ዋሮኮ ሱካ፤ ሞዓኦቤ ቦኦሎይዳ ናንጊና ናንጋ ጎዳ ሙሴም፡- 2 «ዒሰራዔኤሌ ዓሳ ዔያቶም ዒንጊንቲ ሳዎይዳፓ ሌዋ ዓሳ ናንጋንዳ ካታማና ካታሞኮ ኮይሎይዳ ቆልሞ

34:15 34:15 ዒያ. 14:1-5።

ሄንቃንዳ ቤሲያ ዲንጋንዳጉዲ ኬኤዜ፤ ³ ዩንሢ ካታሞንሢ ለዌ ዓሰ ቤሲ ማዕም ዔያታ ዲኢካ ናንጋንዳ፤ ቆልማ ሄንቃ ቤዛኣ ዔያቶኮ ባኣቶና ሚሌ ቆልሞናም ማዕንዳ፤። ⁴ ቆልማ ሄንቃ ቤዛ ካታሞኮ ዙሎና ዲርቆና ዲፃፓ ቢያ ዛሎና ደንጎ ጭታ ማዕታኣኪሢ ዳልገ ዳንዳያ ማዕንጎ። ⁵ ያዲ ማዕዛ ካታሚላ ሳዛ ማዕም ያይዶ ዛሎና ካኣማ ካኣማ ካሮ ሄላንዳኣና ዓኣ ሃኩማ ፔቴ ሺያ ታኣኪሢ ማዕኔ። ⁶ ዓይጎ ዓሲያ ማዕም ደቢንቲ ዓሲ ዎዴቴ ገሊ፣ ቶሊ ዓታንዳ ለሆ ካታማ ለዌ ዓሰም ዲንጉዎቴ፤ ቃሲ ሃሣ ያይዲታሚ ላምዖ ካታማ፣ ⁷ ቆልሞ ሄንቃ ቤሲና ዎላ ዲንጉዎቴ፤ ያዲ ማዕዛ ካታማ ዎሊ ዑፃ ያይዲታሚ ሳሊ ዔያቶኮ ማዕንዳ፤። ⁸ ዲሰራዔኤሌ ዓሰኮ ዓኣ ሳዖይዳፓ ለዌ ዓሰም ዲንሢ ዲንጋንዳሢ ዔያቶኮ ካታማ ዓኣ ጎይዖ ጉዳያኬ፤ ገይዖ፡- ሚርጌ ፃጰ ዓኣ ቶኦኮይዳፓ ሚርጌ ካታማ፤ ዳካ ፃጰ ዓኣ ቶኦኮይዳፓ ዳካ ካታማ ዔኪ ለዌ ዓሰም ዲንጉዎቴ» ገዔኔ።

ዓኣሺንቲ ገሊ ቶሎ ካታማ
(ለሚ. ዎማ 19:1-13፤ ዲያ. 20:1-9)

⁹ ናንገና ናንጋ ጎዳ ሙሴም፡- ¹⁰ «ዲሰራዔኤሌ ዓሰም ሂዚ ገይ ኬኤዜ፤ ዮርዳኖሴ ዎሮና ፒንቂ ካኣናኔ ዲንሢ ገሌ ዎድና፤ ¹¹ ፔቴ ዓሲ ዔሩዎዖ ደቢንቲ ዓሲ ዎዴቴ ዓኣሺንቲ ቶሊ ዓታንዳ ካታማ ደኦሩዎቴ። ¹² ዓሲ ዎዴ ዓሲ ሃይቁ ዓሢኮ ዲገና ኮሚ ዒዛ ዎዴዎጉዲ ዩንሢ ካታሞይዳ ዓኣሺንቲ ገሊ ዓታኒ ደንዳዓ፤ ዓሲ ዎዴያ ማዕም ዎጌና ዓርቂንቲ ዓሲ ዎገንቲባኣያታንቲ ዎዴንታኒ ኮይሱዎሴ፤ ¹³ ዩያሮ ለሆ ካታማ ደኦሩዎቴ፤ ¹⁴ ዔያቶይዳፓ ሃይሦንሢ ዮርዳኖሴ ዎሮኮ ዓባ ኬሰካ ባንፃ፣ ሃይሦንሢ ሃሣ ካኣናኔ ዓጮይዳ ማዕንጎ፤ ¹⁵ ዩንሢ ካታሞንሢ ዲሰራዔኤሌ ዓሰንታ ዔያቶ ባኣካ ዳካ ዎዳያ ማዕም ሚርጌ ዎዴናንጋ፣ ሚሌ ዓጪ ዓሰንታም ዓኣሺንቲ ገሊ ቶሎ ቤሲ ማዕንዳ፤ ደቢንቲና ዓሲ ዎዴ ዓይጎ ዓሲያ ማዕም ዩንሢ ካታማፓ ፔቴማይዳ ዓኣሺንቲ ገላኒ ደንዳዓ። » ገዔኔ።

ዓሲ ዎዴ ዓሲኮ ኮሚ ዔኪሢ ዛላ

16-18 ናንገና ናንጋ ጎዳ ኬኤዛዖ፡- «ፔቴ ዓሲ ዔሬዖ ዓንገና ማዕቴያ ሹቸና፣ ሃሣ ሚሢፓ ኮሺንቲ ዓንጋሞና ዓሲ ዎዴቴ ዩይ ዓሢ ዓሲ ዎዴያ ማዕሢሮ ዎዴንታንዳያ ኮይሳኔ፤ ¹⁹ ሃይቁ ዓሢኮ ዑኩ ማዕ ዲገኒ ዩያ ዎዴ ዓሢ ዎዴኒ ደንዳዓያታሢሮ ዳንቁቴ ዎዎድንጎ።

35:8 35:8 ዲያ. 21:1-42።

20 «ፔቴ ዓሲ ማሌ ዓሲ ዓዲሂና ሂዒ ሎንህም፤ ዬያጉዲ ሃሃ ጎይሂዳ ካቲ ዲዔያ፣ ደርቤያ፤ ሃሃ ዠቤያ ማዔም፣ 21 ዬያጉዲ ገንሃ ኩቹ ሙሊ ዲሌም ዓሂ ሃይቄያ ማዔቴ ዒዚ ዓሲ ዋዴያ ማዔሂሮ ዋዴንታንዳያ ኮይሳኔ፤ ዬያሮ ሃይቄ ዓሂኮ ዑኩ ዒጊኒ ዬያ ዓሂ ዋዴኒ ዳንዳዓሂሮ ዴንቄቴ ዋዋድን።

22 «ጋዓንቴ ፔቴ ዓሲ ዔሪባኣያ ማሌ ዓሲ ሃዒ ኬኤሪ፤ ሃሃ ዲይ፣ ደርቤ፣ ዠቤ ዋዴያ ማዔቴ፡- 23 ዬያጉዲ ሃሃ ሞርኬ ማዒባኣያ፣ ሃሃ ዓሲ ዋዴኒያ ማሊባኣያ ሹቻ ዲይ ዋዴያ ማዔቴ፣ 24 ዬያጉዴ ባኣዚ ማዔ ዋድና ዓሳ ዋዴ ዓሂና ኮሞ ዔካኒ ጋዓ ዒጊኖም ሃካፓ ሊካ ዓይሂንቴ ዳምቦ ጎይዎ ዋጎን። 25 ዓሲ ዋዴ ዋጌና ዓርቁንቴ ዓሂ ሃይቄ ዓሂኮ ዒጊኖይገታ ቶሊሲ ዓይሲ፣ ዒ ዓኣሺንቴ ጌሌ ካታሜሎ ገንሃ ዔከ ዴራ ጌልዘንጎ፤ ዬያ ዋድና ቄኤሶ ቢያሂኮ ሱኡጌ ማሆና ዓሂ ሃይቄንዳያ ሄላንዳኣና ዒኢካ ናንጎን። 26 ዓሳ ዋዴሂሮ ዋጎና ዓርቁንቴ ዓሂ ቶሊ ዓኣሺንቴ ዴዔ ካታሞ ሃሺ ዴንዴም፤ 27 ሃይቄ ዓሂኮ ዒጊና ዒዛ ዴንቄ ዋዴቴ ዬያጉዴ ኮሜ ዔከፃ ዓሲ ዋዴያ ማሂ ያኦጠሳያቴዋሴ። 28 ዓይጎሮ ጌዔቴ ዬይ ዓሳ ዋዴ ዓሂ ቄኤሶ ቢያኮ ሱኡጋሂ ሃይቄንዳያ ሄላንዳኣና ዬያ ዓኣሺንቶ ካታሜሎይዳ ናንጋንዳያ ኮይሳሂሮኬ፤ ቄኤሳሂ ሃይቄያ ማዔቴ ዬይ ዓሂ ፔ ማኣሪ ማዒ ዴንዳኒ ዳንዳዓኔ፤ 29 ሃይ ዋጎና ዳምቦና ዒንሂ ናንጋ ዓጮ ቢያይዳ ዒንሂንታ ዒንሂ ናኣቶንታሞ ማዲ ማዲ ናንጋያ ማዎን።

30 «ዓሲ ዋዴ ዋጌና ዓርቁንቴ ዓይጎ ዓሲያ ማዎም ሃይቄንዳጉዲ ዋጊንታኒ ዳንዳዓሂ ላምዎ ሃንጎ ላምዎይገገ ዑሃ ዓኣዴ ዓሲ ማርካዴቴኬ፤ ፔቴ ዓሲ ማርካዴ ማርካቶ ጋዓንቴ ዓሲ ዋዴ ዓሂ ያኦጠሳኒ ዳንዳዐ-ዋሴ። 31 ዓይጎ ዓሲያ ማዎም ዓሲ ዋዴቴ ሃይቄንዳጉዲ ዋጊንቶንጎ፤ ሚኢሽ ጠጊሂና ዬያ ዋጊንቴ ዋጎይገገ ቶሊኒ ዳንዳዐ-ዋሴ። 32 ፔቴ ዓሲ ዓኣሺንቴ ቶሎ ካታሞ ጌሊ ዓኣዎ ቄኤሶ ቢያኮ ሱኡጋሂ ሃይቄዋንቴ ሚኢሽ ጠጊ ፔ ማኣሪ ኬሰኪ ዴንዳንዳጉዲ ዳኪፖቴ። 33 ዬያ ዒንሂ ማዴቴ ዒንሂ ናንጋ ዓጠፎሎ ዒንሂ ዒኢሳንዳኔ፤ ዓሲ ዋዴሂ ዓጠ ዒዒኢሳኔ፤ ዬያሮ ዓሲ ዋዴ ዓሂኮ ሱጉፃ ላኣሊንቴባኣንቴ ሳዎ ዬያ ሱጉፃፓ ጌኤሻኒ ማዴንታ ማሌ ዳምቤ ባኣሴ። 34 ታኣኒ ናንጊና ናንጋ ጎዳ ማዔሂሮ፤ ሃሃ ዒንሂ፣ ዓሲራዔኤሌ ዓሳ ባኣካ ታ ናንጋያታሂሮ ታኣኒ ናንጋ ሳዔሎ ዒኢሲፖቴ» ጌዔ።

35:30 35:30 ላሚ. ዋማ 17:6፤ 19:15፤ ገረ. ማፃ 27:7።

36

ጃሎፕሃዴኮ ዉዲሮ ናኣቶም ዒንገንገቲ ዓጮ

1 ዮሴፔ ናኣዚ ሚናኣሴ ሾዔ፥ ማኪሬ ናኣዚ ጌሌዓዴ ቶኣኮኮ ማኣሮ ማኣሮ ሱኡጋ ሙሴና ሃንጎ ዒሰራዔኤሌ ዴሮ ሱኡጎ ከይላ ሙኪ፡- 2 «ዒፃ ዓገ፣ ዓጩሎ ዒሰራዔኤሌ ዴሮም ኔ ፓቃንዳፕዲ ናንገና ናንጋ ጎዳ ኔና ዓይህኔ፤ ዩያፕዲ ሃሣ ኑ ዒገናህ ጃሎፕሃዴ ህላ ዛሎዎ ዒዛኮ ዉዲሮ ናኣቶም ዒንጋንዳፕዲ ኔና ዓይህኔ፤ 3 ጋዓንገቲ ዔያታ ሜሌ ፃጳፓ ማዔ ዓተንቁም ሌዔቴ ዔያቶኮ ዓጮ ዩኖ ፃጳ ማኣሮ ዓሶም ማዓዛ፥ ኑም ማዓህ ዳካንዳያታህ ዔሬ፤ 4 ሻንቸንገቲ ባካ ማዓ ሌዖና ዔያቶኮ ዓኣ ባካ ዔያቶኮ ዓንጎህ ፃጳም ማዓኔ፤ ዩይ ኑ ፃጳኮ ዓኣ ሳዖይዳፓ ዔኪ ዳኪሳያ ማዓኔ» ጌዔኔ።

5 ሙሴ ዒማና ናንገና ናንጋ ዒዛ ጎዳ ዓይህ ጎይዖ ዒሰራዔኤሌ ዴሮም፡- «ሚናኣሴ ማኣሮ ዓሳ ጌዔህ ፒዜኬ፤ 6 ዩያሮ ናንገና ናንጋ ጎዳ ጃሎፕሃዴኮ ዉዲሮ ናኣታ ዔያቶ ፃጳ ማዔ ዓሲ ማዔቴ ዔያታ ናሽኬ ዓሲም ሌዓኒ ዳንዳዓኔ» ጋዓኔ፤ 7 ዩያይዳዛ ዓይጎ ዓሲኮዎ ማፃም ዒሰራዔኤሌ ዓሶኮ ዓኣ ሳዓ ሜሌ ፃጳም ዒንገንገታዓኬ፤ ዩኖ ፃጳ ማኣሮ ማዓኔ፤ 8 ዒሰራዔኤሌ ፃጳ ማኣሮይዳ ሳዓ ዔኬ ዉዲሮ ናይ (ሳኣሊ) ዩኖ ፃጳ ማኣራፓ ማዔ ዓተንቁም ሎዓንዳያ ኮይሳኔ፤ ዩያይዲ ፔቴ ፔቴ ዒሰራዔኤሌ ዓሳ ቤርታ ዓደንህ ቤዘ ዔያቶሮ ማህ ዓርቃኒ ዳንዳዓኔ» ጌዔኔ። 9 ዩይ ሳዓ ፔቴ ፃጳ ማኣራፓ ሜሌ ፃጳ ማኣሮም ዓኣዳኒ ዳንዳዓዑዎሴ፤ ፔቴ ፔቴ ፃጳ ማኣራ ማኣራ ፔኤኮ ዓኣ ሳዖ ዓርቁ ዴዓንዳኔ።

10-11 ዩያሮ ጃሎፕሃዴኮ ዉዲሮ ናኣታ፡- ማህላ፥ ቲርፃ፥ ሆግላ፥ ሚልካንታ ኖዓንታ ናንገና ናንጋ ጎዳ ሙሴም ዓይህ ጎይዖና ዓደኮ ጌርሲንህ ናኣቶም ሌዔኔ፤ 12 ዔያታ ሌዔህ ዮሴፔ ናኣዚ ሚናኣሴ ፃጳ ቶኣኮምኬ፤ ዩያይዲዖና ዔያቶኮ ሳዓ ዔያቶኮ ዓደ ማኣሮ ፃጳም ማዒ ዓቴኔ።

13 ዒሰራዔኤሌ ዓሳ ዒያርኮኮ ሆታ፥ ዮርዳኖሴኮ ሱካ፥ ሞዓኣቤ ቦኣሎይዳ ዓኣንገቲ ናንገና ናንጋ ጎዳ ሙሴ ዛሎና ዔያቶም ዒንጌ ዓይህዖንታ ዳምባኣ ዩያኬ።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929